

মানবেন্দ্র বন্দ্যোপাধ্যায়

বন্ধুবরেন্দ্র

এটাই ছিল আমার দ্বিতীয় পল্‌পের বই ।  
দেবী করে বেরনোর ফলে হয়ে গেল  
তৃতীয় ।

গল্পগদ্যলো কোনো ধারাবাহিকতা মেনে  
সাজানো হয়নি । দশ বারো বছরে লেখা  
আর দশ বারো রকমের পত্র-পত্রিকায়  
বেরনো লেখাগদ্যলোকে এক জায়গায়  
জড়ো করে দেওয়া এখানে ।

তৃতীয় বই হলেও গল্পগদ্যলো তৃতীয়  
শ্রেণীর নয় । আমি লিখে অন্তত টের  
পেয়েছি সেটা । প্রথম শ্রেণীর পাঠক যদি  
এ গল্পগদ্যলোর দ্বিতীয় শ্রেণীর স্বাদ  
পান, তাহলেই খুঁশি । প্রকাশক অবশ্য  
খুঁশি হবেন অধিক সংখ্যক পাঠককে  
ভূঁপ্তি জোগালে ।

পদ্মেন্দ্র পদ্মী  
সলটলেক সিটি



## টিনের বন্দুক

গণিকার সঙ্গে যে এ-ভাবে, এত বছর বাদে, এই রকম আতঙ্ক-জনক পরিবেশে হঠাৎ দেখা হয়ে যাবে, ভাবতে পারিনি।

আর জি করের খালের ধারে ফাঁকা বাস স্ট্যাণ্ডে দাঁড়িয়েছিলাম। কীভাবে বাড়ি ফেরা যাবে এই চিন্তায় দিশেহারা। সবে রাত্রি আটটা। অথচ সারা কলকাতায় মধ্যরাত্রির অন্ধকার। ট্রাম-বাস-ট্যাক্সী-ডাবলডেকার আর রাস্তার দু-পাশের দোকান-পাট থেকে প্রেতচক্ষুর মত অস্পষ্ট আলোর ইশারা এখনো রাস্তায় ছিড়িয়ে ছিটিয়ে পড়ছে বলেই কলকাতাকে চেনা যায়। দ্বিতীয় মহাযুদ্ধের সময় আমার কৈশোর কেটেছে শহর থেকে দূরে এমন এক নিরাপদ গ্রামের নির্জনে যার কোনখানে মহাযুদ্ধের উদ্যত থাবার আঁচড়ের দাগ পড়েনি এতটুকু, কেবল উদ্ভাস্ত কলকাতাবাসীর বেপরোয়া পলায়নের উদ্যোগপর্বে বেশ কিছু লোক ছিটকে এসে আশ্রয় নিয়েছিল যার কোথাও কোথাও। ফলে ব্যাক-আউটের এই কালিমাখা কলকাতার সঙ্গে আজ যৌবনেই এই প্রথম শব্দদৃষ্টি।

মাথার উপর দিয়ে একটা বিমান উড়ে গেল প্রমত্ত শব্দে পায়ের তলায় মাটি কাঁপিয়ে। খরখরিয়ে উঠল বন্ধুর ভেতরটা। আবার হয়তো কলকাতা ছেড়ে পালাতে হবে। ভীষণ অসহায় বোধ করছি যাত্রী হিসেবে এই বিরাট শূন্যতার ভিতরে একা দাঁড়িয়ে থাকতে। আগে কোনদিন এমন স্পষ্টভাবে চোখে পড়েনি, এই খালের ধারে, যেখানে প্রায় ছ-সাত বছর ধরে বাসে উঠছি, বাস থেকে নামছি, এতগুলো গাছ ছিল সারি সারি। একমাথা অন্ধকার নিয়ে দাঁড়িয়ে থাকা গাছগুলোর দিকে তাকিয়ে আঁমি যেন দেখতে পেলাম আমার মনের বিপদগ্রস্ত অন্তর্ভূতিরই একটা চিত্ররূপ। পায়ের তলায় খস্‌খস্‌ করে কি যেন নড়ে উঠল। কাগজ। ছেঁড়া কাগজের



টুকরো। আজ বিকেলের টেলিগ্রাম। আমিও কিনেছিলাম একটা। কোথায় যেন ফেলে এসেছি। লাহোর খণ্ড আমাদের জওয়ানেরা বীরদর্পে এগিয়ে চলেছে শত্রুবাহ ভেদ করে।

যুদ্ধকে আমি ঘৃণা করি। হয়তো ভীরু, তাই। হয়তো ভীরু বলেই শান্তিপ্রিয়। তবুও চারপাশে এত অন্ধকার, উদ্বেগ, আশঙ্কা সত্ত্বেও যুদ্ধকে আজ বেশ ভাল লাগছে—বিকেলের টেলিগ্রামটা হাতে পাওয়ার পর থেকে। যেহেতু আমরা জিতছি। আমরা মানে ভারতবর্ষ। কিন্তু সেটা ভোগ করতে পারছি না তারিয়ে। বন্ধুকে চেপে বসেছে উদ্বেগ। বাড়ি ফিরবো কিভাবে? শেষ বাস চলে গেছে। আমি খেয়াল করিনি যে আজ থেকে রাত আটটার পর এখানে সমস্ত বাস চলাচল বন্ধ। ডাহা মূর্খের মত কাজ। এই অর্ধার-সংকুল রাতে অত দূর পথ হেঁটে যাওয়ার কথাও চিন্তা করা যায় না। ট্যাক্সীর পয়সা নেই। তা ছাড়া ট্যাক্সী কি যাবে? আগে যখন অবস্থা স্বাভাবিক ছিল, শেয়ারের ট্যাক্সী পাওয়া যেতো। কিন্তু এখন—

ঠিক এই সময়ে আমার নাম ধরে মহিলা কণ্ঠ কেউ যে ডাকবে আশা করিনি। তাকিয়ে দেখি মণিকা। অমন অন্ধকারেও একবারের তাকানোর মণিকাকে যে দেখা গেল, এটাই আশ্চর্য। অথবা মণিকা বলেই ঘটতে পারল অমন আশ্চর্য।

—মণিকা! তুমি!

—শেষ বাসটা চলে গেছে, না?

মণিকার কণ্ঠস্বরে তার বিপন্নতা।

—হ্যাঁ।

—ঈস্।

—কেন, তুমি কোথায় যাবে?

—বারাসতের কাছে—

—সেকি! তুমি—তোমরা ওদিকে থাক নাকি? কর্তাদিন?

—বছর দেড়েক হবে ।

—বারাসত কলেজে গেছো নাকি ?

—হ্যাঁ ।

—প্রদীপ্ত ? প্রদীপ্তও কি ওখানে ?

মণিকা জবাব দিল না । যেন শুনতেই পায়নি প্রশ্নটা ।

মণিকা স্থির হয়ে দাঁড়াতে পারছে না এক জায়গায় ।

—তুমিও তো ঐদিকে যাবে ?

আমার দিকে তাকিয়ে তার প্রশ্ন ।

—হ্যাঁ । আমারও তো একই অবস্থা । ব্যাপারটা খেয়াল করিনি—

—আমি জানতাম । কিন্তু আসতে পারলাম না । গাড়িগুলোর যেন স্পীড নেই একদম । গরুর গাড়ির মত টিকির-টিকির করে এগোচ্ছে । ভবানীপুর থেকে শ্যামবাজার এল প্রায় দেড় ঘন্টায় ।

—জেনে-শুনে আজকেই ভবানীপুরে যেতে গেলে কেন ?

—খবু জরুরী দরকার না থাকলে নিশ্চয়ই যেতাম না । এখন কি করে বাড়ি ফেরা যায়, একটা ব্যবস্থা কর শ্যামল । তোমাকে দেখে তবু খানিকটা ভরসা এল ! উঃ, কী চেহারাহয়েছে কলকাতার ! শ্যামল ! দাঁড়িয়ে আছ কেন, দেখ না, একটা ট্যাক্সী পাওয়া যায় কিনা—

মণিকার গলায় আতঙ্ক, বেদনা ও ক্লান্তি । র্যাক-আউটের কালো কলকাতা দেখে ভয় পেয়েছে মণিকা । অন্ধকারেও মণিকাকে যতটা দেখা যায় দেখে নিতে লোভ হল । মণিকাকে শেষ দেখেছি—সে বোধ হয় বছর তিন-চার আগে । মেট্রোর সামনে দেখা হয়েছিল । বিয়ের পর ওদের দুজনকে সেই প্রথম দেখা । প্রদীপ্ত কাফে-ডি-মণিকায় টেনে নিয়ে গেল । খাওয়াল খুব । সেদিন বডু খুকী খুকী লেগেছিল মণিকাকে । অতৃপ্তজ্বল আবরণ-আভরণের জেল্লায় যেন ঢাকা পড়েছিল আসল মণিকা । আজ কিন্তু সে মণিকাকে

দেখছি না। খুবই সহজ সরল অনাড়ম্বর। যা ওকে মানায়। ইউনিভার্সিটি-র ছেলে-মাতানো দাঁসি মেয়ে মণিকাকে আজ এই মৃদুহৃৎ বিপন্ন দেখতে বেশ ভালই লাগছে। বিপন্ন না হলে মণিকা অত মিষ্টি সুরে কি শ্যামল বলে ডাকতো? মণিকার গলায় আমার নাম এত মিষ্টি সুরে অনেক বছর পরে শুনলাম। এই রকম নির্জন অন্ধকার পরিবেশে এই রকম অন্তরঙ্গ সম্ভাষণ এক ধরনের বিষাদকে ধূপের মত জ্বালিয়ে দেয়।

মণিকার দিকে তাকালাম। মণিকাও আমার দিকে। অন্ধকারেও নক্ষত্র, এই রকমই চোখ তার। বিপন্ন বিষন্ন হয়ে আছে বলে আরো সুন্দর দেখাচ্ছে। যেন কলকাতার অন্ধকার ওর চোখের চারপাশে কাজল এঁকে দিয়েছে। আমি মৃদু একটু হেসে বললাম

—এতেই এতো ভয় পাচ্ছ? সব তো কলির সন্ধ্যা। যুদ্ধের কোথায় কি? কলকাতা সব কালো হয়েছে। আস্তে আস্তে নীল হবে, লাল হবে।

মণিকা চোখ দুটো নামিয়ে নিল। করুণ আর মৃদু বিলাপের মত স্বরে সে বললে

—তোমাদের যুদ্ধ হয়তো এখনও শুরুর হয়নি। কিন্তু আমার যুদ্ধ অনেক আগেই শুরুর হয়ে গেছে। এখন এ-সব কথা ভাল লাগছে না শ্যামল। প্লীজ দেখ। একটা ট্যান্ধী পাওয়া যায় কিনা। আমি মা হয়েছি জান? জান না? বাড়িতে আমার একটা বাচ্চা ছেলে আছে। তিন বছরের। বুঝতে পারছো?

—আর একটা বুড়ো ছেলেও তো আছে বাড়িতে? ছত্রিশ বছরের?

মণিকা ক্ষিপ্ত হয়ে উঠল সহসা।

—আমাকে দেখে তোমার বোধ হয় খুব ছাবলানি করতে ইচ্ছে করছে? তোমার যদি অসুবিধা হয় আমিই না হয় ট্যান্ধীটা ডাকছি—তুমি দাঁড়া করে আমার এই প্যাকেটটা একটু ধরবে?

এই হচ্ছে, আমাদের সেই ইউনিভার্সিটি-যুগের নায়িকা মণিকার কণ্ঠস্বর। ওর তীক্ষ্ণ ঋজু ধারালো যৌবনের আকর্ষণে যারা চারপাশে বৃত্তাকারে ঘুরতো, তাদের লোলুপ লুপ্ততাকে দাবিয়ে রাখার ঐ একটি মারাত্মক অস্ত্র কণ্ঠায়ত্ত ছিল মণিকার—ওর তীক্ষ্ণ ঋজু ধারালো কণ্ঠস্বর।

—দাও, প্যাকেটটা দাও। ট্যাক্সী ডাকছি। পূজোর মার্কেটিং নাকি?

—না। প্রেজেন্টেশান। রবিবার মিন্টুর জন্মদিন। কাকীমা দিলেন।

২

ভেবেছিলাম গাড়িতে ওঠার পর মণিকা হালকা হবে। মণিকার সঙ্গে কথা বলা যাবে হালকা হয়ে। কিন্তু মণিকা যেন আরও গম্ভীর। একদৃষ্টে তাকিয়ে বাইরের সীমাহীন অন্ধকারের দিকে। মাঝে মাঝে দু-একটা লরীর আলোয় গাড়ির বাইরের অন্ধকার ও গাড়ির ভিতরের মণিকা বলসে উঠেছিল। ঐ চকিত আলোয় মণিকার ঈষৎ বেঁকে বসে থাকার ভঙ্গীটি ফুটে উঠেছিল মায়াময় হয়ে। বাইরে বাতাস। দু-এক গোছা বাঁকা চুল কপালের চারপাশে উড়ছে। পিঠের বেণীটাকে কাঁধের পাশ দিয়ে টেনে বন্ধের দিকে। অনাবৃত মসৃণ ঘাড়। ঐ ঘাড়ের মণিকা রাজহংসী।

এই সেই মণিকা যাকে নিয়ে কত ঠাট্টা, ইয়াকি, ছড়া-কাটা, ছড়া লিখে রাখা ব্ল্যাক-বোর্ডে। সকলেরই আকর্ষণ ছিল মণিকার দিকে। আমারও ছিল। কিন্তু মণিকার আকর্ষণ ছিল কলেজের এক অধ্যাপকের প্রতি। অকারণে সেই অধ্যাপক আমাদের কাছ থেকে বিদ্রূপ ও অপমান পেয়েছেন কতদিন। কলেজের দিন ফুরলো। এল

ইউনিভার্সিটি। সেই সঙ্গে দিগ্বিজয়ী আলেকজান্ডারের বেশে রংগমঞ্চে আবির্ভাব ঘটল প্রদীপ্তর। সে এল, তাকাল, এবং জয় করল মণিকাকে। আলেকজান্ডারই বটে। বাঙালীর ছেলের সচরাচর ঐ রকম পদ্রুপাকৃতি চেহারা হয় না। সুদর্শন ও সুগঠনের যুগলমিলন যেন। প্রদীপ্তকে দেখার পর সত্যিই আমাদের লজ্জা করতো নিজেদের হাড়িগিলে মাক' চেহারার দিকে তাকাতে। আর প্রদীপ্তর মত ছেলে যেখানে মণিকার প্রেমপ্রার্থী সেখানে আমাদের প্রতিদ্বন্দ্বিতার কোন প্রশ্নই উঠতে পারে না আর। আমাদের রসবোধ ছিল, তাই সাক্ষেসফুল রিট্রিটে লজ্জিত হইনি। উল্টে আমরা সহায়তা-সহযোগিতা করেছি যাতে প্রদীপ্ত আমাদের ছাত্রদলের পাণ্ডা হয়ে ওঠে। প্রদীপ্তর মধ্যে ব্যক্তিত্ব ছিল পাণ্ডা হওয়ার।

অনেকটা পথ পেরিয়ে এসেছে ট্যাক্সীটা। আর একটু পরেই আমি গন্তব্যস্থানে পৌঁছে যাব। কত বছর পরে মণিকাকে এত কাছে পাওয়া গেল। কোন কথা হবে না? কি এত ভাবছে ও। ছেলের কথা? দেবী করে ফেরার জন্যে প্রদীপ্ত অভিমান-মেশানো রাগের কপট-অভিনয় করলে তাকে কিভাবে সংহত করবে? ধাক্কা দিয়ে খুলে দিলাম আমাদের দুজনের মাঝখানে বন্ধ-হয়ে-থাকা স্তব্ধতার দরজাটা।

একটু মোটা হয়েছে মণিকা। সুখী জীবনের লক্ষণ।

মণিকা যেন পাথরের স্ট্যাচু।

—তুমি কি কথা বলবে না মণিকা?

একটু নড়ে-চড়ে বসল। কিন্তু আমার দিকে তাকাল না।

—কি বলবো বল?

—সেটাও কি আমি বলে দেবো? কত বছর পরে দেখা হচ্ছে।

কিছুই কি বলার নেই?

—তুমি বিয়ে করেছ?

—ওসব কথা বাদ দাও। করেছি। প্রদীপ্তর কথা বল। তোমাদের দাম্পত্য-জীবনের খবরাখবর বল। আচ্ছা, একবার শুন-ছিলাম প্রদীপ্ত ডি-ফিলের জন্যে চেষ্টা করছে—সত্যি !

—হ্যাঁ। চেষ্টা করেছিল এবং পেয়েওছে।

—বাঃ, গুড নিউজ। ভেরী গুড। তোমরা দুজনেই একই কলেজে আছ নাকি ?

—না।

—তা হলে ? প্রদীপ্ত কোন্ কলেজে ?

—কোন কলেজেই নয়। জন্মুতে।

—জন্মু ? তার মানে ?

—চাইনিজ অ্যাগ্রেশানের সময় ও আর্মিতে যোগ দিয়েছিল।

—কি বলছো তুমি ? সত্যি ?

—তোমার কি মনে হচ্ছে মিথ্যে বলছি ?

এ কি বলছো মণিকা ? প্রদীপ্ত যুদ্ধের সৈনিক ? মণিকার মত রূপসী স্ত্রী, তিন বছরের শিশুপুত্র, অধ্যাপকের নিরাপদ চাকরি ছেড়ে যুদ্ধক্ষেত্রে ? প্রদীপ্তর শরীরে সৈনিক হওয়ার মত শক্তি ছিল—অনস্বীকার্য। কিন্তু জীবনের সুখশয্যার প্রতি এতটা মমতাহীন হওয়ার মত সাহস ছিল—অভাবিত।

বদ্ব্যপ্তে পারলাম মণিকার স্তব্ধ অনামনস্কতার কারণ। বদ্ব্যপ্তে পারলাম কী গভীর উদ্বেগ, আশংকা ও শূন্যতার উপলব্ধি থেকে মণিকা একটু আগে বলেছিল—তোমাদের যুদ্ধ হয়তো এখনও শুরুর হয়নি, কিন্তু আমার যুদ্ধ অনেক আগেই শুরুর হয়ে গেছে। আরও কিছু বল মণিকা। প্রদীপ্তর গল্প বল। সে কবে গেল। কিভাবে গেল। কি কথা বলে গেল। তার শেষ চিঠি পেয়েছ কবে। কি লিখেছে সে। কেমন লাগছে তার যুদ্ধক্ষেত্রের গোলা-বারুদ, কামান-বিমান, অন্ধকার-আতঙ্ক। বল মণিকা। প্রদীপ্ত-আমাদের বন্ধু। বড় জানতে ইচ্ছে করছে।

কিন্তু মণিকাকে আমার মনের এই আলোড়ন জানাতে পারলুম না। পার হয়ে গেল আরও কিছু স্তব্ধ সময়।

—ভবানীপুরে কি প্রদীপ্তের কোন খোঁজ নিতে গিয়েছিলে ?

—হ্যাঁ।

—কে থাকেন ?

—কাকীমার বাড়ি। কাকাবাবু চণ্ডীগড়ের সুপারিনটেন্ডেন্ট অব পুলিশ।

—কিছু খবর পেলে ?

—না। নতুন কোন চিঠি দেননি কাকাবাবু।

এই সময় ওকে সাহস ও সান্ত্বনা দেওয়া প্রয়োজন।

—তবে জানতো ভয়ের কিছু নেই। আজকের টেলিগ্রামে বলেছে যুদ্ধে আমাদের পজিশনই বেটার। জম্মু-র অবস্থা ভাল। নিশ্চয়ই চিঠি আসবে দ্ব-একদিনের মধ্যে।

প্রদীপ্তের মদুখটা মনে করতে চেষ্টা করলাম বার বার। আশ্চর্য, একেবারেই মনে পড়ছে না। তার বদলে কেবলই ভেসে উঠছে একটা ধ্বংসপ্রাপ্ত আমেরিকান প্যাটন ট্যাঙ্কের বিকৃত চেহারা, কালকের কাগজে ছবিটা ছাপা হয়েছিল। ড্রাইভারের সীটের সোফার উপরে মণিকার হাতটা পড়েছিল ক্লান্তভাবে। একটা আঙুলে আংটি। এত অন্ধকারেও আংটির সোনায় কোথা থেকে আলো লেগেছে। ইচ্ছে করল মণিকার হাতটা টেনে নিই। নিয়ে বলি—আমাকে ক্ষমা কর মণিকা। তোমার মনের নিঃসঙ্গতাকে না বুঝে অনেক চটুল ঠাট্টা করেছি।

রাস্তার বাঁ-দিকের পেট্রোল পাম্প। ড্রাইভারকে গাড়ি থামাতে বললাম। মণিকা আমার দিকে তাকাল।

—তুমি নামবে ?

—নামতে হলে এখানেই নামতে হয়। কিন্তু—কিন্তু আমি চাইছিলাম তোমাকে পেঁছে দিয়ে আসি।

—না, দরকার হবে না—শ্যামল। এই অন্ধকারে অতদূর যেতে হবে না।

—না, শূন্য সেজন্যে নয়। তোমাদের বাড়িটা চিনে আসতুম। কোন খোঁজখবর এল কিনা প্রদীপ্তর সেটা জানা যেত।

—ঠিকানাটা লিখে নাও। আমাদের কলেজে ফোনও করতে পার।

—আচ্ছা, ঠিকানা, ফোন নাম্বার দুটোই দাও।

মণিকার বাসার ঠিকানা ও কলেজের ফোন-নাম্বার দুটোই লিখে নিলাম ডাইরীতে। নামবার সময় একটা দূ-টাকার নোট মণিকার দিকে এগিয়ে বললাম

—কিছু মনে কোরো না মণিকা। আমিও কিছু শেয়ার করি।

মণিকা বিরক্ত মুখে আমার হাতটাকে ঠেলে সরিয়ে দিল।

—ইয়াকি কোরোনা শ্যামল। যা-আ-আ-ও।

ট্যাক্সী থেকে নামলাম। পলকে সেটা অদূরের অন্ধকারে মিশে গেল। আমি একই জায়গায় দাঁড়িয়ে রইলাম কিছুক্ষণ। মণিকার কথা ভাবছিলাম। মণিকার শেষ কথাটুকু। একটু যেন বিদ্রূপ ও বিরক্তি মেশানো। যা-আ-আ-ও। কোথায় যাবো? ঘরে? নিজের স্ত্রী-পুত্রের কাছে? নিজের নির্বিঘ্ন নিদ্রাভূমিতে? তাই তো? তোমার স্বামী যুদ্ধে। তোমার চোখে রাগ এখন ঘুম এনে দেবে না। এখন শিমূল-তুলোর বালিশকেও মনে হবে কাঠের তক্তার মত কঠিন। প্রতিনিয়ত একটা দ্বিবিষহ আশঙ্কায় উদ্বেগে তুমি রূপ হবে। নিজের শিশুপুত্রের গালে চুমো দিতে গিয়ে হঠাৎ মুষড়ে-ওঠা ব্যথায় তোমার ঠোঁটের স্নেহ শূন্য হয়ে যাবে। এ-সবই সত্য। তুমি যেহেতু প্রদীপ্তর বিবাহিত স্ত্রী। কিন্তু আমরা কি প্রদীপ্তর কেউ নই? প্রদীপ্ত আমার সবচেয়ে প্রিয়তম বন্ধু ছিল। প্রদীপ্তকে আমরাই ক্যাম্পেন করে, মেজরিটির ভোটে ইউনিভার্সিটি ম্যাগাজিনের এডিটর করেছিলাম—তুমি



নিশ্চয়ই ভুলে যাওনি। প্রদীপ্ত প্রুফ দেখতে জানতো না। দেখে দিয়েছি। প্রদীপ্ত একটু আয়েসী মেজাজের ছেলে ছিল তখন। প্রদীপ্তর হয়ে আমিই সমস্ত কাজ করে দিয়েছি—লেখা সংগ্রহ, ইলাস্ট্রেশান, গলাট আঁকানো, রুক, ছাপা সবই। প্রদীপ্ত অধিকাংশ দিন সিগারেট খেয়েছে আমার পরসায়। তা ছাড়াও আরো অনেক কিছ্, অনেক কিছ্, মনে পড়ছে না—হ্যাঁ মনে পড়ছে একটা দিনের কথা—তোমারও নিশ্চয়ই মনে পড়বে মণিকা—

গোপন ও অত্যন্ত জরুরী মিটিং-এর দোহাই দিয়ে সদুশীলের মেসের একটা ঘরে একবার বৈঠক বসেছিল মনে আছে? একদিন দুপুরে? কিন্তু সে মিটিং-এ কেউ এল না। আমি সদুশীল আর প্রদীপ্ত ছাড়া। কোরামের অভাবে মিটিং বন্ধ হল। একটু পরে তুমি এলে। আমরা উত্তেজিত ও বিরক্তভাবে উঠে এলাম। তোমাদের দুজনকে একা রেখে। বাইরে থেকে দরজাটা ভেঁজিয়ে দিয়েছিলাম। বেশী দূর যায়নি। একতলায় নামার কাঠের নড়বড়ে সিঁড়িটার কাছেই দাঁড়িয়ে আমরা সময়টা কাটিয়েছিলাম অকারণ রাজনৈতিক তর্ক করে। তুমি অত্যন্ত চতুর মেয়ে ছিলে মণিকা। নিশ্চয়ই বদ্বতে পেরেছিলে সবটাই অভিনয়। সবটাই আমাদের সাজানো। প্রদীপ্তর অনুরোধে সৃষ্টি করা। প্রদীপ্ত তোমার সঙ্গে গোপনে মিশতে চেয়েছিল। প্রদীপ্তকে ভাল-বেসেই আমরা এ-সব করেছিলাম। এসব কি খুবই তুচ্ছ! প্রদীপ্তর জন্যে পৃথিবীতে শূন্য তুমি একাই চিন্তিত—এটা ঠিক নয়। তোমার দুঃখের পরিমাণ বেশী—এইটুকুই তফাত।

বাড়ি ফিরে এলাম। রাতে গাঢ় নিদ্রা হল। ঘুম ভাঙল একটা ভয়াবহ স্বপ্ন ভাঙার সঙ্গে সঙ্গে। জন্ম কিংবা ছান্ন কিংবা শিয়ালকোট কোথাবার একটা যুদ্ধক্ষেত্রে আমি মরতে যাচ্ছিলাম, গুলী খেয়ে। \* চোখ মেলে দেখি সামনে দাঁড়িয়ে রমা।

—কখন থেকে ডাকছি। চা, জুড়িয়ে গেল।

চায়ের কাপে চুমুক দিতে গিয়ে প্রদীপ্তর কথা মনে পড়ে গেল আবার। কিন্তু এ কী আশ্চর্য ব্যাপার। প্রদীপ্তর মুখটা কিছূতেই মনে পড়ছে না কেন? সবটা কেমন আবছা আবছা।

৩

বেশী সময় লাগল না। বিকেল চারটের টেলিগ্রামে তার মুখ দেখতে পেলাম। এই তো প্রদীপ্তর মুখ। শূদ্ধ সৈনিকের পোশাক পরে আছে বলে একটু ভারী ও গম্ভীর লাগছে। খুব বড় করেই ছাপানো হয়েছে ছবিটা। ছবির নিচে বড় বড় করে লেখা—মৃত্যুঞ্জয়ী প্রদীপ্ত চট্টোপাধ্যায়। নিচে বিশদ বিবরণ। শেষ নিশ্বাস পরিত্যাগ করার পূর্ব মূহূর্ত পর্যন্ত সে কীভাবে সংগ্রাম করেছিল। তার এই বীরোচিত আত্মোৎসর্গের ফলেই সম্ভব হয়েছে শত্রুপক্ষের একটা গুরুত্বপূর্ণ ঘাঁটি দখল।

ছুটি-পাওয়া লোকের ভিড়ে এসপ্লানেডে লোকারণ্য। হাজার হাজার মানুষের হাতেই টেলিগ্রাম। প্রত্যেক টেলিগ্রামেই প্রদীপ্তর মুখ। তীব্র ইচ্ছে করল এইখানে দাঁড়িয়ে একটা বিধ্বংসী কামানের মত গর্জন করে বলি

—এই প্রদীপ্ত আমার বন্ধু।

পারলাম না। তখন আমার বন্ধুর ভিতরে যেন একটা ভারী ট্যাঙ্ক হেঁটে চলেছে।

এই টেলিগ্রাম বারাসতে পেঁছতে রাত্রি হবে। মণিকা এখনো খবর পায়নি। ওকে কি ফোন করব? পারা যাবে না। তা হলে? আজ শুক্রবার। রবিবার ওর ছেলের জন্মদিন। সারা শহরের মানুষের হাত থেকে কি এই টেলিগ্রামগুলো ছিনিয়ে নেওয়া যাবে? যাবে না। খবর পেয়ে মণিকা যদি হার্টফেল করে? কে আছে

তার পাশে ? এই সময় যে বড় বেশী সাহস ও সান্ত্বনার প্রয়োজন ।  
এখন ওকে খুব ভাল করে বুঝিয়ে বলা দরকার যে প্রদীপ্ত  
মরেনি ।

ভেবেছিলাম ভোরেই যাব । হল না । ভোরের কাগজে দেখলাম  
সে অনেক সান্ত্বনা পেয়েছে । প্রধানমন্ত্রী, রাষ্ট্রপতি তাঁদের  
ব্যক্তিগত শোকবার্তায় সম্মান জানিয়েছেন প্রদীপ্তর এই মহৎ  
মৃত্যুকে । আজ থাক । কাল ওর ছেলের জন্মদিন । কাল যাব ।  
আপিসের পর ।

কড়া নাড়তেই একটু পরে একজন বৃদ্ধা দরজাটা খুলে দিলেন ।  
এখানেও ব্যাকআউটের অন্ধকার ।

—কাকে চাই ?

—মণিকা আছে ?

—কোথা থেকে আসছেন আপনি ?

—এইদিকেই থাকি । মণিকার সঙ্গে একটু ব্যক্তিগত দরকার  
ছিল ।

—ওতো বাড়িতে নেই ।

—নেই ? কোথায় গেছে ?

—ভবানীপুরে ।

—ওঃ । কাকীমার বাড়িতে । আজ ফিরবে তো ?

—হ্যাঁ, ফিরবে ।

—আমি কি তা হলে একটু ঘুরে আসবো ? একটু পরেই না  
হয়—

—সেই-ই ভাল । আপনার নামটি বলে যান ।

—আমার নাম শ্যামল । আচ্ছা, মণিকার ছেলে কি এখানে আছে ?

—আছে ।

—তা হলে আপনি দয়া করে এই বাস্কাটা নিন্ । মণিকার  
ছেলের হাতে দেবেন । আজ ওর জন্মদিন ।

প্যাকেট বন্ধার হাতে দিয়ে চলে আসবো, তিনি আমাকে থামালেন।

—তুমি শ্যামল? চিনতে পারিনি তোমাকে। এসো বাবা, ভেতরে এসো...

ঘরের ভিতরের আলোয় গিয়ে প্রণাম করলাম প্রদীপ্তর মাকে, মাসীমাকে। তিনি আমার মাথায় হাত দিয়ে আশীর্বাদই করলেন সম্ভবত।

একটা ছোট্ট সাজানো ঘরের মধ্যে তিনি আমাকে বসতে দিলেন। বসে ছোট মাপের ঘর। দু'জনের পক্ষে বাস করা কঠিন। একটা ডাবল-বেড খাট পাতার পর আর জায়গা নেই। কোনমতে একটা ড্রেসিং টেবিল ও একটা আলমারি এঁটেছে। ড্রেসিং টেবিলের ওপরে একটা বাঁধানো ছবি। প্রদীপ্ত ও মণিকার। বিয়ের দিনের ছবি। আমি জানি। ম্যারেজ রেজিস্ট্রারের ওখান থেকে বেরিয়ে আমরাই ওদের দু'জনকে নিয়ে গিয়েছিলাম চৌরঙ্গীর একটা স্টুডিওয়। এ ছাড়াও মণিকার একার একটা ছবি আছে। খুব লাস্যময়ী চেহারার। যে ছবিতে প্রদীপ্ত একা, সেটা সাদা বেল ফুলের মালা দিয়ে সাজানো। গত কালকের মালা। তাই সাদা নয় পুরোপুরি এখন। কোন কোন পাপড়ি পেকেছে। একটু দূর থেকে মনে হয়, সাদা ফুলে লাল রক্তের ছিটে।

একটু পরে প্রদীপ্তর মা বিছানায় আমার পাশে এসে বসলেন মণিকার ছেলেকে কোলে নিয়ে। মাসীমা এখন অনেক বৃদ্ধ। আগে মাসীমার চোখে চশমা দেখিনি। গালের ও হাতের মাংস কুঁচকে ঝুলে পড়েছে। তাঁর হয়তো আমার সঙ্গে কিছু কথা বলার ছিল। কেন না প্রদীপ্তর সঙ্গে তিনি আমাদের অসংখ্যবার দেখেছেন ওঁদের বিডন স্ট্রীটের বাড়িতে। কিন্তু তিনি চুপ করে বসে শ্রইলেন। শোকাক্ত মানুষের স্তব্ধতা বড় দুঃসহ। অথচ আমার পক্ষেই বা কী বলার আছে। স্নাতরাং পাথরের মত

ভারী এই স্তম্ভতার মধ্যেই মাসীমা হয়তো মনের কথা মনে মনে, আঁমিও আমার মনের কথা মনে মনেই বলছি কিংবা ভাবছি। কেবল মণিকার ছেলে, বাপের পরিপূর্ণ আকৃতি-পাওয়া মণিকার সদ্য চারে পা-দেওয়া ছেলেরিট মাসীমার কোল থেকে নেমে আমার উপহার দেওয়া টিনের বন্দুকটা হাতে নিয়ে আমার দিকে, তার বৃদ্ধা ঠাকুমার দিকে, ঘরের ভেতরের আলমারির দিকে, আয়নার দিকে, বাঁধানো ছবির দিকে, ঘরের বাইরের অন্ধকারের দিকে, আমাদের স্তম্ভতার দিকে, আমাদের প্রত্যেকের অবরুদ্ধ বেদনার দিকে তার দুটি কোমল বাহুর সমস্ত শক্তি দিয়ে একটানা গুলী ছুঁড়ে চলেছে।

## ব্যামো

কুন্দর মা পণ্ডীর বৃকের ভিতরে একটা পাথর জমেছিল। সেটা গলে গেল আজ, কুন্দর শ্বশুড়বাড়ি থেকে গেবোর ফিরে আসার পর। গেবো অর্থাৎ গোবিন্দ কুন্দর ছোট ভাই। পণ্ডী তাকে পাঠিয়েছিল মেয়ের খোঁজ নিতে। এমনিতে দেখা করতে কাউকে পাঠালে কে কি ভাববে, তাই তত্ত্ব পাঠানোর ছলে ছেলেকে পাঠিয়েছিল সে। তত্ত্ব মানে কোনো বড়লোকি ব্যাপার-সাপ্যার নয়। বাগানের আনাজ-পাতি, ফল-মূল, শাক-সবজি। একদিন থেকে গেবোর ফিরে আসার কথা। গেবো ফিরল তিনদিন পরে। গেবোর ফিরতে দেরী হাঁছিল বলেই পণ্ডীর বৃকের ভিতরের পাথরটা আকারে বড় আর প্রকারে শক্ত হয়ে উঠেছিল ক্রমশ। কি জানি আবার কি দুর্ঘটনা ঘটল কিছ্? আবার কি ফিরে এল নাকি সেই অলঙ্কণে ব্যামো? চলতে ফিরতে পণ্ডী দিন-দুবেলা মনে মনে প্রণাম করেছিল ঠাকুর দেবতাকে।

—হে মা মহামায়া, হে মা বিশালাক্ষী, হে মা দুর্গা, হে মা জগদ্ধাত্রী, মোর মেয়েটাকে সুখে রাখ গো মা! আর ওকে কষ্ট দিওনি। একটু সুখে শান্তিতে সংসারটা করতে দাও মা। তোমাদের পায়ে কিছ্ তো অপরাধ করিনি গো মা জননী!

গেবো আজ ফিরে এল। গেবোর গলার সাড়া পেয়ে গোয়াল-ঘর থেকে গরুর জাবনা মাথা হাতেই ছুটে আসে পণ্ডী।

—কখন এলি?

—এই তো, এই মাত্র এন্দু।

—বোস্। বোস্। কুন্দ কেমন আছে বল।

—কেমন থাকবে আবার? ভালই তো আছে।

—ভালই আছে? তোকে দেখে কাঁদল-টাঁদল নাকি।

—না। কাঁদবে কেন শূদ্ধ শূদ্ধ। বেশ তো আছে হাসি-খুশী হয়ে।

—তুই যখন এলি, তোর আসার সময় কাঁদিনি-টাঁদিনি তো ?

—না। আমার সঙ্গে তো এল ওদের পুকুরপাড় পর্যন্ত। শূদ্ধ বললে, সময় পেলে এমনি করে চলে আসিস তুই। আর চারআনা পয়সা গাঁজে দিল মোর হাতে।

—শব্দুড়বাড়ির লোকজনকে কেমন দেখিলি ? ওকে ভালবাসে তো ?

—ভিতরে ভিতরে কে কি বাসে না বাসে জানিনি। বাইরে তো দেখাল কুন্দ বলতে সবাই যেন অজ্ঞান।

—এই ক-মাসে আর সে রকম মাথার এ-টে হয়নি তো ?

—উ সব কথা কি আমি জিজ্ঞেস করেছি নাকি ?

আরও অনেক প্রশ্ন ছিল পণ্ডীর। পরে করবে ভেবে উঠে পড়ে। বৃকের পাথরটা গলে যাওয়ার আনন্দে পাথরের স্তূপের মত জমে থাকা ঘর-সংসারের কাজে ঝাঁপ দিয়ে পড়ে পণ্ডী। গঙ্গাধর মাঠ থেকে ঘরে ফিরলে পণ্ডী এক নিশ্বাসে কুন্দের শব্দুড়বাড়ির গল্প বলে। গঙ্গাধর গম্ভীর প্রকৃতির লোক। সে হুঁ, হ্যাঁ ছাড়া অন্য কোন কথা বলে না।

বিকলে ঘোষেদের বাড়িতে ধান ভানতে গিয়ে পণ্ডী পাড়া-পড়শীদের শুনিয়ে কুন্দের কথা বলে। বলার ছন্দে অথবা আবেগে গেবোর দেওয়া বর্ণনা ছাড়াও সে নিজের মত করেও বানিয়ে নেয় কিছু। কুন্দ স্নুখে আছে, শব্দুড় শাউড়ী কুন্দ বলতে অজ্ঞান। জামাইও কি ভালবাসাই না বাসে। এই তো তিনমাস হয়নি গেছে। গরনা গাড়িয়ে দিয়েছে দুখান। গেবো গিছল। তিন দিনের আগে ছাড়েনি। আবার আসবার সময় কুন্দ পয়সা দিয়েছে চার আনা।

পণ্ডী যতটা বলে, তার সবটাই পড়শীদের কানে ঢোকে না। কানে তারা ঢোকাতে চায় না বলে নয়। ঢেঁকীর পাড়ের নিয়মিত

গমাক গ'ক্, গমাক গ'ক্ শব্দে তার অনেক কথা চাপা পড়ে যায় বলে। তব্দ পণ্ডী কথা বলে বড় সুখ পায় আজ।

ধানভানা শেষ করে ধামা কাঁধে নিয়ে পণ্ডী যখন ঘরে ফিরছিল; মদুখোমুখি দেখা হয়ে গেল শান্তখুড়ীর সঙ্গে। বড়ি থুতখুড়ি। লাঠি ঠুকঠুক করে হাঁটে। কোমরের কাছ থেকে কদুজো। চোখে ছানি। তব্দ ঘরে থাকতে পারে না। এর বাগান, ও পদকুরপাড়ে শুকনো ডালপালা কুড়িয়ে বেড়ায়। এখন তার কোমরে এক গোছা শুকনো বাবলা ডাল।

—কে যাউ লো ?

পণ্ডীর তাড়া ছিল। অন্যদিন হলে উত্তর না দিয়ে চলে যেতো। আজ সে দাঁড়ায়।

—আমি পণ্ডী গো খুড়ি।

—ও পণ্ডী। কোথাকে গেছলু ?

—ধান ভানতে। ঘোষেদের বাড়ি।

—তা ভাল। হ্যাঁ লা ওবো, তোর সেই মেয়েটার কুন্দ খবর, পেললু আর ?

—কেন পাবো নি খুড়ি। খবর তো নিত্য-নিয়মিতই পাচ্ছি। আসা-যাবা তো লেগেই আছে। এই তো গেবো গিছল দিন তিনেক আগে। আজ ফিরল।

—কি বলল সে ? সব ভালো খবর তো ?

পণ্ডী আবার সবিস্তারে সবটা বিবরণ শোনায়। সব শুনলে শান্তখুড়ী বলে

—খুদ্ম্ ভাল হয়েছে। যাক্ মা সেও বাঁচল, তোরাও বাঁচলি। মন পেতে ঘরসংসার করছে, সেইটেই বড় সুখের। তোরা বড়ো অল্পেপেতে ভেঙে পড়িস কুন্দর মা। মদুই বলিনি বিয়ে দিয়ে দে, মেয়ের বিয়ে দিয়ে দে। সব ব্যামো সেরে যাবে। বিয়ের জল, গঙ্গাজল।



আইবুড়ো মেয়েদের অনেক দোষ-পাপ থাকে শরীরে মনে ।  
বিয়ে দিয়ে দিলে সব শূন্য । সব সেরে যাবে । তোরা তো তখন  
কেউ শূন্যলুনি মোর কথা । ডাক্তার, বাদ্য, কোবরেজ, ঝাড়ফড়ক  
কত রকম করলি, কত পয়সা জলে ঢাললি বল দিক্‌নি ।

কথা শেষ হলে পণ্ডী আর দাঁড়াতে চায় না । কিন্তু শান্ত-  
খুড়ীর ডাকে আবার তাকে থামতে হয় ।

—কি বলতেছ ?

—হ্যাঁ লা, গেবো ফিরে এসে কি বলল ? ছেলে পদলে এসেছে  
পেটে ?

এ প্রশ্নটা পণ্ডীর মাথাতে আসে নি । সত্যি তো সে রকম  
কিছু ঘটেছে কিনা জিজ্ঞাসাই করা হয়নি গেবোকে । পণ্ডী বলে  
—না । সে সব কিছু হয়নি ।

—হলে বড় ভালো হতো বোঁ । এখনো যদি ব্যামোটোর ছিটে-  
ফোঁটা লেগেও থাকে কুন্‌খানে, সব চলে যেতো ।

ঘরে ফিরে এসেই পণ্ডী গেবোর খোঁজ করে । সে বাড়িতে  
নেই । কুন্‌দ পোয়াতি হয়েছে কিনা এই খবরটা নেবার জন্য আই-  
চাই করে ওঠে পণ্ডী ।

## ২

সন্ধ্য হয়ে গেছে । একটা দুটো করে নক্ষত্র ফুটে উঠেছে  
আকাশে । তবে রাতের আলো যতটা বাড়ছে, গাছপালার বাতাস  
তত কমছে । প্রকৃতি যেন পাথর । এতটুকু নড়াচড়া নেই তার  
কোনখানে ।

সাবিত্রী সন্ধ্য বেলা গিয়েছিল জল আনতে শিবতলার  
টিউবওয়েলে । সেইখানেই দাঁড়িয়ে দাঁড়িয়ে কুন্‌দর বিবরণ শুনল সে  
এবং সে জানে, খানিকটা আবার শোনান হল তাকে শুনিয়েই ।

দিন-মজদুরি খেটে বাড়ি ফেরার কথা এক সঙ্গে দু'ভায়ের ।  
সাবিত্রীর স্বামী নিমাই একা ফিরল দেখে সাবিত্রী বলে

—ঠাকুরপো কোথা গেল ?

—সে কি এখনি ঘরে ফিরবার ছেলে ? কোথাউ বসে গেছে  
আড্ডা দিতে ।

সাবিত্রী জানে কোথায় সে আড্ডা দেয় । স্বামীকে সন্ধ্যার  
খাবার দিয়ে সাবিত্রী ছুটে যায় পাড়ুইদের বৈঠকখানায় । ঐখানে  
তাস্ পেটানোর আসর বসে রোজ । নিতাই নিজের তাস খেলে  
না । অপরের খেলার হার জিৎ দেখে যাওয়াটাই তার নেশা ।

সাবিত্রীর ডাকে ভয় পেয়ে যায় নিতাই ।

—কি হয়েছে ?

—কিছু হয়নি । তুমি এসো না ।

সাবিত্রীকে একটা অদ্ভুত রকম খাতির করে নিতাই । গোঁয়ার  
গোবিন্দ সে আর সকলের কাছে । সাবিত্রীর কাছে যেন সরল  
শিশুটি । খানিকটা রাস্তা দু'জনে হাঁটে নীরবে । তারপরেই  
লোকালয়ের বাইরে ফাঁকা জায়গায় এসে সাবিত্রী থমকে দাঁড়ায়,  
এতক্ষণ ঘোমটা ছিল মাথায় । খুলে ফেলে । তারপর সাপের  
মত ফোঁস করে ওঠে হঠাৎ ।

—তোমার এই ধেড়েমি কাণ্ড কারখানাটা থামাও তো এবার ।

নিতাই এমন ঘাবড়ে যায় সাবিত্রীর আচরণে যে, কথা বলতে  
গিয়ে জড়িয়ে যায় তার জিভ ।

—কেন, কি করেছি আমি ?

—আর অত প্রেম-পীরিতের খেলা দেখাতে হবে নি তোমাকে ।  
উসব ছাড়া দিক্‌নি এবার । কাল থেকে আমি মেয়ে খুঁজতে  
শুরু করবো । একদম ট্যা-ফোঁ-টি করবোনি বলে দিচ্ছি ।

—তুমি তো আচ্ছা মানুষ ! কি হয়েছে না বলে শুধু-মুদুদু  
গালাগালি করতেছ ।

—বলি যার জন্য এতদিন বিয়ে না করে বসে রইলে, আবার তার বিয়ে-থা হয়ে যাবার পর এখন বসে আছ সে সদ্‌খী হবেনি, সদ্‌খী না হয়ে তোমার কাছে ফিরে এসবে, এই সব সাত কাণ্ড ভেবে, তার খবর শুনিয়েছি কিছ্‌ ?

—না তো ।

—আমি শুনিয়েছি । তিনি বেশ মনের সাথে সংসার করতেছেন । শব্দ শাউড়ী ভাতার সকলের একদম আদরিণী । বুদ্ধে ? এবার পরের ভাবনা বাদ দিয়ে নিজের ভাবনাটা ভাবো দিক্‌নি ।

নিতাই হঠাৎ হেসে ওঠে ।

—কে বলেছে তোমাকে কথাগুলো ?

—নাম জেনে তোমার কি হবে ? কথাগুলো সত্যি । সেইটেই শুনিয়ে রাখো ।


—সত্যি না ছাই !

—ইসব কথা মিথ্যে ?

—মিথ্যে তো বলিনি । আমি বলতেছি ওর সদ্‌খী হবার কথা । সদ্‌খী হবে না ছাই হবে ।

—থাক্ তোমাকে অত ভবিষ্যৎবাণী করতে হবে না । চল ঘরে চল । আমি যা করার এবার করতেছি ।

সত্যি সত্যিই পরের দিন থেকে নিতায়ের জন্য মেরের খোঁজ করতে লাগল সাবিত্রী । আর নিতাই ক্রমশ এড়িয়ে চলতে লাগল সাবিত্রীকে । শব্দ সাবিত্রীকে নয় । তাসের আড্ডা, বন্ধ-বান্ধব, হাসি-ঠাট্টা, সব কিছ্‌ । একা একা থাকে । একা এক ঘোরে । সন্ধ্যাবেলা চুপচাপ বসে থাকে খালের পাড়ে, তালগাছের নিচে । কিংবা বাঁধের ঘাসে শুয়ে আকাশ দেখে । আর আপন মনে ভেবে যায় । পৃথিবীর রহস্য ভাবতে ভাবতে কখনো হাসে । কখনো গরগর করে ওঠে কান্না । নিতাই কি ভাবে তা অন্যেরা, এমনকি শব্দ সবচেয়ে কাছের সান্নিধ্য, সাবিত্রী, সেও টের পায় না



কিছু। টের পায় কেবল তার শরীরের পরিবর্তনটা। ইন্ট-চাপা ঘাসের মত কেমন যেন ফ্যাকাসে হয়ে চলেছে তার গায়ের রঙ। কার্লি পড়েছে চোখের নিচে। কথাবার্তায় দেখা দিয়েছে ককর্শতা। খাওয়া-দাওয়ায় অরুচি। আগে সে একাই ভাত খেতো এক কাঁসা। সঙ্গে ভালমন্দ তরি-তরকারী থাকলে আরো বেশী। এখন সে-খাওয়া একদম অর্ধেক।

সাবিত্রী অনেকবার পেড়াপেড়ি করেছে। মাথার দিবিয়া দিয়েছে। না বললে আর তোমার সঙ্গে কথা বলবোনি, বলে ভয় দেখিয়েছে। নিতাই মুখ খোলেনি। সাবিত্রী শেষ পর্যন্ত রাগে জ্বলে ওঠে একদিন।

—বিয়ের আগে যা করেছ করেছ। এখন তার বিয়ে হয়ে গেছে। সংসার করতেছে। দুদিন বাদে ছেলেমেয়ের মা হবে, এখনও তাকে নিয়ে ভেবে ভেবে শরীর খারাপ করে যাবে? নিজের ভবিষ্যৎ ভাববে নি?

নিতাই বসেছিল দাওয়ায়। দুটো হাঁটুর মধ্যে মুখ গাঁজে। সাবিত্রী দাঁড়িয়েছিল উঠানে। নিতাই হঠাৎ তার মাথার ঝাঁকড়া চুল ঝাঁকিয়ে জবা ফুলের মত দুটো টকটকে লাল চোখে তাকাল সাবিত্রীর দিকে।

—ছেলেমেয়ের মা কে হবে শুননি? নামটা বলতো একবার।

—কে আবার? কুন্দ। বিয়ে হয়েছে, ছেলেমেয়ে হবে, ইতো জানা কথা।

নিতাই হঠাৎ দাওয়া থেকে এক লাফে উঠোনেন্দর্শে। যাত্রার অভিনেতার মত ভঙ্গী করে দাঁড়ায় সে। গলার স্ফরটাও পাকা অভিনেতার মত নাটকীয়।

—অত সোজা নয় গো, অত সোজা নয়। মা মহামায়ার মন্দিরের মাটি ছুঁয়ে সে পতিজ্ঞা করেছে আমার কাছে, উ-শরীর সে আর কাউকে দিবে নি। ওর মাথার ব্যামো, ফিটের ব্যামো, কে

সারালো বল দিক্‌নি । জানো ? তোমরা তো জানো ঝাড়ফুঁকে  
সেরেছে । সেরেছে এই নিতাই দাসের কথায় । বিয়ে করার  
অনুমতিটা দিল কে ? জানো ? এই নিতাই দাস । আমি  
বুঝিয়ে বলেছিলাম তুই বিয়ে কর কুন্দ । কিন্তু মোর সাথে যে  
তোর গোপন বিয়েটা হয়ে গেছে, সেটা ভুলবিনি তো কুন্দদিন ?  
কুন্দ তখন ঘাড় নেড়ে না বলেনি ? তবে ? রসিকতা হচ্ছে ?  
আমার সঙ্গেই ইয়ারকি হচ্ছে ?

সাবিত্রীর শরীরটা ভিতরে ভিতরে থরথরিয়ে কাঁপে । কুন্দের  
কথা ভেবে ভেবে এই মানুষটাও কি কুন্দের মত মাথার ব্যামোয়  
পাগল হয়ে যাবে নাকি ? আরও একটা সমস্যা বিমর্ষ করে  
সাবিত্রীকে । এখন ঘর-দুয়োরো কেউ নেই । কিন্তু এই সব  
পাগলামির কথা যদি কোনদিন বাইরেও বলতে আরম্ভ করে,  
গ্রামশুদ্ধ মানুষের কানে গিয়ে, পৌঁছোয়, কি কাণ্ডটা হবে  
সেদিন !

এবং শেষ পর্যন্ত, সাবিত্রী যা আশঙ্কা করেছিল তাই ঘটল  
একদিন । চৌধুরীদের বাড়িতে কাজ করতে গিয়েছিল নিতাই ।  
ঘর-ছাউনির কাজে । ঘরামি অন্য গ্রামের লোক । নিতাই  
যোগানদার । মাটিতে ডাঁই করা খড়ের স্তূপ থেকে গোছা গোছা  
খড় নিয়ে সে শূদ্ধ ফিঁকে দিচ্ছেল চালের উপরে বসে থাকা  
ঘরামিকে । সদ্য গাদা ভেঙে খড়গুলোকে উঠোনে জমানো  
হয়েছে । সকাল থেকেই একটা লাল রঙের ফড়িং নিতায়ের চার  
পাশে ঘুরঘুর করছিল । নিতাই তাড়িয়ে দেয় । আবার নিতাইকে  
বেড় দিয়ে ঘুরতে ঘুরতে এসে বসে একটা খড়ের ডগায় ।  
নিতাই ধরতে গেলে ফুরৎ করে পালায় । দ্বাদশ মিনিট পরে  
আবার ফিরে আসে । তাকে ধরার জন্য দৌড়াদৌড়ি করে নিতাই ।  
ঘরামি হাঁক দেয় উপর থেকে

—কোথা গেলু রে, ও নিতাই ।

ঘরামির হাঁকিডাক কানে যায় চৌধুরী কতর। তিনি এসে দেখতে পান নিতাই উঠোনময় দৌড়াদৌড়ি করছে একটা ফড়িং ধরবে বলে। বীরেনবাবু রাশভারী লোক। তিনি বিরক্তভাবে নিতাইকে শাসান।

—তোমাকে কাজ করতে ডাকা হয়েছে কি ইয়ার্কি করার জন্যে? এ্যাঁ! কি হচ্ছে কি? ঘরামি খড় খড় করে চেঁচাচ্ছে, কানে যাচ্ছেনি তোমার? এ্যাঁ?

নিতাই একবার মাত্র থমকে দাঁড়িয়ে বীরেনবাবুর কথাটা শোনে। তারপর আগের মতই ব্যস্ত হয়ে পড়ে লাল ফড়িংয়ের খোঁজে। উঠোনময় ঘুরে কোথাও খুঁজে পায় না তাকে। উঠোন ছেড়ে বাইরে বেরিয়ে যায়। গাবভেরেংডা, ধুতরো, সাদা কলকে, রাংচিতের ডালগুলোকে চিরে চিরে লাল ফড়িংটা খোঁজে। ঘরের মাথার চাল থেকে ঘরামি নেমে এসেছে মই বেয়ে। বীরেনবাবু স্তম্ভিতের মত দাঁড়িয়ে আছেন উঠানে। চৌধুরীবাড়ির লোকজন ছেলেমেয়েরাও অবাক হয়ে গেছে নিতায়ের আচরণে। ছোট ছেলেমেয়েরা মজা পেয়েছে দৃশ্যটার ভিতরে। তারা নিতায়ের পিছনে পিছনে হাঁটে।

ঘরামি বীরেনবাবুকে প্রশ্ন করে,

—ওর কি মাথ-টাথা খারাপ ছিল নাকি বাবু?

—না। মাথা খারাপ হবে কেন? কতদিন তো কাজ করছে। ও, ওর দাদা, আমার কতদিনের ভাগচাষী। এ রকম তো করে না।

—এখন থালে কি করবেন? আর কাউকে ডাকবেন না কি?

—কিছু তো বন্ধুতে পারছি না ব্যাপারটা—

বীরেনবাবুর স্ত্রীও নেমে আসেন স্বামীর পাশে। তাঁর চোখেও বিস্ময়।

—নিতাই তো অমন করার ছেলে নয়। বেশ বাধ্য-বাধক ছেলে।

ফড়িং খুঁজতে খুঁজতে নিতাই চলে গিয়েছিল বাগানের ভিতরে। ইতিমধ্যে গ্রামের কিছ্র লোকজনও এসে জড়ো হয়েছে চৌধুরীদের পদকুরঘাটের কাছে। নিতাইয়ের এই বিসদৃশ আচরণের সংবাদে তারাও বিমূঢ়। কেন এমন করছে, কি করে হল ইত্যাদি আলোচনায় তারা যখন অন্যমনস্ক, সেই সময় একটা জোরালো শব্দে সজাগ হল তারা। শব্দটা আসছে বাগান থেকে। শব্দটা বাচ্চা ছেলেমেয়েদের উল্লাস। বীরেনবাবু এবং তাঁর বাড়ির লোকেরাও এই শব্দে ঘাটের কাছে এসে দাঁড়ান। প্রতিমা বিসর্জনের সময় যেমন হয়, আগে বাজানা-বাদ্য, নাচানাচি, পিছনে প্রতিমা, ঠিক সেই রকম ভাবেই সামনে একপাল উল্লাসিত ছেলেমেয়ে আর তাদের পিছনে নিতাই, এগিয়ে আসছে বাগান ভেদ করে।

নিতাই যখন কাছে, সবাই দেখতে পেল হাত দুটো মূঠো করা। মাঝে মাঝে সে মূঠো হাতটা কানের কাছে নিয়ে গিয়ে কি যেন শুনছে। শুনতে শুনতে হাসছে।

ঘাটের কাছাকাছি এসে এতোগুলো মানুষকে তার দিকে তাকিয়ে থাকতে দেখে নিতাই এক মূহূর্ত ভ্যাবাচাকা খেয়ে যায়। ভিড়ের মানুষগুলোকে চোখ ঘুরিয়ে ঘুরিয়ে দেখে। তার ভঙ্গী দেখে মনে হয় যেন সে কাউকেই চিনতে পারছে না। এবং তার মনে হয়, ভিড়ের মানুষগুলো যেন তার কাছ থেকে কিছ্র কেড়ে নিতে চাইছে। নিতাই তাই তার মূঠো করা হাতটা বৃকের কাছে লুকোয়। কুঁচো-কাঁচার খিলখিলিয়ে হেসে ওঠে। নিতাই তাদের দিকে ঘুরে তাকায়। এবং নিজেও হেসে ওঠে সজোরে।

হাতের বন্ধ মূঠোটাকে উপস্থিত লোকদের দিকে ছাড়িয়ে দিয়ে হাসতে হাসতে সে বলে

—কি বলতো এর মধ্যে? জানো? কুন্দ গো কুন্দ। পালি গিছিল মোকে ছেড়ে। আবার ধরে আনন্দ। দেখবে? এই দেখ।

নিতাই হাতের মৃদুঠোর ভিতর থেকে লাল ফড়িং-এর একটু-খানি বের করে দেখায় ।

—দেখতে পেয়েছ ? লাল পেড়ে শাড়ি পরে কার ঘরে গিয়ে যেন বৌ সেজে বসেছিল । কত কষ্ট করে ধরে আনন্দ ।

তারপর ফড়িং-এর ডানার কাছে মৃদু নিচু করে বলে

—তোর নাকি ছেলেপুত্রে হবে ? তুই নাকি বিয়েবি ইবার ? বলতে বলতেই একটা লাল পালক ছিঁড়ে ফেলে হ্যাঁচকা টেনে । চোখে তখন ক্ষুর একটা চাউনি । তারপরই হঠাৎ হাসে । হাসতে হাসতে চলে যায় অনেক দূরে ।

৩

দুপুরবেলা রোদে পুড়তে পুড়তে সাবিত্রী ছুটে যায় পাশের গ্রামে কানাই বাগদীর কাছে । কানাই এই অঙ্গুলের ওয়া ।

—ও বাগদীর পো ! এখুনি মোদের বাড়িতে চল না গো একবার ।

—কি হয়েছে ? কার ব্যামো ?

—মোর দেওরের । মাথার ব্যামো । ভুল-ভাল্ বলতেছে ।

—তুমি নিমায়ের বৌ নয় ?

—হ্যাঁ গো হ্যাঁ । যেতে যেতে কথা বলবে চলো ।

—তোমাদের গেরামে সেই গঙ্গাধরের মেয়েটা সেরে গেছে একদম ? তারও তো মাথার ব্যামো হয়েছিল । ভুল বকতো । আমিই সারান্দ ।

—সেই অলক্ষুণে মাগীটাই তো ষত নষ্টের গোড়া ।

—কার কথা বলতেছ ?

—না । আমি অন্য কথা বলতেছি । আপনি চলো গো ।

কানাই সাজগোজ করে বেরোয় । সাজগোজ মানে গায়ে



ফতুয়া, তার উপর গামছা। পায়ে একটা শূকনো চটি। হাতে লাঠি। আর হাতে কালো মতন বেতের একটা চুপিড়ি। বেত বদনেই সংসার চালায় কানাই। ঝাড়-ফড়কের ডাক আসে কদাচিৎ-কদাচিৎ। এলে বড় খুশী হয়। মানুষের হাড়ে-মজ্জায় কিছন্ন কিছন্ন উদ্ভট ব্যামো এখনও টিকে আছে বলেই লোকে তাকে এখনো খাতির করে ডাকে। সেও তার অলৌকিক প্রতিভা দেখানোর সুযোগ পায় কিছন্নটা।

## ৪

বিকেলের দিকে, বিকেলটা যখন ক্রমশ অন্ধকার হয়ে আসছে, তখন পণ্ডী কাঁদতে আরম্ভ করে গোয়াল ঘরের পিছন দিকের দেয়ালে ঘড়িটে দিতে দিতে।

বেশ সুখে স্বচ্ছন্দে ছিল মোর মেয়েটা। এই ব্যামোর খবরটা যদি মেয়েটার কানে গিয়ে পৌঁছোয়, যদি খবর শুনলে মেয়েটার মাথার ব্যামোটা আবার ফিরে আসে, সেও যদি স্বামী সংসার ছেড়ে বেরিয়ে আসে উলঙ্গিনীর মতো? হায়! হায়! কি সন্ধানাশটা হবে গো আমার! ঐ অলঙ্করণে ছেলেটা মোর মেয়েটার সারা জীবনটাকে জ্বালিয়ে-পুড়িয়ে খেল। বিয়ের আগে খেয়েছে। আবার বিয়ের পরেও খাবে।

হায়! হায়!

হে মা মহামায়া, হে কালী, হে মা জগদ্ধাত্রী—

মাথার ব্যামো হলে লোক যেমন ভুল বকে, পণ্ডী তেমনি করেই তেত্রিশ কোটি দেবদেবীর নাম উচ্চারণ করে চলল সন্ধ্য পর্যন্ত।

## অ্যানাসথেসিয়া

—হ্যালো-ও ।

—এটা কি থিং সেভেন ফোর সিক্স নাইন সেভেন ?

—হ্যাঁ ।

—সুশোভনবাবু আছেন ?

—কথা বলছি ।

—নমস্কার । আমাকে আপনি চিনতে পারছেন না হয়তো ।  
এখন । মনে পড়বে কি ?

—কে আপনি, বলুন আগে ।

—আমি সবিতা, মনে পড়ছে ?

—না, ঠিক মনে পড়ছে না । আপনার সঙ্গে কি আমার আলাপ  
হয়েছিল কোনও সময় ?

—বললুম তো এখন আর মনে থাকবে না । অনেক বিখ্যাত  
হয়ে গেছেন । ভুলে যাবেন সেটাই স্বাভাবিক । কবিতাকে মনে  
আছে ?

—দেখুন কিছু মনে করবেন না । আমি একটু ব্যস্ত আছি ।  
আমার ছোট মেয়ের একটা সিরীয়াস অপারেশন আজ । এখনি  
বেরোতে হবে । আপনার যা বলার যদি স্পষ্টভাবে বলেন,  
তাহলে—

—আমি সবিতা । এর চেয়ে আর স্পষ্ট করে কী বলবো ।  
এছাড়া তো আমার আর কোনও পরিচয় নেই । কবিতা আমার  
দিদি । আমি এখন গাড়িয়ায় থাকি । কবিতা বিয়ের পর চলে  
গেছে আমেরিকায় । আর কি বলবো ? আপনার লেখা চিঠিটা  
কিন্তু আমি হারাইনি ।

—আপনাকে আমি চিঠি লিখেছিলুম নাকি ?

—না লিখলে আর পাব কোথা থেকে ?

—আপনাকে একটা অনুরোধ করবো ?

—বলুন ।

—আপনি সন্ধ্যা সাতটার পর আমায় ফোন করবেন একবার ।  
তখন শুনবো । এখন শোনার সময় নেই । আমি খুব ডিস্টার্ব ।  
ট্যাক্সী দাঁড়িয়ে আছে ।

—খুব দ্বিগত, এমন অসময়ে আপনাকে বিরক্ত করার জন্যে ।  
উনিশো সাতাশ লক্ষের গিয়েছিলেন কি ?

—হ্যাঁ ।

—লক্ষের-এর কবিতা-সবিতা দুই বোনকে মনে পড়ছে না ?

—ওঃ লক্ষেরা ? হ্যাঁ, হ্যাঁ, আপনি সেই সবিতা ? হ্যাঁ  
মনে পড়েছে । কী আশ্চর্য । হ্যাঁ, বলুন । সেতো কুড়ি-বাইশ  
বছর আগের কথা ।

—খুব বিপদে পড়ে আপনাকে ফোন করছিলুম । আমি  
একদিন দেখা করতে চাই । কোথায় গেলে দেখা হবে যদি বলে  
দেন—

—দেখা ? আমার সঙ্গে দেখা করতে হলে—হ্যালো, হ্যালোও  
হ্যালোও—হ্যালোও । ইস্ । নুইসেন্স । লাইনটা কেটে গেল ।  
ছিঃ, ছিঃ, কী ভাববে কে জানে । ভাববে আমিই বন্ধি লাইনটা  
কেটে দিলাম ।

পিছনে অর্দিত । ও তৈরী । ওর চোখে-মুখে ব্যস্ততা,  
উবেগ । মেয়ের জন্যে ওর বিপন্নতা আমার চেয়ে বেশী ।

—কে কী ভাববে ? ভাবে ভাবুক । তুমি ওঠ তো ।  
আজকালকার টেলিফোন ঐ রকম ।

—হ্যাঁ চলো ।

আমরা দুজন ট্যাক্সীতে উঠলুম । ট্যাক্সী ছুটলো পার্ক-

সার্কাস নার্সিং হোমের দিকে । ট্যাক্সীতে চেপে একটু স্বাভাবিক হয়েছে অর্দিত ।

—কে ফোন করেছিল ?

—সবিতা ।

—সবিতা কে ?

—কবিতার বোন ।

—আমি কী ওদের চিনি নাকি ? এমনভাবে বলছো যেন—

—আমিও চিনি না । আলাপ হয়েছিল মাত্র দিন কয়েকের ।

লক্ষ্মী-এ, সাতাশ সালে ।

—তো এতদিন বাদে ফোন করেছে কেন ?

—দরকার আছে হয়তো কিছ্‌দু ।

—চিঠির কথা কি বলছিল ?

—চিঠি ? ও কিছ্‌দু নয় । একটা চিঠি লিখেছিল্‌দু লক্ষ্মী থেকে ফিরে ।

—এতদিন বাদে সে-চিঠির কথা কেন ?

—কী করে বলবো ? ওর কাছে হয়ত মূল্যবান মনে হয়েছে । তাই রেখে দিয়েছে । সাধারণ চিঠি । কলকাতায় পৌঁছানোর সংবাদ । প্রেমপত্র নয়রে বাবা ।

—প্রেমপত্র হলেই বা ক্ষতি কি ? 'ও-রকম তো অনেক লিখেছো ।

—তা লিখেছি ।

—সব মিলিয়ে কত হবে ?

—কোর্টি খানেক । তার মধ্যে তোমাকে গোটা ষাটেক ।

—হেসো না, তোমার লজ্জা পাওয়া উচিত ।

—কেন লজ্জা পাবার কি আছে ? অন্যায় কিছ্‌দু করেছি নাকি ?

—না, অন্যায় কেন হবে ? এই হ্যাংলামো স্বভাবটা খুব উঁচু দরের ।

—একে হ্যাংলামো বলে না। গয়নার দোকানে গিয়ে তুমি যখন পঞ্চাশটা গয়না নিয়ে ঘাঁটাঘাঁটি করো, শাড়ীর দোকানে একশটা শাড়ীর ভাঁজ খুলে গায়ে লাগিয়ে দেখো, অথচ কিনবে একটা কি দুটো, সেটাকে তো আমি হ্যাংলামো বলি না ?

—সেটা আর এটা এক হল ?

—কেন নয় ? দুটোই তো সৌন্দর্যের, রুচির, নিজেকে সাজানোর ব্যাপার। প্রেমপত্র যে লেখে, কবী লেখে, কাকে লেখে এটা মোটেই বড় কথা নয়। যখন লেখে, সে নিজেকে গয়না পরায়। সাজায়। তোমাদের মতই কপালে সিঁদুরের টিপ দেয়। কাজল পরে। নিজে যা, যতখানি, তার চেয়েও অপরূপ করে তোলে নিজেকে।

—থাক্। আর অত বোঝাতে হবে না। বোঝাতে খুব ওস্তাদ। টাকা এনেছো তো ? ডাক্তারের ? অ্যানাসথেসিয়ার ?

—এনোছি।

—গাড়িটাকে একটু জোরে চালাতে বল না। নটা দশ হয়ে গেল।

—সর্দারজী, থোড়া জলদিসে চালাইয়ে। খুব তাড়া আছে।

গাড়ি নার্সিং হোমে পেঁছে গেল। কেবিন নং বাইশের দরজায় গিয়ে দেখলাম ঘর ফাঁকা। পাশের ঘরের নার্স আমাদের দেখতে পেয়ে বললে,

—একটু আগে ও, টি, তে নিয়ে গেছে।

অর্দিত তক্ষুনি সাপ হয়ে গেল। তার ছোবল—

—দেখলে তো ! যাবার আগে মেয়েটার সঙ্গে দেখা হল না ? কেঁদে-কেটে খুন হয়েছে। ছিঃ ছিঃ। কখন থেকে বলছি, বেরোও, বেরোও। তোমার জন্যেই এইসব হল।

অর্দিত নার্সের দিকে ঘুরে তাকাল।

—খুব কেঁদেছিল ?

—তা দেখিনি বৌদিদি। সরমা জানে।

—সরমা কই ?

—আছে এইখানে। ডেকে দিচ্ছি।

একটু পরেই সরমা এসে গেল। নার্সিং হোমের সব চেয়ে বয়স্কা আয়া। ওকেই দিনরাত রাখা হয়েছিল টুনটুনির জন্যে।

সরমা অদিতিকে দেখেই বলে উঠল,

—এত দেরী করলেন বৌদিদি ? মেয়ে তো কেঁদেই অস্থির। কিছুতেই ও, টি, তে যাবে না। বড়দিদি অনেক বন্ধিয়ে-সন্ধিয়ে নিয়ে গেছে।

অদিতির মুখটা তখন কষ্টে লাল। যেন এই মাত্র স্নান করেছে, সারা মুখে এমন ঘাম। চোখের কোণে ঘামের স্নেহ-মমতার জল।

—সরমা, তুমি একবার ও, টি, গিয়ে দেখে আসবে ? যদি অ্যানাসথেসিয়া না হয়ে থাকে, কাঁদতে বারণ করবে। বলবে আমরা এসে গেছি। লক্ষ্মী ভাইটি—

সরমা চলে গেল। একটু পরেই ফিরে এসে বললে,

—দরজা বন্ধ।

অদিতি কোমরে-গোঁজা রুমাল টেনে তার মুখের ঘাম মুছতে মুছতে কেবিনের বিছানায় বসল। সরমা পাখা চালিয়ে দিলে। আমি বোকা এবং অপরাধীর মত দরজার বাইরে কিছুক্ষণ দাঁড়িয়ে থেকে বললাম,

—আমি নিচে বসছি।

আমার সান্ত্বনা দিতে ইচ্ছে করছিল অদিতিকে।

—এত ভাবছ কেন ? এখন তো আর টুনটুনি কাঁদছে না। এখন সে অ্যানাসথেসিয়ায় অজ্ঞান। তার কোন স্মৃতি নেই। সে ঘুমিয়ে। যখন ঘুম ভেঙে, আমাদের দেখতে পাবে, তখন

আর কাঁদবে না। কিন্তু অদিতিকে কিছুই বললাম না। বললে ও আরো ক্ষেপে যাবে। সিঁড়ি ভেঙে নিচের আপিস ঘরে এলাম।

আপিসে তখন অনেক রুগী। বাঙালী, অবাঙালী। পুরুষ, মহিলা, শিশু, বৃদ্ধ। সব চেয়ার ভর্তি। আমি জানলার সামনে দাঁড়িলাম। সিগারেট ধরলাম। ঝাঁঝালো অথচ মিষ্টি এক ধরনের ওষুধ-ওষুধ গন্ধ নাকে আসছিল। অ্যানাসথেসিয়ার গন্ধটা কী রকম? জানি না। অদিত জানে। অ্যানাসথেসিয়া করলে কী ভাবে জ্ঞান চলে যায়, স্মৃতি মূছে যায়, জানি না। অদিত জানে। ভারী অবাক-করা ওষুধ। স্মৃতি মূছে দেয়, আবার নির্দিষ্ট সময়ে ফিরিয়ে আনে।

এই সব ভাবছি। হঠাৎ কে যেন আমাকে ডাকল।

—সুশোভনবাবু। দিদি আপনাকে ডাকছেন।

—কই? কোথায়?

—ঐ যে বুক স্টলে।

—তোমার দিদিকে গিয়ে বল, আমি রাগ করেছি। তিনি কাল রাত্রে আমার অনুরোধ রাখেন নি। গান গাইতে বলেছিলাম, গান নি। যাব না।

—আচ্ছা, আচ্ছা। আজ গাইবে।

—তবুও যাব না। তোমার দিদি নিজে এসে ডাকলে যাবো। তুমি ডাকলে যাব না।

—আমার উপরেও রাগ নাকি আবার?

—জান না, কেন?

—কেন?

—ভুলভুলাইরায় গেলে না কাল আমাদের সঙ্গে। অথচ কথা দিয়েছিলে।

—আমার কী দোষ বলুন। দিদি গেলে আমি যেতাম। দিদি রাজী হল না। মা তাই বারণ করলেন একলা যেতে।

—একলা কেন? আমরা এতগুলো লোক, তবু একলা?

—আমি তো একলা। আপনারা চলে যেতেন হোট্টেলে। আমাকে তো একা ফিরতে হতো।

—কেন ঈশ্বর বর্ষা আমাদের তোমাকে পেঁছে দেবার মত দায়িত্ববোধটুকুও দেন নি?

—চলুন না, দিদি ডাকছেন।

—যেতে পারি, একটা শর্তে।

—বলুন।

—আজ তুমি আমাকে ক্যাসর বাগে বেড়াতে নিয়ে যাবে?

—আমি আর আপনি, একা একা?

—দুজনে মিলে আবার একা হয় নাকি?

—আপনি তো খুব ছেলেমানুষ। তাছাড়া, আমাকে আপনার কী দরকার? আপনি দিদিকে বলুন বরং।

—আমি শুধু ছেলেমানুষ নই সবিতা। আমি প্রচণ্ড বদরাগি। তুমি যদি কেবল দিদি-দিদি করো, আর পালিয়ে বেড়াও, আমি এখুনি আমার লোটা-কম্বল নিয়ে লক্ষ্মী থেকে চলে যাব। তোমার অনেক বয়স হয়েছে সবিতা। বাড়ির ছোট মেয়ে বলে তুমি তো সত্যি ছোট নও। তাহলে বোঝো না কেন?

—কি?

—যা বোঝার।

—আমি কিছুর বর্ষা না। দিদি আপনাকে ডাকছেন। চলুন না।

—না যেতে চাইলে, হাত ধরে টেনে নিয়ে যেতে পারবে?

—বয়ে গেছে।

—তোমাকে আমার খুন করতে ইচ্ছে করছে।

—কেন? অপরাধ?



—কাল যখন তোমাদের বাড়িতে আমাদের কবিতা পড়ার আসর বসেছিল, তুমি আমার পিছনে বসেছিলে কেন ?

—দিদি তো সামনে ছিল আপনার ।

—আবার সেই দিদি ?

আমি যখন রাগে ফুঁসছি, তুমি তখন সাদা ঝর্ণার মত হাসিছিলে সবিতা । এখন সব মনে পড়ছে । লক্ষ্মী-এর সেই সব দিন, রাত্রি । সাহিত্যসম্মেলনে গিয়েছিলাম । তোমার বিধবা মা খুব বিদূষী । কবিতা লেখেন, গান গান, সেতার বাজান । আমাদের নিমন্ত্রণ করেছিলেন তোমাদের বাড়িতে । কবিতার আসর বসেছিল, আমরা কবিতা পড়েছিলাম । তারপর থেকে দর্শাদিনের মেলামেশা । তারপর থেকে লক্ষ্মী-এর সমস্ত সৌন্দর্য মদছে শ্লান হয়ে গেল । ইমামবাড়ার চেয়ে, তুর্কী গেট বা রুম্মী দরওয়াজার চেয়ে, গোমতী নদীর চেয়ে, সিকান্দ্রা বাগের চেয়ে, তুমিই হয়ে উঠলে সবচেয়ে সন্দর । তুমি কত সাদাসিধে ছিলে । অথচ তোমার গা থেকে ঘ্রাণ পেতাম আতরের । তুমি চলতে-ফিরতে, মনে হতো কথক নাচছো নুপূর পায়ে । তুমি হাসলে মনে হতো মহাফিল ।

তুমি তো সেই সবিতা ? আমার জীবনের দশ দিনের জ্যোৎস্না, দশ রাতের ভূমিকম্প ? তোমার কি হয়েছে ? কিসের বিপদ ? অসুখ ? স্বামীর সঙ্গে মন কষাকষি ? ডিভোর্স ? কিসের বিপদ সবিতা ? স্বামী কী করে ? তুমি কি চাকরী করো ? কোথায় ? তোমার কীট ছেলেমেয়ে ? কেন, সুখী নও কেন ? তোমার মত মেয়েও সুখী নয় কেন ? সম্ভ্রায় ফোন কোরো । সব শুনবো । নিশ্চয়ই শুনবো । আমাকে ক্ষমা কোরো । প্রথমে চিনতে পারি নি বলে । স্মৃতির একেবারে তলায় চলে গিয়েছিলে । আবার একটু একটু করে সব ফিরে আসছে । তোমার মদুখ মনে পড়ছে । তোমার দাঁত । তোমার হাত । হাত দেখতে জানি বলে

যা ধরেছিলাম। তোমার ঘাড়ের তিল। তোমার গালের বেদ্রাণ।  
সব দেখতে পাচ্ছি। বিশ্বাস করো। ভুলি নি। তুমিই তো  
শিখিয়ে ছিলে অনেক উদ্‌ শব্দ। এখনো মনে আছে, ‘আশিক’  
মানে, প্রেমিক। আর ‘মাস্দুক’। মাস্দুক মানে, প্রেমিকা।  
বিশ্বাস করো, আমি জানতাম তোমার সঙ্গে একশ বছর পরে হলেও  
দেখা হবে।

## রোদে এবং ঝড়ে

মা বলোছিলেন, তুই যদি বেরোস, ঠাকুরপুজোর বাতাসা ফুঁরিয়েছে, এনে দিস তো সেন্দ্র।

মার কথা ফুরোবার পর খুব জোর মিনিট পাঁচেক বইখাতা নিয়ে নাড়াচাড়া করেছিল স্নেহ। এখন গরমের ছুটি। পড়ার তাড়াও কম। তা ছাড়া অনেকগুলো নতুন চিন্তায় তার মাথাটা দপ্‌দপ্‌ করছে আজকাল। স্নেহ বইপত্রের গুঁছিয়ে রাখল আলতোভাবে। তারপরই পঞ্চীরাজে চেপে হারিয়ে গেল বাইরের গলানো সোনার মত জ্বলজ্বলে রোদের ভিতরে। পঞ্চীরাজ মানে তার পুরনো সাইকেল। স্নেহর ষে-বছর পৈতে হল, তার ছোটকাকা কিনে দিয়েছিলেন ভালবেসে।

বাজারে এসে রাখাল ময়রার দোকানের খুঁটিতে সাইকেলটা ঠেকিয়ে স্নেহ হাটের এদিক-ওদিক অনেকক্ষণ ঘোরাঘুরি করল। চেনা-জানা দোকানে ঢুকে চেনা-জানা লোকদের সঙ্গে টুকটাক হাসি-ঠাট্টা করে আরও কিছুক্ষণ কাটিয়ে দিল সে। স্নেহকে সকলেই ভালবাসে। শূদ্ধ এ-অঞ্চলের এক ভদ্র পরিবারের ছেলে বলেই নয়। আজকালকার অন্য দশজন ছেলের চেয়ে ভদ্র বলেও নয়। আর দশটা ছেলের মধ্যে যা নেই, সেই রকম একটা বিচিত্র ধাতুর মিশেল আছে ওর মনের গড়নে, যা খুব স্পষ্ট করে না বুদ্ধেও সকলে সেটা টের পায় বলে।

এ-দোকানে ও-দোকানে হাঙ্কা হাসি-মশকরা করে ঘুরছিল বটে স্নেহ, কিন্তু তার মনের মধ্যে হাসি ছিল না। একটা অশুভ শূন্যতার উপলব্ধি তার বুদ্ধের ভিতরটাকে চেপে ধরেছে কিছুদিন। তার বুদ্ধ জুড়ে যেন একটা প্রকান্ড মাঠ। নানান রকম অতৃপ্তি

আর আকাঙ্ক্ষার রোদে জ্বলছে। নিজেকে পুড়িয়ে ছাই সরিয়ে একটা নতুন স্নেহ হতে চাওয়ার ইচ্ছে। আগের অনেক পুরানো অভ্যাস জীবন থেকে তাই সরিয়ে দিয়েছে সে। যেমন সাঁতার কাটা, ফুটবল খেলা, ঘুড়ি ওড়ানো। এখন তার কাছে এসব জিনিস উদ্দেশ্যহীন বলেই বাতিল। তার বদলে বই পড়া, আর কবিতা লেখাই এখন তার সর্বশ্রমের সবচেয়ে মূল্যবান কাজ।

একটা গোপন উদ্দেশ্য নিয়েই হঠাৎ বাড়ি থেকে বেরিয়ে পড়েছিল স্নেহ। শীত বাতাসা আনতে না-বললেও বেরোত। মায়ের বলায় আরও তাড়াতাড়ি বেরিয়ে পড়ার সুযোগ পেল সে। এতক্ষণ পাঁচজনের সঙ্গে হালকা হাসি-ঠাট্টার আড়ালে সে তার উদ্দেশ্যটাকেই শান দিয়ে দিয়ে ধারালো করেছে। এবার আর কোথাও না-দাঁড়িয়ে হনহন করে এগিয়ে গেল সে হাটের অনেকটা ভিতরে, ধরণী পোড়ের দোকানের দিকে। আজ শুক্রবার। প্রফুল্ল মাণ্ডার আসবে।

ধরণী পোড়ের দোকানটা বড় বিচিত্র। পৃথিবীর এমন কিছু জিনিস নেই যা এখানে সারানো বা মেরামত করা হয় না। বাইরে একটা সাইনবোর্ড রয়েছে। কিন্তু তার সমস্ত অক্ষর উঠে গিয়ে এখন শুধু একটা মরচে পড়া টিনের ফালি। একটু বাতাস দিলেই বিকট শব্দ সেটা দুলতে থাকে। পোড়ের দোকানের জন্যে আজকাল আর সাইনবোর্ডের প্রয়োজনও হয় না। তল্লাট জুড়ে এর নাম। চশমা, রিস্টওয়াচ, স্টেভ, হারমনিয়ম, সাইকেল, মোটর সাইকেল, যার যা ভাঙে, সারাতে ছুটে আসে এই দোকানে। দোকানের ভিতরটা একটু অন্ধকার। যে-দিকটায় বেশী অন্ধকার, সেখানেই একটা চৌকি পাতা। চৌকির উপরে ছেঁড়া চাদর, চাদরের উপরে দু'তিনটে হারমনিয়ম। অন্য দিকে একটা বাঁয়া-তবলা। হারমনিয়মগুলো ধরণী পোড়ের নিজের নয়। খন্দেররা সারাতে দিয়ে গেছে। কিন্তু বাঁয়া-তবলাটা নিজের। দোকানে

গানের আসর বসে, প্রত্যেক শুল্কবার সকাল-সন্ধ্যায়। রাজপুত্র গ্রামের প্রাইমারী গার্ল স্কুলের হেডমাস্টার প্রফুল্লবাবু দুবেলা দুবার ছুটে আসেন এখানে চা খেতে। চা খেয়ে দু তিনখানা করে গান গান। ধরণী নিজে বাঁয়া-তবলা নিয়ে বসে। ঐটুকু সময় ধরণী যেন অন্য মানুষ। ভাবে বিভোর হয়ে থাকে তার চোখ-মুখ হৃদয় মন হাত-পা সব কিছুর। লোক জমে যায় গানের টানে। গান ছাড়া আরও এটা গুণ আছে প্রফুল্লবাবুর। ঔঁর হাতের নকশা খুব সুন্দর। সম্ভ্রান্ত পরিবারের মেয়েরা বালিশের ওয়াড়, রুমাল, টেবিলের ঢাকা এসবের জন্যে ঔঁর কাছ থেকে নকশা আঁকিয়ে আনে।

গানের আওয়াজটুকুর জন্যেই স্নেহর সময় কাটানো। দূর থেকে গানের আওয়াজ পেয়ে যখন দোকানে ঢুকল, সামনে অল্প লোকের পাতলা ভিড়। সকালবেলায় এই রকমই হয়। সন্ধ্যাবেলায় বাড়ে।

ধরণী স্নেহকে দেখতে পেয়েছিল। তবলায় বোল দিতে দিতেই চোখের ইশারায় বেশ সম্ভ্রমের সঙ্গেই স্নেহকে বসতে বললে। স্নেহ বসল। গান শেষ হলে ধরণী আবার ঘুরে তাকাল স্নেহের দিকে।

—কী খবর বাবু ? সারাবার কিছুর এনেছেন নাকি ?

—না, মাস্টারমশায়ের সঙ্গে একটু কথা বলার ছিল।

—ওঃ, মাস্টারমশাই ! এই যে মাস্টারবাবু, আপনার সঙ্গে আমাদের স্নেহবাবু একটু কথা বলবেন। স্নেহবাবুকে চেনেন তো ? রতনবাবু, ঐ যে লহরা গ্রামের চক্রবর্তী পাড়ায়—

মাস্টারমশাই চিনতে পারলেন।

—ওঃ, আচ্ছা, তুমি রতনবাবুর ছেলে ? বাঃ। হ্যাঁ হ্যাঁ, ঔঁর সঙ্গে আমার আলাপ হয়েছে দু চারবার। খুব অমায়িক মানুষ।

ধরণী সঙ্গে সঙ্গে বলে উঠল

—স্নেহবাবুও খুব ভাল ছেলে মাস্টারমশাই। উনি আবার কবি। জানেন তো ?

—তাই নাকি ? তুমিই কবিতা লেখো ?

স্নেহ সলজ্জ হাসে।

—কাগজে ছাপা হয়েছে ?

—আজ্ঞে হ্যাঁ।

—কোন কাগজে ? আমাকে দেখিও তো। বাঃ, খুব আনন্দ হল। আমাদের এই গন্ডগ্রামের মত জায়গাতেও কবি বলে পরিচয় দেবার কেউ আছে তাহলে ! আমার সঙ্গে কী দরকার আছে বলছিলেন যেন। কী দরকার বলতো ?

স্নেহ যখন ফাজলামি করে তখন একরকম। কিন্তু যখন কবিতা বা সাহিত্য নিয়ে কথা বলে তখন বদলে যায়। বালক বয়সের পক্ষে যেমানান একটা গাম্ভীৰ্য ওর মুখটাকে ঘিরে ফেলে। স্নেহ ভেঙে ভেঙে, আস্তে আস্তে বলতে থাকে

—আমরা একটা হাতের লেখা কাগজ বের করবো। আপনাকে সাহায্য করতে হবে। আমাদের একটা ক্লাব আছে। সেই ক্লাব থেকেই বের করবো কাগজটা। কলকাতার সাহিত্যিকদেরও লেখা পাবো। চিঠি দিয়েছি। অনেক বড় বড় সাহিত্যিকদের সঙ্গে আমার চিঠিতে আলাপ আছে।

—বল কী ? শুনো তো খুবই ভালো লাগছে আমার। তা, আমাকে কী করতে হবে বলতো ?

—আপনাকে, আপনাকে আমাদের পত্রিকায় কিছু ছবি মানে নক্শা-টক্শা এঁকে দিতে হবে। আমরা আপনাকে কাগজ রঙ তুলি সব দিয়ে আসবো। আপনি পাতাগুলো এঁকে দিলে তারপর আমরা লেখাগুলো লিখবো।

—তা এঁকে দেবো'খন। তোমরা এত ছোট ছোট ছেলেরা যখন এত বড় একটা উৎসাহ নিয়ে নেমেছো—

—কাকীমা, এবার কিন্তু ছাড়ছি না আপনাকে ।

—বেঁধে রাখবি নাকি ?

—না, বাঁধিয়ে রাখবো । আপনাকে নয় অবিশ্যি । আপনার লেখাকে ।

—লেখা ? কিসের লেখা রে ?

—ওসব শুনবো না । পত্রিকা বের করার সব ঠিকঠাক । আপনাকে লেখা দিতে হবে ।

—স্নেহ, বেল খাবে ?

—আপনি কথা ঘোরাচ্ছেন কাকীমা ! ও-রকম করলে দেখবেন—

—না-খাও তো বাড়িতে নিয়ে যেও, এখানে রইল ।

—আমি বন্ধি একদম কোলের ছেলে । তিনটে পাকা বেল হাতে গুঁজে দিলেই চুপ করে যাবো ? সত্যি বলছি কাকীমা, আপনি যদি লেখা না-দেন, দেখবেন কী করি আমি—

—তোমার কি সত্যি সত্যিই মাথা খারাপ হয়েছে স্নেহ, এঁ্যা ! যাও, বেলা হয়েছে, বাড়ি গিয়ে চান করে খেয়ে-দেয়ে ঘুমোও গে । রোদে ঘুরে মাথাটা গরম করছো । ওঠো দিকিনি ।

স্নেহ ওঠে না । হঠাৎ অভিমানে চুপ করে যায় । প্রফুল্ল মাস্টারের সঙ্গে প্রথম আলাপেই সহযোগিতার সাদর আশ্বাস পেয়ে স্নেহ প্রথম ছুটে এসেছে এইখানে । বিভা কাকীমা তার নিজের কাকীমা নয় । ঈষৎ দূর সম্পর্কের কাকীমা । গোটা গ্রামের ঘরে ঘরেই এ-রকম কত কাকিমা মাসিমা পিসিমা ছড়ানো । কিন্তু স্নেহর মনের টান একমাত্র এইখানে । তার যত মনের কথা, যত

বিহ্বল স্বপ্ন, কবি হওয়ার জন্যে তার হৃদয়মনের যত কিছু আকুলতা, সব এই বিভাকাকীমার কাছে ।

বিভা শহরের মেয়ে । স্নেহর নলিনীকাকা নিজে পছন্দ করে বিয়ে করেছিলেন ভবানীপুরের এই লেখাপড়া-জানা মেয়েকে । বিয়ের সাত বছর পরে টি. বি. হয়েছিল বিভার । বিয়ের সাত বছর পরেও তার গর্ভে সন্তান আসেনি । একসঙ্গে এই দুটো দূরপন্থে অপরাধের প্রায়শ্চিত্ত করতে গিয়ে বিভাকে বেশ কিছু-কালের জন্যে শব্দুর, শাশুড়ী পরিত্যক্ত বণ্ডিত জীবন কাটাতে হয়েছে বাপের বাড়িতে । স্বামীর সঙ্গেও মনের সম্পর্ক ময়লা হয়ে গিয়েছিল অনেকখানি । দেহের সম্পর্কটা টিকেছিল সাময়িক ষাতায়াতের ফলে । তারপরে কোনখানে ঠিক কী ঘটনা ঘটে গেছে কেউ জানে না । বিভার গর্ভে সন্তান আসার তিন বছর পরে সে আবার ফিরে এসেছে তার এই শব্দুর-বাড়িতে । শব্দুর মারা গেছেন । শাশুড়ী বৃন্দা । বিছানা ছেড়ে উঠতে পারেন না । বিভার হাতে সংসার ।

সভ্য আচার-আচরণে অভ্যস্ত শহরের মেয়ে বলেই হোক, অথবা তার জীবন সম্পর্কে কোনো দ্রাস্ত ধারণার প্রতিক্রিয়ার ফলেই হোক, বিভার সঙ্গে গ্রামের অন্যান্য আত্মীয়-স্বজনের সম্পর্কটা আজও আলগা আলগা । তাছাড়া পাড়াগাঁয়ের মানুষের মনে টি বি নামের ভয়াবহ ব্যাধিটাও ভূত-প্রেতের ভয়ের মত একটা বন্ধমূল সংস্কার ।

স্নেহর সঙ্গে বিভার ঘনিষ্ঠতা খুব বেশী দিনের নয় । স্নেহরা ঘেবারে গ্রামের বন্ধ এবং ভাঙা লাইব্রেরীটা নতুন করে চালানোর দায়িত্ব নিজেদের হাতে নিয়ে নিলে, তারপরই । বিভা নিজেই একদিন স্নেহকে ডেকে বলেছিল,—তোমাদের লাইব্রেরীর মেম্বার হতে হলে কী লাগে ?

তারপর অনেকদিন কেটে গেছে । অনেক সদস্য বেড়েছে



লাইবেরীর। কিন্তু মহিলা সদস্য রয়ে গেছে ঐ একজনই, বিভা।

আজকাল স্নেহ নিজেই বই বেছে নিয়ে আসে। ফাঁকি দেবার ফরাসৎ পেলো বিভার কাছে বসে কলকাতার গল্প শোনে। বিভা গল্প বলে সহজ স্বাভাবিক ভঙ্গিতে। হাসির জায়গায় হাসি। দঃখের জায়গায় দঃখ। স্নেহ কিন্তু সবকিছুর মধ্যে একটা অনির্বচনীয় দঃখের স্বাদ পায়। স্নেহ জানে, অনেক আটপৌরে কথার আড়ালে বিভা ঢেকে রাখছে তার আসল মর্মবেদনা। স্নেহ বিভার চেয়ে বয়সে অনেক ছোট। কিন্তু তার চেতনা এবং অনুভবের ক্ষমতা বয়সের চেয়ে বেশী। বিভা যে-কথা মূখে বলে না, নিজের ভাবনা দিয়ে সেটা ভরিয়ে স্নেহ নিজের মধ্যে একটা কণ্টের পরিমণ্ডল তৈরী করে নেয়।

উঠবো উঠবো করেও স্নেহ চেয়ার ছেড়ে উঠতে পারছিল না। কেমন একটা হেরে-যাওয়া মনোভাব ভেতরে ভেতরে বেপরেয়ো করে তুলছিল তাকে। পৃথিবীতে প্রত্যেক মানুষেরই কিছ্ নির্দিষ্ট করা আপনজন থাকে। যত আদর-আশ্বাদ, স্নেহ-ভালবাসা, উৎসাহ-উদ্দীপনার দাবী সেইখানে, সেইখানে এতটুকু বেসদরো কিছ্ বাজলে, বন্ধ ছাতার মত মনটা গদাটিয়ে আসে।

—তোমার মা কোথায় ?

বিভার আট বছরের ছেলে, কাতু, বাইরে খেলাধুলা করে ঘরে ফিরল। চোখ-মুখ রোদে লাল। স্নেহ কাতুকে কাছে নিলে দঃহাতে।

—মা, রান্নাঘরে।

কাতুর মাথায় সাহেবদের মত ফিনফিনে সোনালী চুল। ঘামে ভিজে অশুভ একটা গন্ধ। কাতুকে কাছে পেলোই স্নেহ তার চুল নিয়ে ঘাঁটে।

—তোমার মাকে গিয়ে বল, আমি চলে যাচ্ছি।

ঠিক সেই সময়েই বিভা দ্দ'হাতে দ্দ'কাপ চা নিয়ে ঘরে ঢুকল।  
স্নেহ বিভার দিকে চোখ তুলে তাকাল না।

—আমি জানি, চা না-খেয়ে তুমি উঠবে না।

—মোটাই না। আমি কি চায়ের কথা বলেছি একবারও।

স্নেহর লুকনো অভিমান রাগ হয়ে ফুটে বেরোয়।

—ন-বললেও আমি শুনতে পাই।

—তা তো পাবেনই। যেটা বলি না সেটা আপনি শুনতে  
পান। আর যেটা বলি সেটা আপনার কানে ঢোকে না। চা,  
খাব না।

—চা খেয়ে নাও বলছি। ফাজলামি কোরো না।

—কি ফাজলামি কোরলাম আমি ?

—তুমি তো খানিকটা ফাজিল হয়েছই আজকাল। ফাজিল  
না-হলে তোমার বৃদ্ধি থাকতো। আমার কাছে এসে কবিতা  
চাইতে না। আমি একটা পাড়াগাঁয়ের বৌ। আমি কবিতা দেবো,  
আর তোমরা সেটা প্রকাশ করবে ? পাড়ায় টি টি পড়ে যাবে না ?

যায় যাবে, তাতে কার কী ? আপনার কী ক্ষতি হবে তাতে ?

—স্নেহ, চা-টা খেয়ে নাও। গরম চা না খেলে তোমার মাথা  
ঠান্ডা হবে না।

খাব না খাব না করেও স্নেহ চা-টা খেল। চা এ-গ্রামে কয়েকটা  
আঙুলে গোনা বাড়িতেই হয় কেবল। স্নেহদের বাড়িতে হয় না।  
স্নেহর চায়ের নেশা বিভার কাছ থেকেই। চা-খেয়েই স্নেহ উঠে  
দাঁড়াল।

—আর আসছি না। দেখবেন—

সত্যি সত্যি কাঁদো কাঁদো গলায় এই কথাগুলো বলে স্নেহ দ্রুত  
পায়ে বেরিয়ে এল। কাতু বিভাকে জিজ্ঞেস করলে,

—কাকু রাগ করল কেন মা ?

—তোমার কাকু অমনিই।

সাইকেলে চেপে স্নেহর মনে পড়ল, বাতাসার ঢোঙাটা বিভার ওখানে ফেলে এসেছে। আবার ফিরে যাবো? না। ফিরে গেলে বিভাকাকীমা ভাববে আমার ব্যক্তিত্ব নেই। বাড়িতে গিয়ে বরং ছোটভাইকে পাঠিয়ে দেবো। তাহলে কি এখন বাড়ি ফিরাছি? না। কোথায় যাবো? নান্তুকে খবরটা দিয়ে যাই, প্রফুল্লবাবু রাজী হয়েছেন। এবার সব তেড়েফুড়ে লেখার জোগাড়ে লেগে যাও। আর ক্লাবের একটা জরুরী মিটিং কল করতে হবে এখন।

তা, শম্ভুর কাছে না-গিয়ে নান্তুর কাছে যাওয়া কেন এর জন্যে? নান্তু তো ক্লাবের একজন সাধারণ সদস্য। শম্ভু সেক্রেটারী।

স্নেহর ভার-ভার মুখেও হাসি এসে গেল।

আমার কি তবে এখন শুধু হারার পালা?

নান্তু স্নান করছিল। ঠিক স্নান নয়। শুকনো নারকেল নিয়ে ওয়াটার পোলো খেলছিল চার পাঁচজন মিলে, মাঝ-পন্থকুরে। স্নেহকে দেখেই নান্তুরা চীৎকার করে ডাক দিল—

—এ্যাই স্নেহ, নেমে আয়।

দেয়ালের গায়ে সাইকেল ঠেকিয়ে রেখে স্নেহ নড়বড়ে কাঠ-বাঁধানো ঘাটের একটু শুকনো জায়গা বেছে নিয়ে বসল।

—কীরে, নেমে আয় না।

স্নেহ হাত নেড়ে না জানাল।

মাঝ-পন্থকুর থেকে জলভরা মুখে বিকট আওয়াজ করে নান্তু বললে—

—এ্যাই বিশেষ ওকে টেনে নামাতো জলে।

দু' হাতে জল ছিটোতে ছিটোতে বিশু সত্যিই তেড়ে আসতে লাগল স্নেহর দিকে। স্নেহ উঠল না। কিন্তু বিশু যখন খুব

কাছাকাছি এসে জল ছিটোতে লাগলো জলের উপর হাতের তালু  
টাঁ-টাঁ শব্দ করে, জামা-কাপড়ের খানিকটা ভিজে গেলে, স্নেহ  
লাফিয়ে উঠে দাঁড়াল। সরে গেল পিছনে।

—এ্যাঁই বিশদু, কী হচ্ছে রে ?

পিছন থেকে মেয়েলী গলায় আওয়াজ শুন্যে পিছন ফিরে  
তাকাল স্নেহ। জুঁলি দাঁড়িয়ে আছে জানালায়। স্নেহ তাকাতেই  
মদুচকী হেসে সে বলল

—মা তোমাকে ডাকছে ভিতরে।

—মাসীমা কী করে জানলেন, আমি এসেছি ?

—অত জোরে সাইকেলের বেল বাজালে সকলেই শুনতে  
পায়।

—পায় বদুবি ? সকলেই পায় ?

—আজ্ঞে হ্যাঁ।

—জানা রইল।

—জেনে জেনে তুমি তো একেবারে পণ্ডিত। ভিতরে  
এসো না।

স্নেহ পা বাড়ালো ভিতরে।

দোতলায় ওঠার সিঁড়ির কাছেই জুঁলির বাবা খেতে বসেছেন।  
জুঁলির মা, তাঁর সামনে বসে। স্নেহকে দেখেই স্নেহের কিশোরী-  
দাদু বলে উঠলেন,

—এই যে লাটসাহেব, এখনো রোদে রোদে ঘোরা হচ্ছে ? কী  
রাজ্যজয় করা হচ্ছে হে ? এঁ্যা ? একবারে গোম্ভায় যেতে বসেছে  
সবকটা।

এইরকম রসকসহীন রুদ্ধভাষণই এঁর চরিত্র। স্নেহ কখনো  
ঝগড়া করে, কখনো কানেই তোলে না কথা। দিদিমা বললেন—

—হ্যাঁরে, তুই যে আর আসিস না আজকাল ? ভুলে গেলি  
নাকি ?

জুলাি দাঁড়িয়েছিল দোতলায় ওঠার সিঁড়ির মাঝখানে । জুলাি বললে—

—ওরে বাঃ বাঃ, উনি আজকাল কত বড় হয়েছেন । উনি কখনো গুঁর গরীব দিদিমার বাড়িতে পায়ের ধুলো দিতে পারেন ? কত ডাকাডাকি, সাধাসাধি করতে, তবে এলেন ।

—না দিদিমা, সব মিথ্যে কথা । বাস্তায় ঘাটে দেখা হলে উনি কথাই বলেন না, আবার আমার নামে বলা হচ্ছে ।

স্নেহ কথাটা বললে জুলাির দিকে তাকিয়ে । জুলাি দেখতে পেল স্নেহর মুখে অভিমানের মেঘ । মুখে আঁচল-চাপা দিয়ে চোখে দৃষ্টান্তমিভরা হাসি ফুটিয়ে সে বলল

—উপরে আসুন-না একবার । আপনার মামী এসেছেন ।

মামী মানে মান্তুমামার বৌ । খুব অল্পদিন বিয়ে হয়েছে মান্তুমামার । বিয়ের পরই বিদেশে চলে গেছেন । দেবাদুন না কোথায় যেন । মিলিটারী চাকরি । মিলিটারী হবার মত চেহারাও বটে । অথচ তারই ভাই নান্তু কেমন যেন কাটখোট্টাই ।

স্নেহ ভাবছিল উপরে যাবে কি যাবে না । বিয়ের পর দু'চার দিন মাত্র দেখেছে এই নতুন মামীকে । খুব একটা ভাল লাগেনি স্নেহর, সব সময় মাথায় ঘোমটা টানা । সব সময় একটা বৌ-বৌ ভাব । মাথা ভর্তি সিঁদুর । এইসব দেখলে স্নেহ ভাবে, আমাদের গ্রামটা আর মানুষ হোল না । এমন একটা মেয়েকে কেউ বিয়ে করে আনতে পারল না, যাকে বলা যেতে পারে খানিকটা আধুনিক ।

স্নেহ দোতলায় যাওয়ার জন্য যেই একটু পা বাড়িয়েছে কিশোরীদাদু ধমক দিয়ে উঠলেন

—এ্যাই, বাড়ি যা তো । চান-খাওয়া নেই তোদের । ঐ একটা ছেলে সেই কখন থেকে পুকুরে নেমেছে । ওঠার নাম নেই । আর ইনি হয়েছেন, দলের সর্দার । ট্যাং-ট্যাং কসে কেবল রোদে ঘুরে ঘুরে মোড়লী করে চলেছেন । যাঃ, বাড়ি যা ।

কিশোরীদাদু চেঁচিয়ে উঠল বলেই স্নেহর ভেতরে চাপা জেদ  
চেপে গেল। মুখে হালকা ভাব ফুটিয়ে স্নেহ বলল

—আহা, মামী এসেছে একটু প্রণাম করে যাই।

দোতলাই উঠেই স্নেহ জুঁলির হাতটাকে শক্ত করে চেপে  
ধরলে।

—খুব ডাঁট বেড়েছে, না ?

—কেন রে ?

—কেন রে ? সেদিন তালবাগানের কাছে কতবার করে  
ডাকলুম সাড়া দিয়েছিলে ? ফিরে তাকালে না পর্যন্ত।

—ও-রকম করে রাস্তায় চেঁচিয়ে ডাকলে কোনদিন ফিরে  
তাকাব না। তালবাগানে এক পুকুর লোক। তার মধ্যে বাবুর  
রসিকতা। লোকে কী ভাবতে পারে, সে ভয় নেই।

—লোকে কী ভাববে ? আমি তো আমার মাসীকে ডাকছি।

—আহা, কী একেবারে মাসী-দরদী। শয়তান কোথাকার।

জুঁলির চাপা গলায় কথা, চাপা ঠোঁটের হাসি, তার রোগা  
রোগা শরীরেও চাপা না-পড়া ষোল বছর বয়সের গড়ন, স্নেহের  
মনে একই সঙ্গে জাগিয়ে তোলে ভালবাসা এবং রাগ। স্নেহের  
ইচ্ছে করে জুঁলিকে দুটো হাতের মধ্যে পিষে এখুনি ভেঙেচুরে  
একটা তালগোল পাকিয়ে দেয়। স্নেহ শ্বির এবং উজ্জ্বল  
দৃষ্টিতে জুঁলির ফিক্‌ফিক্‌ করে হাসা মুখের দিকে তাকিয়ে  
মনে মনে বলে, তুমি এমন কিছুর সুন্দরী নও। বদলে ? তোমার  
মধ্যে এমন কিছুর নেই, যা চিরকাল মনে রাখার মত। এক মুহূর্তে  
তোমাকে আমি দূরে সরিয়ে দিতে পারি। ভালবাসা অথচ  
ভালবাসা নয়, এমনি একটা জোড়াতালি দেওয়া সম্পর্ক গড়ে উঠেছে  
বলেই, সেটাকে নিয়ে খানিকটা মেতে থাকা।

—আঃ, লাগছে হাতটা ছাড়াব তো।

—না।

—দেখবি, চেঁচিয়ে ডাকবো মাকে—

জুলাল মাকে চেঁচিয়ে ডাকার মতো একটা মিথ্যে ভঙ্গি ফুটিয়ে তোলে মুখ হাঁ করে। স্নেহ হাতটা ছেড়ে দেয়।

—দেখছ, কী রকম দাগ বসে গেছে আঙুলের।

—কেটে রক্ত পড়লে, খুব ভাল হত। আমি শয়তান কিনা!

জুলাল জোরে পা চালিয়ে দোতলার বারান্দার শেষ প্রান্তে তার বৌদির ঘরে ঢুকে পড়ে। স্নেহ পিছনে পিছনে ঢোকে। ঘরে ঢুকে অবাক হয়ে যায় স্নেহ। এই তার নতুনমামী। এও কি সম্ভব? মাত্র ক'মাসের মধ্যে এত বদলাতে পারে মেয়েরা। ঘোমটা দেওয়া অবনত একটা কুঁড়ি যেন ফুটে উঠেছে ঘোমটা খসিয়ে, উর্ধ্বমুখী ফুল।

## ৪

—বাঃ বাঃ, চেহারাখানা যা বানিয়েছ রোদে ঘুরে ঘুরে, আর দেখতে হবে না। হ্যাঁরে, ভগবান কি তোদের খিদে-তিশ্ঠেও দেননি। ঘাড়িতে দেড়টা বেজে গেছে। এত বেলা পর্যন্ত কোথায় ঘুরে বেড়াচ্ছিল?

স্নেহ সাইকেলটা ধানের মাচার গায়ে ঠেকিয়ে রেখে লাফাতে লাফাতে উঠোন পেরিয়ে দাওয়ায় উঠে গায়ের জামা খুলতে লাগল।

—জানো মা, শিউলীমামী এসেছে।

মায়ের কাছ থেকে কোনো সাড়া পেল না স্নেহ। চান করে যখন খেতে বসল সে, স্নেহর মা খানিকটা দূরে বসে প্রতিবেশী চাষীর বৌ মঙ্গলের মার সঙ্গে কথা বলছিলেন। স্নেহ আবার বলল

—জানো মা, শিউলীমামী এসেছে। এমন চেহারা হয়েছে, যে চেনাই যায় না।

—কবে এসেছে?

—তিন চার দিন হল। যেমন দেখতে হয়েছে, তেমনি গা-ভর্তি গয়না।

মঙ্গলার মা জিজ্ঞেস করে—

—কে গা দিদি।

—ঐ যে আমার সেজমাসী আছে না, তারই বড়ছেলের বোঁ। বারুইপদরের মেয়ে। বাপের বাড়ি বেশ বড়লোক। মেয়েকে খুব গয়না-গাটি দিয়েছে আর কী।

স্নেহর ছোটবোন সীতু কোথায় ছিল, এক দৌড়ে মায়ের কাছে এসে দাঁড়াল।

—কে মা? কাকে গয়না-গাটি দিয়েছে?

মায়ের বদলে স্নেহ মুখ থেকে মাছের কঁটা বাছতে বাছতে বলে

—আরে শিউলীমামী এসেছে না—

—তুই গেছলি বৃদ্ধি জ্বলিমাসীদের বাড়ি?

—না-গেলে আর দেখলাম কী করে?

—মা, আমি যাব?

স্নেহর ছোটভাই রুনু এই সময় দোতলার সিঁড়ি দিয়ে তরতর করে নেমে আসছিল। স্নেহ তাকে ডাকল, হাত নেড়ে। রুনু কাছে এলে স্নেহ চুপি চুপি, মায়ের কান এঁড়িয়ে বললে—

—বিভাকাকীমার ওখানে বাতাসার ঠোঙাটা ফেলে এসেছি, তুই বিকেলে খেলে ফেরার সময় নিয়ে আসবি। কেমন?

রুনু কথা শেষ হতে-না-হতেই ছিটকে বোঁড়িয়ে গেল বাইরে, ঘাড় নেড়ে একটা হ্যাঁ জানিয়ে।

—ওমা, বল না, যাব?

মঙ্গলার মা একটানা বকে চলেছে, একাই। স্নেহর মা শূন্য শ্রোতা। আর ক্রমাগত ঘাড় নেড়ে চলেছেন। ঠিক যেন যন্ত্রের মত। তালে তালে। সীতুর কথা মায়ের কানে যায় না। সীতু স্নেহর দিকে তাকিয়ে বিরক্ত মুখে হাসি ফুটিয়ে বলে—



—দেখাছিস দাদা । এখন হাজার ডাক্ শুনতে পাবে না । কী রকম দেখালি রে দাদা ? খুব সুন্দরী হয়েছে শিউলীমামী ?

—দারুণ । বিয়ের সময় কেমন যেন একটা জড়ভরত জব্দখব্দ, ভাব ছিল না ? এখন একদম আলাদা । লম্বা হয়ে গেছে হাত খানেক । প্রায় আমার মাথার সমান সমান । আমি বেশী কথা বলিনি । পরে আসবো, এই বলে পালিয়ে এসেছি ।

সীতু এবার মায়ের হাতটা ধরে মৃদু ঝাঁকুনি দেয় ।

—কতবার বলছি, শুনতে পাচ্ছ না । যাব ?

—কোথায় ?

—শিউলীমামীকে দেখতে ।

—যা ।

সীতুর দিকে না তাকিয়েই উত্তর দেন তিনি । সীতু লাফাতে লাফাতে দোতলায় উঠে যায়, শাড়ি পালটাতে । খাওয়া শেষ স্নেনহর । মায়ের ঘরে ঢুকে পানের ডাবর খুলে কয়েক কুঁচো সুপদুরী মুখে দিয়ে নিজের শোবার ঘরে চলে আসে স্নেনহ ।

নিজের মনের মধ্যে স্নেনহ আজ কী রকম একটা সাড়া পাচ্ছে । কবিতা লেখার আগে প্রত্যেকবারই এমনি একটা তোলপাড় জাগে । কোন একটা ভাবনা স্থির হয়ে দাঁড়াতে পারে না অনদ্ভূতির ভিতরে । কোনো একটা সুখের দৃশ্য ভাবতে গেলে, তার ভিতর থেকে ফুড়ে বেরিয়ে আসে কোন একটা দুঃখের ছবি । আনন্দ কি বেদনা এদের আলাদা করে চেনা যায় না । সব কিছুই দুঃখ হয়ে ওঠে । সব কিছুই ভীষণ জ্বরের মত কেবল বাড়িয়ে যায় মনের শূন্যতার তাপ ।

স্নেনহ ভাবছিল কলম নিয়ে বসলেই কবিতা আসবে । অথচ অবেলায় স্নান-খাওয়ার ফলে তার শরীরে মিশে ছিলো ক্লান্তি । স্নেনহ তাই নিজের পড়ার ঘরে না-বসে শোবার ঘরে চলে এল । মাথার বালিশটা বুকে চেপে খাতার পাতায় কলম ছুঁইয়ে চুপ

করে বসে রইল কিছুক্ষণ। একটু পরে আধশোয়ার মত শূন্যে পড়ল। গরম বাতাসের ঝাপটা এসে গা পুড়িয়ে দিয়ে যাচ্ছে। স্নেহ ভাবল জানলাটা বন্ধ করে দেবে। জানলা বন্ধ করলে, রোদের তাপটা কমবে, কিন্তু ঘরে আলো আসবে না। স্নেহ তাই উঠল না। একটু আগে পর্যন্ত স্নেহ এই আগুনের মত রোদে ঘরে বেঁড়িয়েছে কত স্বচ্ছন্দে। এখন তার কাছেই রোদটা অসহ্য।

কুঁড়ি, কুঁড়ি, ফুল, ফুল, উর্ধ্বমুখী, উর্ধ্বমুখী ফুল, কুঁড়ি থেকে ফুটে-ওঠা উর্ধ্বমুখী ফুল, উর্ধ্বমুখী সূর্যমুখী, নতুনমামী, কেবল নতুনমামীর মুখটাই মনে পড়ছে, চোখ দুটো, সেণ্টের গন্ধ ঘর জুড়ে, গন্ধটা যেন নতুনমামীরই গায়ের, এখান থেকে নতুনমামীকে মনে করলেই ঐ গন্ধটা নাকে আসবে। প্রত্যেক মানুষের একটা নিজস্ব গন্ধ আছে। যেমন? যেমন বিভাকাকীমারও।

বিভাকাকীমাদের বাড়ি পুরনো আমলের। প্রায় জমিদার-বাড়ি। এখন ভাগ-বাঁটোয়ারা হয়ে, অথহে অবহেলায়, সব কিছুই ওপরেই মলিনতার ছাপ। তবু বাড়ির গড়নটা তো রয়ে গেছে। বিভাকাকীমাদের মত ঢাকা-বারান্দা আর কোন বাড়িতে নেই। ভেতরটা সেইজন্যই একটু অন্ধকার। আর অন্ধকার বলেই শীতল। আর ঐ শীতল আবহা অন্ধকারের সঙ্গে মিশে থাকে একটা গন্ধ। বেলের গন্ধ। বিভাকাকীমাদের অনেক বেল গাছ। পাকা বেলের একটা স্থায়ী গন্ধ তাই জড়িয়ে থাকে বাড়ির সবখানে। ভিতরের ঘরগুলো আরো অন্ধকার বলে আরো রহস্যময়। স্নেহর খুব ইচ্ছে করে ঐ অন্ধকারের সবটুকুকে হাতড়ে দেখে। কিছু-না-কিছু পরমাশ্চর্য হাতে এসে যাবেই। বিভাকাকীমা সব সময়েই হাসিখুশী অথচ চোখের কোণে কী রকম কালিপড়া। কত কিছু যেন লুকনো রয়েছে চোখে। ধরা যায় না।

যাঃ, কবিতাটা কোথায় হারিয়ে গেল, বেশ মনে আসছিল, কুঁড়ি, কুঁড়ি, অলৌকিক চাঁবি থেকে খুঁলে গেল, খুঁলে গেল, অলৌকিক চাঁবি, আশ্চর্য এই অদ্ভুত শব্দ দুটো হঠাৎ মনে এল কেন, নতুনমামীর আঁচল তো চোখে পড়েনি, চাঁবি থাকে বিভাকারকীর্তীর আঁচলে, বিয়ে হয়ে গেলেই মেয়েদের আঁচলে চাঁবি কেন, বিয়ে হয়ে গেলেই মেয়েরা বদ্বি সব সোনার সিন্দুক, ডাকাতের ভয়ে তালা আঁটা, চাঁবি আর সিন্দুক, ইস, কী মার খেয়েছিলুম, এখনো মনে পড়ে, মায়ের হাতে, মা ঘুমোচ্ছিলেন, আঁচলের গিঁট থেকে চাঁবিটা সরিয়ে সিঁড়ির ঘরের অন্ধকার কোণে আবহমান পড়ে থাকা সিন্দুকটা খুলেছিলুম, সিন্দুক ভর্তি শাড়ি, লাল, নীল, সবুজ, সোনালী বেনারসী, যেন একটা স্বপ্নের রাজত্ব, তারই এক কোণে বিরাট এক বাণ্ডিল চিঠি, বাবাকে লেখা মায়ের, মাকে লেখা বাবার, মা কিছ্ কিছু চিঠি লিখেছিলেন কবিতায়, বেশ ছন্দ মিলিয়ে, তবে বড় সেকেলে, তবু তো কবিতা, হয়তো মায়ের কাছ থেকেই কবিতার ব্যাধি এসেছে আমার রক্তে, ইস, কবিতাটা হারিয়ে গেল, হবে না আজ, কী যেন শব্দটা, অলৌকিক চাঁবি, ওরকম একটা চাঁবি, থাকলে, বিভাকারকীর্তীর শোবার ঘরটা বড় অন্ধকার, কত স্নটকেস, আর সিন্দুক, এসব কে খোলে, কখন খোলে, লুকিয়ে রাখার, গোপন করার কী এত জিনিস থাকে মেয়েদের, ঘোমটা, আঁচল, সিন্দুক, শাড়ি, জরী বসানো বেনারসী, ন্যাপথলিন। হাসছ? তোমার খুব হাসি পাচ্ছে জর্দামাসী, তাই না? হেসে আর পালিয়ে আর বার বার বদকের আঁচল টেনে তুমি নিজেকে ভারী রহস্যময়ী বানাতে চাইছো, মনে আছে গত বছর বিজয়ার দিন সিঁধি খেয়ে, সে তো শুধু সিঁধকের ডালায় হাত, এবার পৃথিবীর যেখানে যত সিঁধক, তার ভেতরটাকে উপড়ে উপড়ে...

—দাদা, এ্যাই দাদা, দা দা আ-আ-আ।

স্নেহ কষ্ট করে চোখ মেলে তাকায় ।

—বাবা, এখনো ঘুমোচ্ছ ? উঠে দেখো, সন্ধ্যা হয়ে গেছে ।

—সন্ধ্যা হয়ে গেছে ? সে কি রে ? কখন ঘুমিয়ে পড়লাম আমি ?

—তোমার একটা চিঠি আছে । এই নাও । আর বিভা-কাকীমার ওখানে গিয়েছিলাম । তোমাকে যেতে বলেছেন । তিনটে বেল দিয়েছেন আমাদের জন্যে ।

—চিঠিখানা কই ?

—ঐ তো ।

স্নেহ ঘুমভরা চোখটাকে হাতের তালুতে দ্রুত চটকে নিয়ে বড় বড় করে চিঠিটার দিকে তাকায় । ঘরের ভিতরটা অন্ধকার । লার্নিয়ে খাট থেকে নেমে বারান্দায় চলে আসে । খাম ছিঁড়ে চিঠিটা বের করে । বারান্দার আলোও আবছা । স্নেহ চেষ্টা করেও পড়তে পারে না । শব্দ বঝতে পারে চিঠির কালিটা সবুজ ।

—মা, আলো জেদলেছ ? এ্যাই সীতু...

স্নেহ দোতলা থেকে নিচে নেমে আসে । কারো সাড়া পায় না । সারা বাড়িটা স্তব্ধ । আর আবছা । রাবার-ঘসা লেখার মত অন্ধকারে যেন মূছে গেছে অনেকখানি । সন্ধ্যার সময়টা প্রতিদিনই এমনই হয় । ঘুমোবার আগে, স্নেহের বাবা মশারীর মধ্যে বসেই মনে মনে কী যেন মন্ত্র পাঠ করেন । সন্ধ্যার সময় পৃথিবীটাও যেন অমনি মন্ত্রপাঠ করে নীরবে । তবে পৃথিবী কখনও একেবারে নীরব থাকে না । পদ্মকরপাড়ের আম গাছে এক ঝাঁক পাখি একটানা চিলিক-মিলিক চিলিক-মিলিক শব্দে বাতাসকে মাতিয়ে তুলেছে । হয়তো এও এক মন্ত্রপাঠ ।

—মা-আ-আ । রুন-উ-উ-উ । অন-পিসাই-ই-ই-ই । সীতু-উ-উ-উ ।

কোনখান থেকেই সাড়া আসে না ।

হাতের খোলা চিঠিটা এখনি পড়তে না-পারলে স্নেহর স্বস্তি নেই । একবৃদ্ধ অস্থিরতা নিয়ে গোখুলি-পেরনো ধূসর অন্ধকারের ভিতরে চূপ করে দাঁড়িয়ে থাকে স্নেহ ।

একটু পরেই মা বোরিয়ে আসেন গোয়ালঘরের দিক থেকে । হাতে লম্ফের আলো । বাতাসে শিখাটা কাঁপছে । হাত দিয়ে বাতাস আড়াল করে মা কাছাকাছি এগিয়ে আসতেই স্নেহর রুদ্ধ প্রশ্ন—

—কী ব্যাপার বল তো । কাউকে ডেকে সাড়া পাওয়া যায় না ।

—কে আছে যে সাড়া দেবে ? সীতু আর অননু তো চলে গেছে সেজমাসীর বাড়ি । রতন আসছে যাচ্ছে । তুমি তো ঘুমোচ্ছিলে ।

—আমাকে একটা আলো জেদলে দাও ।

—দাঁড়া, দাঁড়া । জেদলে দাও বললেই জেদলে দেবো, আমার কি দশটা হাত ? দেবী হবে । তুলসীমণ্ডে এখনো প্রদীপ দেওয়াই হোল না ।

আলো যখন জ্বলল ততক্ষণে অননুপিসি আর সীতু ফিরে এসেছে । ওরা সারা বাড়ি কলকলিয়ে কী সব বলাবলি করছিল । স্নেহর ওদের কথায় কান নেই । একটা হারিকেন নিয়ে নিজের পড়ার ঘরে চলে যায় সে । আলোর সামনে মেলে ধরে হাতের চিঠি ।

প্রীতিভাজনেষু,

তোমার চিঠি পেয়েছি । তুমি যে পত্রিকার নাম করেছ, তা আমার চোখে পড়েনি । যদি কখনো হাতে পাই নিশ্চয়ই তোমার কবিতা পড়বো । নিজের সম্পর্কে তোমার যখন আত্মবিশ্বাস আছে, কেন বড় হতে পারবে না, নিশ্চয়ই পারবে ।

তুমি তোমাদের হাতে লেখা পত্রিকা জাগরণে-এর জন্য আমার একটা যে কোনো রকম লেখা চেয়েছ। কতটা সম্ভব হবে জানি না। তবে চেষ্টা করবো।

তোমাদের পত্রিকার জন্যে শূভেচ্ছা আমার আছেই। কালো কালির অক্ষরে অক্ষরে তোমাদের সবুজ মনের দীপ্তি, সকালবেলার রোদের মতো ফুটে উঠুক, এই কামনা রইল।

ইতি

প্রীতিসহ

নরেন গঙ্গোপাধ্যায়

সবুজ কালিতে লেখা চিঠিখানা স্নেহ বার তিনেক পড়ল। তার সমস্ত মন ছাপিয়ে উপচে পড়ছে এক দৃঃসহ আনন্দ। ইচ্ছে করল চিঠিখানাকে পতাকার মত উঁচু করে উড়িয়ে জানাশোনা জগৎটার ভিতরে এখুনি ছুটে যায় সে। তারা অবাক হয়ে দেখুক, তার হাতে বাংলা সাহিত্যের একজন রাজার লেখা চিঠি।

৫

—কে ? কে গান গাইছে, কে ? এঁয়া ?

• নিচের উঠোনে কিশোরীদাদুর তীক্ষ্ণ ককর্শ কণ্ঠস্বর।

মুহূর্তে নান্দুদের বাড়ির দোতলার পূর্বদিকের শেষ ঘরখানার প্রাণস্পন্দন মরে গেল যেন বজ্রাঘাতে। ঘরের মধ্যে ছিল স্নেহ, জ্বলি আর শিউলীমামী। জ্বলির হাত ছিল স্নেহর হাতে। সেটা ছিটকে সরে এল। শিউলীমামীর মাথার ঘোমটা ছিল খোলা। গান থামিয়েই সে মাথায় ঘোমটা টেনে মুখখানাকে ফাঁসীর আসামীর মত মলিন করে ঘুরে বসল। ভাবখানা এমন যেন শব্দরুমশায় একদম সামনে এসে দাঁড়িয়েছেন।

৫৫

একটু পরেই আবার সেই কৰ্কশ স্বর—

—কী হল? কে আছে উপরে? সাড়া দিচ্ছে না কে।?  
কে-এ-এ?

ভয়ে ভয়ে বারান্দায় গিয়ে দাঁড়াল জুর্নাল।

—কে, গান গাইছিল কে?

—বৌদি।

—আর কে আছে ঘরে?

—কেউ না। আমি আর বৌদি।

—বাড়ির বৌ-এর এত গান গাইবার কী দরকার? এঁয়া?  
ওসব গান-ফান ভুলে যেতে বলে দাও। ওসব যেখানে চলে  
সেখানে চলে। আমাদের বাড়িতে নয়।

জুর্নাল ঘরে ফিরে এল মৃখে করুণ হাসি ফুটিয়ে। ঘরে  
চুকেই দরজাটা দিলে ভেজিয়ে। স্নেহ বোকার মত জুর্নালির দিকে  
তাকিয়ে ফিসফিসিয়ে জিজ্ঞেস করল—

—দাদা আবার উপরে আসবে নাতো?

—না।

—আমি বেরুবো কী করে?

—চুপ করে বসে থাক। আর-একটু পরে বাবা পদ্মজ্যোয়  
বসবেন। পালিয়ে যাবি তখন।

স্নেহর মনটা তেতো হয়ে যায়। একটা অপদূর্ব মৃহত গড়ে  
উঠেছিল। গানের প্রভাবেই হয়তো আজ জুর্নাল তাকে কত  
সহজে বসতে দিয়েছিল গায়ের কাছে। প্রথমে দূরে দূরে ছিল।  
গানের মাঝখানে যেন বসতে কষ্ট হচ্ছে এমনি ভঙ্গি ফুটিয়ে  
তস্তাপোশের বাইরে অর্ধেকটা পা ছড়িয়ে শূয়ে পড়েছিল স্নেহ।  
জুর্নালির কোমরের কাছে স্নেহ। গানের তালে তালে জুর্নালির আঁচল  
ধরে টানছিল। জুর্নাল তখন নিষেধ জানানোর জন্যেই বাড়িয়ে  
দিয়েছিল হাতটা। স্নেহ সেই হাতটাকে তুলে নিয়েছিল নিজের

মুঠোয়। জুলাল হাত সরিয়ে নেয়ান। 'আধফোটা পশ্মফুল  
পেলে তার বোজানো পাপড়িগুলো যেমন করে খুলতে চায়  
মানুষের স্বভাব, ঠিক তেমনি করেই জুলালের হাতের পাঁচটা  
আঙুলকে নিয়ে খেলা করছিল স্নেহ।

নতুনমামীর জন্যে অশুভ একটা মমতা জেগে উঠল স্নেহর  
মনে। নতুনমামীর অপমানকে সে নিজেরও ভাগ করে নিতে  
চাইলো। যতক্ষণ নতুনমামী গান গাইছিল, কী অপূর্ব একটা  
সুস্বাদা ফুটে উঠেছিল তার মুখে। এখন ঘোমটার আড়ালে নতুন-  
মামী আবার ঘরের কোণের বৌ। বৌ নয়, যেন একটা জীবন্ত  
পদতুল। যার নিজের হাত-পা নাড়ার স্বাধীনতা নেই।

জুলাল তার বৌদির দিকে তাকিয়ে বলল—

—বৌদি আমি বরং চলে যাই। আলোটালা জুলালবার সময়  
হয়ে এল। এখন মা ডাকবে।

যাবার আগে স্নেহর দিকে তাকিয়ে বলল—

—কথা-টথা বলিস না যেন একদম।

জুলাল চলে গেল দরজা ভেজিয়ে। বেশ কিছুক্ষণ স্তব্ধতা।  
ঘরটা ক্রমশ অন্ধকার হয়ে আসছে। জানলা দিয়ে দূরের যে  
ছড়ানো বাগানটা তার সমস্ত জেল্লা নিয়ে চিক্‌চিক্‌ করছিল  
বিকেলের রোদে, এখন ঘন কালো। ক্রমশ তীব্র হয়ে উঠছে  
পাখিদের কোলাহল। পৃথিবী জুড়ে যেন একটা ভীষণ শোক  
নেমে আসছে অন্ধকার হয়ে। অন্ধকারে চক্‌চক্‌ করছে নতুন-  
মামীর কানের দুল, হাতের চুড়ি, গলার হার। একটা স্নিগ্ধ  
মৃদু সুরগন্ধ ভেসে বেড়াচ্ছে স্নেহর চারপাশে। না, সেন্টের গন্ধ  
নয়। নতুনমামীর চুলের গন্ধ। স্নেহ একটু ঝুঁকি বসল নতুন-  
মামীর কাছাকাছি।

—আপনি আমার উপর রাগ করেছেন ?

—না, না। তোমার উপর রাগ করবো কেন ?



—আমি গাইতে বললাম বলেই এই লজ্জার ব্যাপারটা ঘটে গেল ।

—না, না ।

ফিসফিসিয়ে কথা বললো দু'জনে । আবার কিছুক্ষণ চুপচাপ ।

—আমি এর প্রতিশোধ নেব, দেখবেন ।

—না, তোমাকে কিছু করতে হবে না ।

—আমি নেবোই । মাকে বলে আপনাকে একদিন নিমন্ত্রণ করছি । সারা দিনরাত আমাদের বাড়িতে থাকবেন । আমাদের বাড়িতে গ্রামোফোন আছে । অনেক রেকর্ডও আছে । রবীন্দ্রসঙ্গীতও আছে । শোনাবো । তারপর আপনার গান শুনাবো ।

—না, না । তোমাকে এতসব করতে হবে না ।

—আমাদের গ্রামটা ভীষণ কনসারভেটিভ । মানদুশগুলো সব কেমন যেন । এতটুকু আধুনিকতা নেই ।

জানলা দিয়ে স্নেহ দেখতে পেল বারান্দায় আলো বাড়ছে । স্নেহ বদ্বল, জুঁলি আসছে আলো নিয়ে । নতুনমামীর দিকে ঝুঁকি পড়া ভঙ্গিটা সোজা করে নিল স্নেহ । জুঁলি জ্বালানো হারিকেন নিয়ে ঘরে ঢুকল ।

—এ্যাই তুই এবার চুপিচুপি চলে যা । বাবা ঠাকদরঘরে গেছেন । বোদি, চল, গা ধুতে যাই ।

স্নেহর উঠতে ইচ্ছে করছিল না । তবু উঠতে হল । এখন সে কোথায় যাবে । হঠাৎ আবার একটা শূন্যতার অনুভূতি তাকে ক্রমশ পেয়ে বসল । কদিন বেশ কেটেছিল লেখা-জোখা, ক্রাবের মিটিং নিয়ে । অর্ধেকের বেশী লেখা জোগাড় হয়ে গেছে । প্রফুল্লবাবুর সঙ্গে আরো দু' তিনদিন দেখা হয়েছে । একদিন চার-পাঁচ জনে মিলে তাঁর বাসায় গিয়ে ছবি এবং ডিজাইন আঁকার কাগজ রং-টং পেঁাছে দিয়ে এসেছে । তাঁর আঁকা হয়ে গেলে সেই কাগজগুলো আবার পেঁাছে দিতে হবে পিস্টুকে । পিস্টু তাদের

সহপাঠী। হাতের লেখা মদন্তোর মত। সে কথা দিয়েছে তাদের ম্যাগাজিনের সবকটা পাতা লিখে দেবে। অসদ্বিধের মধ্যে একটাই। পিস্টল থাকে স্নেহদের গ্রাম থেকে প্রায় সাত মাইল দূরে।

সন্ধ্যার পর থেকেই গোটা গ্রামটা নির্জন। ঘরের আলো পথ থেকে দেখা যায় না। গেলেও অল্প। এই সময় মেয়েরা পদকদরে গা ধুতে আসে। ঘাটে ঘাটে আলো দেখা যায়। সেও জোনাকীর আলোর চেয়ে কিছু বেশী, আকাশ থেকে মাটি পর্যন্ত টাঙানো অন্ধকারের তুলনায়। অন্ধকার যেমনই হোক, স্নেহ তাতে অভ্যস্ত। স্নেহ সাইকেল চালিয়ে করদুগাময়ের বাড়ির দিকে এগোয়। সে জানে, এই সময়টা খেলাধুলা শেষ করে নান্দু-শিবদুরা করদুগাময়ের পড়ার ঘরে বেশ কিছুক্ষণ আড্ডা জমায়। আজ করদুগাময়ের লেখা দেবার কথা। কী লেখা দেবে কে জানে? করদুগাময় স্নেহর সঙ্গে পাল্লা দিয়ে কবি হতে চায়। হয়তো কবিতাই দিয়ে বসবে। দিলে সে কবিতা স্নেহকেই কেটে-কটে মেরামত করে নিতে হবে। কিন্তু সে-কথা তো বাইরের কেউ জানবে না। করদুগাময় বাহাদুরী করে বেড়াবে। করদুক।

সাইকেল চালাতে চালাতে হঠাৎ একটা জায়গায় এসে থেমে যায় স্নেহ। নেমে পড়ে সাইকেল থেকে। চুপ করে কান পেতে দাঁড়ায়। খুব অল্প দূরেই কাম্রার শব্দ। সেই সঙ্গে অসংখ্য মানুষের কথাবার্তা, কোলাহল। স্নেহ আরো একটু এগিয়ে আসে। দেখতে পায় অন্ধকারে আলো হাতে কালো কালো মানুষের আসা-যাওয়া অধিকারীদের পদকদরপাড় দিয়ে। স্নেহ টের পায় একটা কিছু দুর্ঘটনা ঘটেছে কোথাও।

—কে ওখানে?

স্নেহ চমকে ওঠে। তার পিছনেই কয়েকজন কালো মানুষ।

—অ্যামি।

—ওঃ স্নেহবাবু ?

—কী হয়েছে ও পাড়ায় ? কামারপাড়ার দিকে ?

—আপনি জানেন না ? সে-তো বিকেলবেলায় হয়েছে ।  
গলায় দড়ি দিয়ে মরে গেছে স্দুখী ।

—স্দুখী ? স্দুখী মানে কালী মন্ডলের বোন ?

—হ্যাঁগো ।

এরা সব স্নেহর পাড়ার চাষী । এতু্য সংবাদটা দিয়ে যেদিকে  
দৃষ্টিনা সেদিকেই চলে যায় সবাই । আরো কিছুক্ষণ স্থির  
দাঁড়িয়ে থাকে স্নেহ ।

সে যখন জুঁলির হাত ছুঁয়ে মনের উষ্ণ আবেগে রচনা করছিল  
রঙীন স্বপ্নলোক, তখনই নিজের হাতে নিজের গলায় দড়ি পরিয়েছে  
স্দুখী । স্দুখী নামটা সার্থক ছিল ওর জীবনে । স্বামীর  
সঙ্গে বনিবনা নেই । একমাত্র ছেলে পরের বাড়ির এঁটোকাঁটা  
খেয়ে মানুষ । স্দুখীর সঙ্গে বেপাড়ার একজন পুরুষের সম্পর্ক  
ছিল, সবাই জানতো । দৃঃখে, দারিদ্র্যে, লাঞ্ছনায় ভরা জীবন ।  
তবু স্দুখীর মূখে হাসি কোনদিন নেভেনি । স্নেহর দাদুর  
শ্রান্তের সময়ে সারারাত হ্যাজাকের আলোয় গ্রামের যে-সব চাষী  
মেয়ে-বৌরা আনাজ কুটেছে, বাটনা বেটেছে, স্দুখীও ছিল তাদের  
মধ্যে । স্দুখী কারো বাড়ির ঝি ছিল না । এক সঙ্গে দশ বাড়ির  
দশ রকমের কাজ করে যা পাবার পেতো । সারারাত স্দুখী সেদিন  
শুদ্ধ কাজই করেনি । কাজের একঘেয়েমী অবসাদকে কাটিয়ে  
দিতে হাসি-ঠাট্টা গল্পে-গল্পে মশগুল করে রেখেছিল সবাইকে ।

শরীরে মনে স্দুখী একটা প্রাণবন্ত মেয়ে । কী এমন দৃঃসহ  
দৃঃখ তার গলায় ফাঁস এঁটে দিলে, কে জানে । মানুষের মূখ  
দেখে তার ভিতর তো বোঝা যায় না । অন্তস্তলের আনন্দ কিংবা  
বেদনাকে গোপন করার মৃখোশটাই যেন মানুষের মূখ । বিভা-  
কাকীমারও মূখের আড়ালে বৃকের বেদনা লুকনো ।

স্নেহ আর সাইকেলে চাপল না। ঠেলতে ঠেলতে এগিয়ে চলল করুণাময়দের বাড়ির দিকে। অবশ্য হয়ে গেছে তার সমস্ত উদ্দীপনা। স্নেহর মনে হয় তার কিশোরীদাদুর চেয়ে আরও বিরাট আরও নিষ্ঠুর একটা লোক এই পৃথিবীর ভিতরে আকাশে-বাতাসে লুটিকিয়ে আছে কোথাও। তার কাজই হল সব কিছুকে পূর্ণ হবার আগে থামিয়ে দেওয়া।

৬

সকালবেলায় নিজের পড়ার ঘরে এসে বাঁ-হাতে মর্দা ড়ি খেতে খেতে ডান হাতে বীজগণিতের অঙ্ক কষাছিল স্নেহ। কানে এল বাইরের দরজায় কে যেন তার নাম ধরে ডাকছে। স্নেহ উঠে পড়ল। নান্দু, শিবু, তারক, ঘনা আর করুণাময় দরজার বাইরে দাঁড়িয়ে। স্নেহ কাছে না-গিয়ে দূর থেকে ডাকল—

—আয়, ভিতরে আয়।

উঠোন পেরিয়ে ওরা স্নেহর পড়ার ঘরে ঢুকল। তারকের হাতে গোল করে পাকানো, লাল স্নুতোয় বাঁধা একটা বাগ্‌ডল।

—প্রফুল্লবাবুর ওখান থেকে ?

—হ্যাঁ। দেখ মাইরী, কী কাণ্ডটা করে দিয়েছে।

তারক ছটফট করে কাগজের বাগ্‌ডলটা খোলে। পাকানো কাগজগুলো সোজা হয়ে ছড়িয়ে যায়। স্নেহ অবাক হয়ে একের পর এক পাতা উল্টে দেখে যায় সাদা কাগজের চারপাশের কোণে কোণে আঁকা নানা রঙের বিচিত্র নকশাগুলো। কোনটা ফুল। কোনটা পাখি। কোনটায় প্রজাপতি। কোনটাতে শব্দ লতা-পাতার প্যাটার্ন। হরিণ ছুটছে বনের ডালপাতায় মিশে। মেঘ আর সূর্য। আকাশ আর নক্ষত্র। জল এবং ফুল। তরঙ্গ এবং নৌকা ফোথাও এতটুকু দাগ পড়েনি, ময়লা লাগেনি। দেখে মনে

হয় না হাতে আঁকা । ছাপার মত হুবহু । স্নেহর নিজের অস্থির  
আবেগকে থামিয়ে রাখতে পারে না ।

—মা, ওমা, মা-আ-আ ।

অনেক দূর থেকে মায়ের সাড়া আসে ।

—একবার দেখে যাও না এসে ।

—কী, কী দেখবো ? দাঁড়া বাপু, এখনি সব এসে পড়বে,  
আমার এখনো উনোনই ধরানো হয়নি । তোকে যে বললাম  
অজ্ঞানকে ডেকে আন । নেমন্তন্ন তো করে এলি । মাছ-টাছ না-  
ধরলে খাবে কি দিয়ে ?

—রন্ধনকে পাঠিয়েছি ডাকতে । তুমি একবার এস না । এক  
মিনিটের জন্যে ।

মা-এর আসতে দেরী হয় । তার আগেই ছুটে আসে সীতু ।  
দাদার ঘরের মধ্যে পাড়ার এতগুলো ছেলেকে একসঙ্গে দেখে  
কিছুটা ঘাবড়ে যায় সে । ঘরে ঢোকে না । বাইরে থেকে  
বলে—

—কী জিনিস, দেখতে দেনা একবার ।

—তুই বদ্বাকি না ।

স্নেহ সীতুকে রাগাবার জন্যেই বলে কথাটা ।

—আহা ! তুই একবারে সব বদ্বাকিস ! নান্তুমামা, দেখছেন,  
দিচ্ছে না ।

—ভেতরে এসে দেখে যা । অত লজ্জা কীসের ?

সীতু লজ্জা কাটিয়ে স্নেহর পাশে এসে বসে পড়ে ।

—দ্যাখ । আমাদের ম্যাগাজিন হবে এই সব পাতা দিয়ে ।  
বদ্বাকি ?

—এখনি নিয়ে চলে যাবে ?

—হ্যাঁ । কেন ?

—একদিন রাখ না দাদা । দেখে দেখে একটু তুলে নেবো ।

—ইয়াকি' আর কি। আমাদের ডিজাইন মেরে উনি টৌবল  
কুথ বানাবেন।

করুণাময়ের মনে হঠাৎ কী কারণে করুণা জাগে।

—বলছে যখন রেখে দেনা একটা দিন।

—আরে না, তুই জানিস না ওদের। কার্লি-বুর্লি মাথিয়ে  
একসা করে ফেলবে।

এই সময় মা এসে দাঁড়ান। পিছনে অনর্দুপিসী। মা-ও খুব  
প্রশংসা করেন। সব দেখে শব্দে মা সীতুর পক্ষ নিয়ে বলে—

—তোকে তো কতবার বলেছে বাপু, সেই তোরা দিনরাত  
যাচ্ছিস, ওর কাপড়ে একটু আঁকিয়ে এনে দিলে তো পারতিস।

—আহা! ভদ্রলোকের সঙ্গে কত অল্প আলাপ। ম্যাগাজিনের  
ব্যাপার, একটা বড় ব্যাপার। তার মধ্যে নিজের বোনের জামা-  
কাপড়ের কথা বলা যায় নাকি? আমার দ্বারা ওসব হবে না।

—দ্যাখ না, মা, একটা দিন মাত্র রাখতে বলছি, তাও রাখছে  
না।

—না মা, রাখা যাবে না। আমাদের স্কুল খুলতে আর মাত্র  
সতেরো দিন বাকী। এর মধ্যে পিন্টুকে এতগুলো পাতা লিখতে  
হবে।

—কী জানি বাবা, তোমরাই বোঝ তোমাদের ব্যাপার।

মা চলে যান। পিছনে অনর্দুপিসী। সীতুও ঝটকা বেগে  
উঠে যায় চোখের কোণে অভিমানের জল নিয়ে। স্নেহ বলে—

—কে যাবি, পিন্টুকে পেঁছে দিতে?

—কেন, তুই যাবি না?

—আমি? আজ হলে আমি পারব না। আজ আমাদের  
বাড়িতে জুর্লিমাসীদের নেমন্তন্ন আছে।

নান্দু গম্ভীরভাবে প্রশ্ন করে—

—আমাকে বললি না যে।

—তাকে বলব কেন? তুই তো ছেলে। শব্দ মেয়েদের  
নেমতন্ন।

শিবু যেন কী একটা মন্তব্য করল অস্বদুর্ভাবে। সেটা শব্দে  
হেসে উঠল করুণাময় আর তারক। স্নেহর চোখ দুটো জ্বলে  
ওঠে সন্দেহে। নিশ্চয়ই তাকে নিয়ে ঠাট্টা।

—হাসলি কেন রে?

—সে একটা কথায়।

—কী কথা?

—না, মানে শিবু বলছিল যে, তোর একটু মেয়ে নেকড়া  
স্বভাব আছে।

স্নেহর চোখ নাক মুখ কান লাল হয়ে ওঠে নিমেষে।

—আছেই তো। শব্দ আছে নয়, থাকবেও। খানিকটা  
‘আউট নলেজ’ থাকলে বুদ্ধতিস, কেন থাকে। যারা লেখে বা  
‘ক্লিয়েট’ করে কিছু, তাদের সকলেরই থাকে।

—যাক ভাই, আমার উপর রাগ করিসনি। আমি তো আর  
বলিনি।

—খুব হয়েছে। তুমি হচ্ছ শব্দির সাক্ষী মাতাল।

—যাক্ গে, চুপ করে যা। এখন আসল কথা তুমি হচ্ছ  
সম্পাদক। তুমি যদি নিজে গিয়ে যে লিখবে তাকে বুদ্ধিয়ে দিয়ে  
না আস, তাহলে সে তো উল্টোপাল্টা লিখে বসবে। তোমার  
নিজেরই যাওয়ার দরকার, যাই বলো।

—কই গো, মা কোথায়?

উঠান থেকে এই সময় ভেসে এল অর্জুনের ভাঙাচোরা  
বুড়োটে গলার আওয়াজ। মা-ও ঠিক শুনতে গিয়েছেন।

—কে? অর্জুন? দাঁড়া বাবা, যাচ্ছি।

স্নেহকে চম্পল হয়ে উঠতে দেখে নান্তু বলে—

—আমরা তাহলে উঠি? এসব রইলো।

স্নেহর কপালে ভুরুতে রাগের বাঁকা রেখা ।

—ঠিক আছে, যাও ।

সবাই চলে গেলে স্নেহ নিজের মনে ভাবতে লাগল, ওদের ঠাট্টা-ইয়াকি' গায়ে মাখলে চলবে না । আমি যে ওদের চেয়ে আলাদা, সেটাতেই ওদের রাগ । সাধারণ মানুষের স্বভাবই এই । তাদের বুদ্ধিশুদ্ধি বা হিসেব-নিকেশের সীমা ছাড়িয়ে কেউ যদি লম্বা হয়ে ওঠে, তাহলে তাদের দৃষ্টো কাজ । হয় গায়ে কাদা ছিটিয়ে ছোটো করা, নয় ফুল দিয়ে পুজো করে দেবতা বানানো । ঐ ফচকে শিবকে এবার শিক্ষা দিচ্ছি । পাঁচ পাতার একটা লেখা দিয়েছে । না প্রবন্ধ, না গল্প । বিষয় কি ? না, সাঁকোর কথা । রবীন্দ্রনাথের ঘাটের কথা গল্পটা পড়ে, তারই অনুরোধে আবোল-তাবোল । কেটেছেটে ওটার কী চেহারা করি দেখবে এবার ।

মনের ক্ষোভে স্নেহ অনড় হয়ে বসে থাকে । হাতের সামনে চৌকির ওপর ছড়ানো বইপত্র, আর প্রফুল্লবাবুর এঁকে দেওয়া কাগজ । গোছাতে গিয়েও হাত ওঠে না । জুলিমাসি আর নতুনমামী এখনো আসছে না কেন ? বলিছিল স্নান করেই আসবে । কটা বাজে এখন ?

—সীতু-উ ।...পিসী...

কোনখান থেকে সাড়া আসে না । হঠাৎ দোতলার থেকে দোতলার সিঁড়ি বেয়ে একটা দুন্দাড় শব্দ ভেসে আসে । স্নেহ দরজা দিয়ে উঁকি দেয় । সীতু নামল ঐভাবে দোতলা থেকে । সীতু যখন উঠোন দিয়ে চলেছে, স্নেহ চেঁচিয়ে জিজ্ঞেস করলে—

—এ্যাই, ছুটছিঁস কেন রে ? কী হয়েছে ? অজর্নকাকার জালে মাছ পড়েছে বুঝি ?

জোরে হাঁটতে হাঁটতেই উত্তর দেয় সীতু—

জুলিমাসিরা আসছে ।

স্নেহর অনড় অবশ ভঙ্গির মধ্যে মৃদুহৃতে একটা শিহরণ ।



এখন কী করবে সে ? ছুটে যাবে বাইরে ? না এইখানেই বসে থাকবে ? কিছু পড়বে ? না লিখবে ? বীজগণিতের অঙ্ক এখন সে কষতে পারবে না, এটা বুদ্ধিও স্নেহ বীজগণিতটাই টেনে নিল। তার আগে ঘরের দরজটা ভেজিয়ে দিল পায়ের ঠেলায়।

বন্ধ দরজার ফাঁক দিয়ে শব্দ আসে। সীতুর গলা। জুর্লিমাসির হাসি। শিউলীমামীর সোনার চুঁড়ির শব্দ। মায়ের কথা। মা বললেন সীতুকে

—যা, দোতলার ঘরে নিয়ে গিয়ে বসা গে।

স্নেহ প্রত্যাশায় অধীর। দোতলায় ওঠার মুখেই স্নেহর পড়ার ঘর। জুর্লিমাসি জানে। নিশ্চয় ওরা ওপরে ওঠার আগে এই ঘরে একবার ঢুকবে। দোতলায় ওঠার মুখে সীতু অন্তত বলবে—এই যে মামী, এইটা দাদার পড়ার ঘর। ওরা কথা বলতে বলতে দোতলায় উঠে গেল। স্নেহ দরজার দিকে তাকিয়েছিল। হতাশা যেন তার গালে একটা চড় মেরে মুখটাকে আবার নামিয়ে দিলে বীজগণিতের দিকে।

কী অকৃতজ্ঞ এরা ! আমার জন্যেই নিমন্ত্রণ। আমিই মাকে রাজী করিয়েছি। জুর্লিমাসি অন্তত সেটা জানে। মায়ের নাম করে না-বললে, কিশোরীদাদু ঘরের বাইরে এক পা বেরুতে দিত ? অথচ আমারই খোঁজ নেওয়ার কথাটা মনে পড়ছে না কারো ?

স্নেহ প্রফুল্লবাবুর এঁকে দেওয়া কাগজগুলোকে সযত্নে বাঁধতে থাকে। দেওয়ালের তাক থেকে নামায় ম্যাগাজিনের বাছাই করা লেখাগুলো। খুব বড় একটা খবরের কাগজে দাঁড়ি দিয়ে বেঁধে একটা বান্ডিল করে নেয়। বই-খাতা তুলে রেখে স্নেহ বোরিয়ে আসে বাইরে। ধানের মাচার গায়ে হেলান দিয়ে-রাখা সাইকেলটা টেনে নেয় নিঃশব্দে।

এর অনেক পরে স্নেহর মা তিনটে কাঁচের প্লেটে যত্ন করে সর্জির হালদুয়া সাজিয়ে সীতুকে বললেন

—এই দুটো প্লেট ওদের দিবি। আর এটা সেনদুকে দে।  
তোদের তিনজনের জন্যে এখানে রইল নিয়ে নিস।

সীতু দাদার পড়ার ঘরের দরজা ঠেলে চেঁচিয়ে মাকে জানালে

—ও মা, দাদা তো কখন বেরিয়ে গেছে।

—তাহলে এখানে দিয়ে যা। চাপা দিয়ে রাখি। যখন  
ফিরবে, খাবে।

সুদজির হালদুয়া খেতে খেতে শিউলীমামী বললে

—আমরা এসেছি, স্নেহ বুদ্ধি খবর পায়নি এখনো? পেলো  
তো ছুটে আসতো।

হালদুয়া চিবোতে চিবোতে ভরা গলায় জ্বলি বললে

—ও কি ঘরে বসে থাকার ছেলে নাকি? আর পারেও বটে  
রোদে ঘুরতে।

৭

—তোমার শরীরে বন্ড রাগ, তাই না?

—আর আপনাদের শরীরে বুদ্ধি বন্ড দয়া? দেখুন, আমি রাগ  
ভুলতে আপনার কাছে এসেছি। আমাকে বকবেন না একদম।

—সে তো তোমার চেহারা দেখেই বুদ্ধি। কার উপর রাগ?  
কে?

—বলব না। আপনি উঠুন তো। আপনি উৎসাহ দিয়েছেন,  
চাঁদা দিয়েছেন। আপনার নাম থাকবে পৃষ্ঠপোষক-মণ্ডলীর  
মধ্যে। তাই আঁকা কাগজগুলো আপনাকে দেখাতে এনেছি।  
এমনি আঁসিনি।

—কোথায়, এত যাবার তাড়া কোথায়?

—ষে-ছেলেটি লিখবে তাকে সব কাগজপত্র পৌঁছে দিতে  
যাব। সে অনেক দূরে থাকে।

—সব লেখা পেয়ে গেছো ?

—প্রায়। আপনি উঠুন না। আপনাকে একটা জিনিস দেখাবো।

—কি ?

—লেখক নরেন গাঙ্গুলীর নাম তো শুনছেন ?

—কেন শুনব না। কত বই পড়েছি। নামকরা লেখক।

—তিনি আমাকে একটা চিঠি লিখেছেন। সবুজ কালিতে কী চমৎকার হাতের লেখা। আমি স্বপ্নেও ভাবিনি যে উনি উত্তর দেবেন।

সাঁতলানো আনাজে জল ঢেলে, কড়ার উপর থালা চাপা দিয়ে বালতীর জলে হাত ধুয়ে, আঁচলে হাত মদুহতে মদুহতে উঠে দাঁড়াল বিভা।

—এসো।

বিভার পিছন পিছন রামাঘর ছেড়ে ঢাকা বারান্দার দিকে এগিয়ে চলল স্নেহ। বিভা গেল তার শোবার ঘরে। স্নেহ বসল বাইরে চৌকির উপর। আবার সেই পাকা বেলের সুবাস, স্নেহরঃস্রাণে যা বিষাদের গন্ধ।

হঠাৎ প্রচণ্ড শব্দে চমকে উঠল স্নেহ। গোটা বাড়িটায় সবকটা দরজা-জানলা একসঙ্গে আছাড় খেল তীব্র শব্দে। বারান্দার দেয়ালে টাঙানো কাঁচের ছবিগুলো কেঁপে উঠল ঝনঝনিয়ে। হালকা জিনিসপত্রগুলো পাক খেয়ে উড়ে যেতে লাগল। স্নেহর কাগজের বার্ণিউলটা চৌকি থেকে গড়িয়ে পড়ল নিচে। স্নেহ কোনটা ধরবে, কোনটা কুড়োবে বুঝতে পারে না।

—ও স্নেহ, স্নেহ...

—দারুণ ঝড় উঠেছে কাকীমা—

—স্নেহ একবার এঘরে দৌড়ে এসো। কী বিপদে পড়েছি

আমি। সব উড়ে যাচ্ছে যে। জানলাগুলো একা কী করে—  
ইস্, ধুলোয় ঘরটা ভরে গেল একেবারে।

স্নেহ নিজের বাণ্ডিলটা হাতে নিয়ে ছুটে যায় বিভার ঘরে।

—আগে জানলাগুলো বন্ধ করো স্নেহ।

স্নেহ জানলা বন্ধ করতে থাকে। তারই মধ্যে একটা কাপড়ের  
আনলা উপড় হয়ে পড়ে যায়। শূকনো পাতার ঘূর্ণির মত  
ঘরের মধ্যে পাক খেতে থাকে একরাশ কাগজ।

—এতো কাগজ কোথেকে উড়ছে?

—ডানদিকের, স্নেহ ডানদিকেরটা আগে বন্ধ কর। কী কান্ড!  
ছিঃ ছিঃ ও স্নেহ কত কাগজ যে উড়ে গেল বাইরে। তুমি আগে  
ওগুলো কুড়িয়ে নিয়ে এস। আমি না-হয় জানলা ভেজাচ্ছি।

—আপনি দরজাটা খুলে রেখেছেন কেন? আরও তো সব  
উড়ে যাবে।

—বারান্দায় অনেকগুলো কাগজ উড়ে গেছে। তুমি আগে  
কুড়িয়ে নিয়ে এসো।

স্নেহ বারান্দায় এসে প্রত্যেকটা উড়ো কাগজের পিছদ পিছদ  
দৌড়তে থাকে। অনেক চেষ্টার পর সব কাগজ কুড়োতে পারে  
সে। তখন অন্য রাশিকৃত ছড়ানো-গড়ানো জিনিসে আর  
শূকনো পাতার গুঁড়োয় বারান্দার একটা ছমছাড়া চেহারা।  
স্নেহ বাইরের দিকে তাকায়। হিংস্র বাতাস চুলের মূঠি ধরে  
ঝাঁকুনি দিয়ে চলেছে গাছে গাছে। হঠাৎ একটু আলতো  
কৌতূহলে স্নেহ হাতের কাগজগুলোর দিকে তাকায়। তাকিয়েই  
বদ্বতে পারে, কাগজগুলো চিঠি। বিভাকাকীমাকে লেখা।

প্রিয়তমাসু—

বিভা,

তোমার চিঠির অক্ষরগুলো আমার রুদ্ধ জীবনে শ্রাবণের  
বৃষ্টির মত স্পিন্ধতা বয়ে নিয়ে এলো।...

কে লিখেছে ? কাকা ? স্নেহ চিঠিটা উল্টে নিল দ্রুত ।  
না । ইতি কিষ্কর । কিষ্কর ? কিষ্কর কে ? আরো একটা  
চিঠির উপর চোখ পাতল স্নেহ ।

প্রিয় বিভা,

অফিস থেকে বাড়ি ফিরেই তোমার চিঠিখানাকে কে যেন  
আমার বিছানায় শুইয়ে রেখে গেছে । অনেকক্ষণ চিঠিটার দিকে  
তাকিয়ে দাঁড়িয়েছিলাম । ছুইনি । তোমার চিঠি থেকে তুমি  
হঠাৎ জীবন্ত হয়ে জেগে ওঠো কিনা, সেইটে দেখার...

কে লিখেছে ? হ্যাঁ, সেই কিষ্করই । দ্রুত অন্য একটা চিঠিকে  
চোখের সামনে আনল স্নেহ ।

বিভা আমার,

তোমার আগের চিঠিটা অমন অশ্রু দিয়ে ভেজানো কেন ?  
আমরা দুজনেই তো জানি আমাদের এই বিরহের অন্তরালে  
কোনদিন আর সেতু বাঁধা...

—স্নেহ, স্নেহ—

স্নেহ আর পড়তে চেষ্টা করে না । এগিয়ে যায় বিভাকাকীমার  
ঘরে । বিভা কাগজগুলো ছিনিয়ে নেয় স্নেহর হাত থেকে ।

—এতোগুলো কাগজ বাইরে উড়ে গেছল ? আর নেই তো ?

—না ।

—তুমি পড়েছো নাকি ?

—কী পড়বো ?

—না, পড়বে না । স্নেহ, চুপ করে বোসো । আমি একটু  
গুঁছিয়েনি । তোমার জন্যেই এই কান্ড ।

—আমার জন্যে ? কেন, আমি কী করলাম ? ঝড়কে আমি  
ডেকে এনেছি নাকি ?

—তোমার জন্যে কবিতার খাতাটা খুঁজতে গিয়েই তো ট্রাঙ্কটা  
খুলতে হল ।

—আমি তো আজ আপনাকে কবিতা চাইনি ।

—খুব হয়েছে । আর কথা বলতে হবে না ।

আবছা অন্ধকারের মধ্যে বিভার নড়াচড়ার দিকে একদৃষ্টে তাকিয়ে আছে স্নেহ । অন্ধকার মানুষের অনেকটা ব্যক্তিত্ব কেড়ে নেয় । অন্ধকারে মনের অনেক রেখা, চোখের অনেকটা চাউনি চোখে পড়ে না । তার চেয়ে বয়সে দুগুণ বড় বিভাকে অন্ধকারে অনেকটা ছোট, অনেকটা সহজ, মনে হচ্ছিল স্নেহর । বন্ধ জানালায় তখনো অবিরত ধাক্কা মেরে চলেছে গোঁয়ার বাতাস । ঝড় থামেনি । কান পাতলেই শোনা যায়, বাইরে কত কী জিনিস ভাঙছে, পড়ছে, ঝরছে, খসছে, কত রকমের বেসুদরা শব্দের গোষ্ঠানি তুলে । স্নেহর ইচ্ছে করল, ইচ্ছে করার সঙ্গে সঙ্গে সাহসও অনুভব করল মনে মনে, সেও একটা কিছুর ভাঙে ।

—কিষ্কর কে ?

—কিষ্কর ? কে কিষ্কর ?

—ঐ যে চিঠিতে লেখা ।

—তুমি বদ্বি পড়েছো তাহলে !

—না পড়িনি । নামটা চোখে পড়ে গেছে ।

ট্রাক্সের ডালাটা বন্ধ করে বিভা সোজা হয়ে দাঁড়ায় । কিছুদ্ধণ কোন কথা বলে না । তারপর স্নেহর পাশে এসে বসে ।

—কত লোককে এটা বলে বেড়াবে ?

—কাউকে না । আমি তো জানতাম ।

—কী জানতে ?

—আপনার কোথাও একটা ভীষণ দুঃখের জায়গা আছে ।

স্নেহর মাথার ঝাঁকড়া কালো চুলে বিভার সাদা হাতের কোমল আঙুল ।

—ও মারা গেছে । আমাকে ভালবাসতো । অসুস্থের সময়  
ও যা করেছে, আমার মা-বাবাও করেনি ।

আমিও তোমাকে ভালবাসি বিভা কাকীমা, এই কথাটা মনে  
বলতে পারবে না জেনেই স্নেহ বিভার কোলে মাথা রেখে শুয়ে  
পড়ে । তার মনে হয়, যেন ঝড়ে উড়ে চলেছে কোথাও ।

## কবিতাগুচ্ছ

রচনার শেষে পূর্ণচ্ছেদের দাঁড়িটা পড়তেই স্মরণের কুঞ্জো  
শরীরটা সোজা। কলমটা বিছানায় নামিয়ে রেখে, হাত দ্বটো  
নিয়ে যায় পিঠে। দশ আঙুলের জুটে হাত দ্বটো বেঁধে, হাতের  
কনুই দ্বটোকে শূন্যে উঁচিয়ে, ঘাড় তুলে, পিঠটা পিছনে বাঁকিয়ে  
শরীরের আড় ভাঙে। আর তখনই তার মুখ থেকে মর্মাস্তিক  
আত্ননাদতুল্য একটা ধ্বনি,

আঃ-আ-আ-আ-আ।

অথচ তা আত্ননাদ নয়। কেননা তার কপালে উজ্জ্বলতা,  
চোখে পরিতৃপ্তি এবং পাণ্ডুলিপির উপরে রোদের ডোরা। অনেক  
দিনের আবদ্ধ দরজা খোলার সময়ও আমরা শুনে থাকি এই জাতীয়  
আত্ননাদ। মৃদুস্তর মৃদুহৃৎ এই ধ্বনি হয়তো বা যন্ত্রণার অবশিষ্ট  
তলানির শেষ উদ্‌গার।

আড় ভাঙার পর সে আঙুল মটকায়। ডান হাতের পাঁচটা  
আঙুলেই পাঁচবার খট্। কিন্তু বাঁ হাতে মাত্র তিনবার। সেটাই  
স্বাভাবিক। কেননা গত তিন দিন ডান হাতের আঙুলই একটানা  
পরিশ্রমী। এই মৃদুহৃৎ, অর্থাৎ শেষ কবিতায় পূর্ণচ্ছেদের পর  
যারা নৈতিয়ে পড়ার মতো ক্লান্ত। ডান হাতের আঙুল পাঁচটার  
সম্পর্কে স্মরণ সহানুভূতিশীল। তাই বাঁ হাতের পাঁচটা আঙুলে  
সে ডান হাতের পাঁচটা আঙুলকে আঁটি বাঁধার ভঙ্গিতে জড়ো করে।  
ঘূরিয়ে, পাকিয়ে, মূর্চা দিয়ে চাপ দেয় ক্রমশ। আঙুল পাঁচটায়  
অক্ষুণ্ণ পদ্মের আকৃতি। পদ্মের সাদৃশ্যকে সম্পূর্ণ করার  
দায়িত্বতেই আঙুলের পাঁচটা ডগা রক্তবর্ণ। হাতের সেবা-শুশ্রূষার  
পর সে আবার হাত দ্বটোকে নিয়ে যায় পিছনে। পূরনো পটে



যেভাবে থাকে, চৈতন্যদেবের শিষ্যদের নৃত্যরত ভঙ্গির সেই আদলে, হাত দুটো শূন্যে রেখেই সে ডন-বৈঠক করিয়ে নেয় বেশ কয়েকবার।

—শীলা-আ-আ-আ-আ।

যদিও তার শরীরে অবসাদ, কিন্তু ডাকটার মধ্যে দাপট। অনুরোধ বা আহ্বান নয়, আদেশ। শরীরের প্রসঙ্গ না ভাবলে, স্মরণ এখন, তার চেতনার পরিস্থিতির বিচারে, বেশ তরতাজা। গর্বিত হওয়ায় অজস্র ডালপালা এখন তার ভিতরে। মাথায় পরার একটা অদৃশ্য মুকুটও পেয়ে গেছে যেন। এই কতৃৎ, কণ্ঠ-স্বরের, উপহার হিসেবে পাওয়া নয়। পরিশ্রমের বিনিময়ে এবং সৃষ্টির উল্লাসে অর্জন করা। শূদ্ধ শীলা কেন, পৃথিবীর আকাশ-মেঘের দিকেও সে এখন ভাসিয়ে দিতে পারে হুকুম। পৃথিবীর সব কিছুই এখন তার বশ্যতার অন্তর্গত। কারণ গত কয়েকদিনের উপযুপরি সংগ্রামে সে জয়ী। সামনে ছড়ানো পাণ্ডুলিপির পাতাগুলো তার দিগ্বিজয়ের দলিল।

পরবর্তী কাজগুলোকে মনে মনে গোছাতে থাকে সে।

আগে দরকার এক কাপ গরম চা। চা এবং সিগারেটের পর আরেক বার চোখ বুলিয়ে নেবে কবিতাগুলোর ওপর। আবেগ-ব্যস্ততায় কিছু ভুল ঘটে যায় অনেক সময়ই। আর শব্দেই যেহেতু অমরতা, দেখে নিতে হবে কোনো শব্দ বাতিল হওয়ার যোগ্য কিনা অথবা তাকে সরিয়ে ভিন্ন শব্দ। অবশ্য খুব বেশি পরিবর্তন বা ঘষা-মাজার প্রয়োজন নেই। কারণ স্মরণের পছন্দ নয় ওটা। ব্যবহৃত কাপড়ের মতো কবিতায় কিছু এলোমেলো ভাঁজ থাকা ভালো। এটা তার বিশ্বাস। তার পর লেখাগুলোকে বেছে নিতে হবে বিভিন্ন পত্রিকার চরিত্র অথবা পছন্দ-অপছন্দ অনুযায়ী। তবে নিজেদের কাগজ ‘সংঘর্ষ’-র জন্যে যে কবিতাগুলো, সেসব লেখা আগে থেকেই বাছাই। সেইগুলোই তার আসল লেখা। তার

স্বাধীনতা, স্বেচ্ছাচার, বিস্ফোরণ সব সেইখানেই। তার দৃষ্ট  
 এক্সপেরিমেন্টও বটে। বাস্তবতা, কমিটমেন্ট, সময়চেতনা, সব  
 কিছুতেই রাজনীতি, প্রগতিশীলতার ধ্বংস, এ-সবের মধ্যে ল্যাথ  
 অথবা থুতুর মতো এই কবিতাগদ্য। এতে শুধু শরীর। জঙ্ঘা  
 স্তন, রোম, উরু, ভুরু, ঘাগরা, কোমর, সায়ার দড়ি, ঘোড়ার নাল,  
 হুয়া, নীল মদ্যো, যোনি, ওষ্ঠাধর, নৌকা নিমজ্জমান, তোড়,  
 জলরাশি, বেডশিটে বাসি ফেনা, ঝিনুক, ঝিনুকের খোসা খুলে  
 ডুবুরি, প্লেটভার্টি লাল মাংস, মল্লিকার কঁড়ি ভেদ করে পাইপ-  
 গানের নল, জীপ, জঙ্গল, বৃষ্টির বলাৎকারে শূন্য অরণ্য, অবৈধ  
 প্রণয়ের ষড়যন্ত্রে মাটিতে ঝুঁকে পড়া মেঘ... অর্থাৎ সব মিলিয়েই,  
 ঐ, যা আগে বলা, তার স্বাধীনতা, স্বেচ্ছাচার, বিস্ফোরণ, গভীর  
 অর্থে, কবিতাকে বামন-কায়েতের কৌলীন্য থেকে, শূচিবাই, যে-  
 কোনো প্রকার শাসন, চোখরাঙানি থেকে বন্দী-মুক্তির আলোয়  
 ছড়ানো। এবারের এই কবিতাগদ্য ছেপে বেরোলে, সব প্রথম  
 কবিতার প্রথম পঙ্ক্তি

‘আমি কবিতার পকেটে পুরে দিয়েছি বেশ্যাবাড়ির ঠিকানা’

নির্ঘাতি তুমুল চেঁচামিচি, যা সে চায়, সন্নিশ্চিত করবে তার  
 আধিপত্য। অর্থাৎ সিংহাসনের সিঁড়ির দিকে আরো এক ধাপ  
 এগিয়ে যাওয়া।

—মাকে এত ডাকছ কেন ?

স্মরণের কাছে এসে দাঁড়ায় তার পাঁচ বছরের মেয়ে রুচি।

—এত কই ? ডেকেছি তো একবারই।

—বাঃ রে, কতবার ডাকলে।

—তাই নাকি ?

—নিজে ডেকে নিজেরই মনে নেই ? বেশ তো তুমি।

—তা হবে। মা কোথায় ?

—মা টুলু মাসীর সঙ্গে কথা বলছে।

—টুলু মাসী কখন এল ?

—এই তো একটু আগে । তুমি বিছানায় বসে আছ বলে মা রান্নাঘরের বারান্দায় বসে কথা বলছে ।

—কি কথা ?

—সে আমি জানি নাকি ? ব্রাউজ নিয়ে কথা বলছে ।

‘ব্রাউজেরও গায়ে রমণীর আঁশ লেগে’

একি ? কবিতার একটা আস্ত পঙ্ক্তি, ব্রাউজ শোনা মারই ? নিজের মনের দিকে বিস্মিত তাকায় স্মরণ । নিজেকে আদর করার মতো প্রীতিভাজন মনে হয় ।

কবিতার ঘোরে আছি । এখন তা হলে যে-কোনো শব্দ, বাক্য, দৃশ্য, উচ্চারণই আমাকে দিয়ে কবিতা লিখিয়ে নেবে নাকি ? এখনি কি বসে যাব এই হঠাৎ-পাওয়া পঙ্ক্তিটাকে নিয়ে নতুন লেখায় ? নাকি লেখা-কবিতার মধ্যে গুঁজে দেব কোথাও ? যদি হারিয়ে যায়, পঙ্ক্তিটা কি টুকে রাখব ? রাখা উচিত নয় কি ? একবার ভুলে যাওয়ার পর যদি আর মনে না পড়ে ?

—কিছু বলচ না কেন ?

—কি বলব ?

—মাকে কি বলব ? তুমি অমন বোকার মতো তাকিয়ে থাক কেন গো ?

—কোথায় তাকিয়ে থাকি ?

—আমি কি করে বলব ? তোমাকে বেশ বোকা-বোকা লাগে ।

—মাকে শুধু বলো, আমি ডাকাছি ।

রুচি চলে গেলে স্মরণ শূন্যে পড়ে, পিঠের ব্যথাটা একটু আরাম চাইছে অনেকক্ষণ । কটা বাজে এখন ? ঘড়িটা শীলার ড্রেসিং টেবিলের ড্রয়ারে । নামলেই পাওয়া যায় । কিন্তু স্মরণের নামতে ইচ্ছা করে না । বিছানায় শূন্যে সে কবিতার স্তবকগুলোকে

মনে মনে উচ্চারণ করার চেষ্টা করে। এলোমেলো মনে পড়ে, ধারাবাহিক নয়। যেটুকু মনে পড়ে তাতেই পরিষ্কার বদ্ব্যভাষে পারে আজ কবি হাউস উথলে উঠবে তাকে নিয়ে।

অবশ্য নিন্দুকেরও অভাব নেই। তারা শান দিয়ে রেখেছে ঠোঁটে। যা বহুদিন আগে পড়ে গেছে, কবর খুঁড়ে তাকে জাগানোর মধ্যে যে প্রবণতাটা, সেটা ক্রিমি-কীটদেরই সহজাত। মর্খ নই, স্দুতরাং ইঙ্গিতটা বদ্ব্যভাষ। কিন্তু আমি তো দ্ব্যধপোষ্য স্দুবোধ বালক হওয়ার জন্যে জন্মাই নি। মানুস হিসেবে যেহেতু আমি কৃতজ্ঞ, স্দুতরাং ঋণশোধটাও আমার কর্তব্যের এলাকায়। যা কিছু আমার চেতনাকে প্দুষ্ট করেছে দ্ব্যধ-ক্ষীরে, তাদের সকলের গলাতেই পরিণে যাব আন্তরিক অভিনন্দনের মণিহার, আমারই রক্তজাত শব্দে গাঁথা।

শরীর, একটি নারীর শরীর, অন্যের কাছে শূদ্র শরীর মাত্র। আমার কাছে দ্ব্যলভ এক চশমা। এই চশমার ভিতর দিয়ে না দেখলে পৃথিবীর বসুন্ধরা-মর্তি নজরের আড়ালেই রয়ে যাবে চিরদিন। বোদলেয়ার মর্ত করেছিলেন নরকের ফুল। আমি গড়তে চাই ফুলই নয় শূদ্র, ফুলসহ এক প্লাবিত শস্যক্ষেত্র। অর্থাৎ বোদলেয়ারের প্দুনরুজ্জীবন নয়, বোদলেয়ারের ব্রতের একস্টেনশন।

—ডাকছিলে কেন? কি ডাকাডাকি বাবা! তাড়াতাড়ি বলো।  
টুদ্র বসে আছে।

স্মরণ তার শায়িত ভঙ্গিটাকে না-ভেঙেই মৃখটাকে ঘোরায় শূদ্র শীলার দিকে। শীলার মৃখে রান্নাঘরের তাপ ও ঘাম।

—টুদ্র কেন?

—কেন আবার! আমি ডেকেছিলাম আমার দরকারে।

—আমার লেখা হয়ে গেছে। তোমরা এ ঘরে আসতে পারো।

—আর কি হবে! যা দরকার ছিল মিটে গেছে। কেন ডাকছিলে বলবে তো!

স্মরণ চায়ের কথাটা তুলতে সাহস পায় না। মদুখে উনোনের আগুনের শিখা লেগে আছে যেন শীলার। চায়ের প্রস্তাব শুনলে মদুখের আগুন ছাড়িয়ে পড়তে পারে বচনেও। একবার রেগে উঠলে শীলা লং গেলিং-এর মতো অনেকক্ষণ

কবিতার নারী আর বাস্তবের নারীতে কত ফারাক। বস্তুত কবিতা বা শিল্পই নারীকে দিয়েছে এক ধরনের চিররূপ। সেখানে তারা বয়স্ক, বাচাল অথবা অতিরিক্ত বিবেচনায় হেডমিস্ট্রেস মার্কা হয় না কখনো। আমার কবিতায় এত নগ্নতা, রমণী-অঙ্গ-প্রত্যঙ্গের এত স্তর, কিন্তু সে কোন্ রমণীর? আমি নিজেও কি তাকে দেখেছি কখনো? ভাগ্যিস দেখি নি। বিয়াগ্রিচের সঙ্গে বিবাহিত জীবন কাটালে দান্তের মহাকাব্য...

—কি হলো, মদুখের দিকে অমন হাঁ-করে তাকিয়ে আছ কেন? কেন ডাকছিলে বলবে তো!

—গোটা তিনেক আলপিন বা পেপার-ক্রিপ যা হোক দেবে?

—সত্যি, লোক বটে! তিনটে আলপিনের জন্যে তখন থেকে এত হাঁকডাক? আমি এখন আলপিন পাব কোথায়? আমি আলপিন নিয়ে কি করি যে আলপিন পাব?

—ক-দিন আগে তোমার ড্রেসিং-টেবিলের ড্রয়ারের নিচের খোপে দেখেছিলাম কয়েকটা।

—তো সেটা নিজে উঠে নিতে পারছ না?

শীলার কণ্ঠস্বরের এমন তিক্ততা সত্ত্বেও স্মরণ হাসে, শীলার অঙ্গ-অভিযোগের পালটা জবাবে। স্টিফটর সঙ্গে আলস্যের সম্পর্ক শীলা জানে না। অথচ জানা উচিত ছিল। পোয়াতি হওয়ার দীর্ঘ উদ্বেগময় যন্ত্রণায় তো ওরা অভিজ্ঞ। সন্তান ভূমিষ্ঠ হওয়ার পর কেন কিছুদিনের জন্যে নিজীব হয়ে যায় জীবন, কেন তালসাই

হয়ে উঠতে চায় চুরমার শরীরের প্রিয় পথ্য, শীলাদের তো সেসব মর্মাস্তিকভাবেই জানা। অথচ অন্য সৃষ্টির বেলায় ওদের মনে পড়ে না যে সেখানেও থাকতে পারে অস্তিত্ব-নিংড়োনো নির্যাতন।

—আলপিন না দিতে পার তো এক কাপ চা দাও। সাতা, বিশ্বাস কর, সারা শরীর কামড়াচ্ছে।

—এমন অবেলায় আবার চা কিসের? চা তো খেয়েছ, একবার নয় দু'বার।

—আমার নড়বার ক্ষমতা নেই।

—আজও আপিস কামাই নাকি?

—আপিস যাব না কেন? কটা বেজেছে?

—সাড়ে নটার কাছাকাছি হবে।

—যাঃ, সাড়ে নটা কি করে বাজবে এখনি? সময় কি দৌড়ছে নাকি?

শীলা ড্রয়ার টেনে ঘড়িটা বের করে। নিজে একবার দেখে কয়েক পা এগিয়ে স্মরণের মূখের সামনে।

—সে কি, নটা আর্টগ্রিশ? মাই গড্। না, চা চাই না। খাবার রেডি কর।

স্মরণ ফুটবলের মতো লাফিয়ে ওঠে বিছানায়।

২

এটাও একটা প্রমাণ, ভিড়ের সময়ের লোক্যাল ট্রেনে বসার এই জায়গা পেয়ে যাওয়াটা, আজ খুবই শুভদিন।

দুই বিহারী মজুরের মাঝখানে বসার জায়গা পেয়ে স্মরণ ভাবে। এমন-কি, সে আরো ভাবে, দু'পাশে দুই বিহারী জুটে যাওয়াটাও 'শুভ লক্ষণ'। এখন সে নিশ্চিন্তে ব্যাগ থেকে পান্ডু-

লিপিগুলো বের করে শেষবারের মতো চোখ বুলিয়ে নিতে পারে। কেননা ওরা কখনোই আড়চোখে সাহিত্যের অক্ষরের দিকে তাকায় না। স্মরণ এই নির্দিষ্ট ট্রেনের নিত্যযাত্রী। অধিকাংশ দিনই দাঁড়িয়ে, ডাইনে বাঁয়ে সামনে-পিছনে পিণ্ডি-পাকানো ভিড়ের ধাক্কায় কখনো লম্বা কখনো গোল, কখনো মচকানোর ভঙ্গিতে, নিজের অসহায় অস্তিত্বকে পদ্রোপারি ভিড়ের হাতে ছেড়ে দিয়েই, তার যাতায়াত। এই সময়টুকু, কোম্পানির থেকে হাওড়া স্টেশানে পৌঁছতে যতটা সময় লাগে বৈদ্যুতিক ট্রেনের, স্মরণ ফণা গুলিয়ে রাখে। তার ব্যক্তিগত অহংকার, স্বাধিকার, স্বেচ্ছাচারের চেয়ে, এই সময়ে অনেক বেশি মূল্যবান হয়ে ওঠে কাঁধের ঝোলা, চোখের চশমা, পকেটের মানিব্যাগ। আর এই সময়টুকু তাকে অদ্ভুতভাবে সাহায্য করে বাস্তবতার বিরুদ্ধে আরো বেশি রকম বিরক্ত ও বিদ্রোহী হয়ে উঠতে। এই কর্কশ, কঠিন, ইতর, অশালীন বাস্তবতার ভিতর থেকে সে কোনো অমৃত পাবে না জেনেই, নিজের সংকল্পে দৃঢ়তর হয় আরো। বাস্তবতাকে অস্বীকার করার সংকল্প। বাস্তবতার প্রতিপক্ষরূপে ভিন্ন মানচিত্র গড়ে তোলার সংকল্প।

‘এইভাবেই আমার প্রতিশোধ।

তোমরা যখন রেলগাড়ির কামরায়

নিজেদের হাড় চিবোও,

আমি তখন বৃক্ষরোপণ করি

সেই সব উরুর ভাঁজে ভাঁজে

যাদের মসৃণ উলঙ্গতা

এখনো ফিস ফ্রায়ের মতো সদৃশবাদ করে রেখেছে

তোমাদের আকাশ।’

অথবা

‘ভাস্কর্য,

তোমার স্ফুটপথে রক্তখনিময় মহাদেশকে পেয়েছি বলেই  
অন্যাসে আমার শিরদাঁড়ার উপর পেতে দিতে পারি এই সব  
দুষ্কৃতকারী ট্রেনের লাইন।’

স্মরণ এইভাবেই, বাস্তবতার বিরুদ্ধে বদলা নেয় তার কবিতায়।

পান্ডুলিপি থেকে চোখ সরিয়ে স্মরণ একটা সিগারেট  
ধরায়। আর এমনভাবে ধোঁয়া ছাড়ে যেন চোখের সামনের শূন্য  
পটভূমিকাতাকে সে নিকিয়ে পরিশুদ্ধ করে নিতে চাইছে বিশেষ  
প্রয়োজনে। ঠিকই। এখন তার মধ্যে ভবিষ্যৎকে দেখার বড়  
আকৃতি। বিশেষত কবিতাগুরুটিকে কেন্দ্র করে আজ সন্ধের  
আড্ডায় যে নাটকীয় উন্মাদনা ঘটবে, সেই সূর্যোদয়-সদৃশ  
দৃশ্যটাকে আগাম দেখে নেওয়ার জন্যে তার রক্তস্রোত খর নদীর  
মতোই অস্থির।

সিগারেট খাওয়া শেষ করেই সে পান্ডুলিপিগুলোর দিকে  
আর তাকায় না। পরিবর্তে বেছে নেয় যোগাসন-সুন্দর ভঙ্গি।  
কাঁধে ঝোলানো যে-ব্যাগের মধ্যে কবিতার পান্ডুলিপি, সেটাকে  
কাঁধ থেকে নামিয়ে কোলের উপর রাখে। তার পর হাত দুটোকে,  
যেন অদৃশ্য কোনো কিছুর প্রণাম, এমনি করজোড়ে সেই  
ব্যাগের উপর। মাথাটাকে ঠেলে দেয় পিছনে, ট্রেনের কাঠের  
দেয়ালে। কাঠ এবং মাথা দুটোই শক্ত বলে তাদের মধ্যে কোনো  
হৃদয় সম্পর্ক গড়ে ওঠে না। মাথাটা, কাঠের সহানুভূতিহীনতায়,  
গাড়ির দুল্লভির সঙ্গে ডাইনে বাঁয়ে দোলে। এর পর, এইটুকু  
সময়ে কামরাটা এমন গুদাম-ঠাসা হয়ে গেল কি করে, কোলের  
বাচ্চাটিকে নিয়ে বেঁটেখাটো মহিলাটি ধরবার মতো অবলম্বন  
না পেয়ে দুলছে, কোনো সময় তার উপরে হুমড়ি খাবে না তো,  
শব্দটুকি মাছের মতো আঁশটে গন্ধটা আসছে কোন দিক থেকে, যাঃ  
বাবা, বিয়ের বরকনেও লোক্যাল ট্রেনে, চালের বস্তা নিয়ে ওঠা এক  
পাল আধ-উলঙ্গ মহিলা যাত্রীদের পায়ে তলায় উপড়, বস্তা-



গল্লোকে সীটের তলায় চালান করতে, এই জাতীয় দৃশ্যের সমগ্রতার উপর তাকানোটা একবার ছাড়িয়ে দিয়ে সে চোখ বুজিয়ে নেয়। কম্পনার অভ্যন্তরে অপেক্ষমান নাটকের সম্মুখবর্তী হওয়ার জন্যে এখন সে চূড়ান্ত রূপে প্রস্তুত। অবাস্তিত পারিবেশ থেকে তার বিচ্ছিন্নতা সম্পূর্ণ।

দ্রুতগামিতার জন্যে মন বহুদিন থেকেই বিখ্যাত। স্নাতরাং মনের ঘোড়া স্মরণকে এক নিমেষেই পেঁচিয়ে দেয় অক্লান্ত দত্ত লেনের ছাপাখানার অন্ধকার খুপিরিতে। এর পর ধাপে ধাপে নিজের দিবা-স্বপ্নে ক্রমশ সন্নাট হতে থাকে স্মরণ, তার বন্ধু-মণ্ডলীর উষ্ণ আবহে।

৩

হাওড়া স্টেশনে নেমে আরো একবার শূভদিন কথাটা মনে আসে স্মরণের। কারণ আজ এক মিনিটও লেট করে নি লোক্যালাটা, যা প্রায় অবিশ্বাস্য রকমের ব্যতিক্রম।

বাসে উঠে সে অবশ্য ট্রেনের মতো বসার জায়গা পায় না। কিন্তু দাঁড়িয়ে থাকার পক্ষে বেশ স্বচ্ছন্দ একটা জায়গা পেয়ে যায়। এমন-কি ঠেস দেওয়ার যোগ্য লম্বমান একটা রডও। অন্য দিনের মতো তার শরীরটাকে নিয়ে কেউ চটকাবে, সে সম্ভাবনাটা খুবই কম।

সবই যেখানে শূভ, সেখানে বিষন্নতা অস্বাভাবিক। অথচ স্মরণের মূখে এক ধরনের বিষন্নতা। সে বিষন্নতায় তুমুল কোনো ভাঙন নেই ঠিকই, কিন্তু ছোট ছিদ্র দিয়ে অবিরল সরু জলরেখার চুইয়ে পড়ার মতো বিরক্তিকর অস্বস্তি।

কোনো একটি, কখনো কখনো অবশ্যই একাধিক, কবিতা লেখা হয়ে যাওয়ার পর, কবিতাগল্লো সম্পাদকের হাতে তুলে দেওয়ার

পরও, বেশ কয়েকটা দিন কবিতার পঙ্ক্তিগুলোকে মনে মনে আউড়ে যাওয়া, আর সেইসঙ্গে মনে মনেই এক ধরনের হিসেব-নিকেশ সাফল্য-অসাফল্যের, অর্থাৎ কৃতকার্যতার, কোন পঙ্ক্তি তরুণের তাস, কোনটা বাজি মাং করার উপমা ইত্যাদি ভেবে চলা, স্মরণের স্বভাবে এক স্থায়ী অভ্যাস। এখন, এই আপিস যাত্রী বোঝাই স্টেটবাসে, একটু আগে কোম্পানির স্টেশনের প্লাটফর্মে, পরে ট্রেনের কামরায়, যতবারই সে কবিতার এবং বিশেষ করে কবিতা-গদ্যের তুখোড় পঙ্ক্তিগুলোকে মনে করতে চেয়েছে, বাড়ি থেকে বেরোবার আগে পর্যন্ত তাদের গায়ে যে বিদ্যুৎ-চমক ছিল, তা বেশ ম্লিয়মান। অবশ্য এটা নতুন কোনো ঘটনা নয়। এ-অভিজ্ঞতা পূরনো। কবিতা রোদ এবং জনসমাগম এবং উন্মুক্ত লোকালয়ে ঈষৎ ফ্যাকাসে। কবিতার অন্তর্গত অনেক অহংকারই তখন স্যাঁতসেঁতে এবং শ্যাওলা-ধরা। দোদাঁড় কোনো উক্তিকে বরণ আরো বেশি করে মনে হয় অকিঞ্চিৎকর।

সুতরাং আমার, স্মরণ নিজেকে সান্ধ্বনা দেওয়ার ভঙ্গিতে ভাবে, মৃষড়ে পড়ার কোনো কারণ নেই। উটের গ্রীবার মতো যে অহংকার আমাকে আমার চেয়ে অনেক লম্বা করে রাখে, তার সম্পর্কে সন্দ্বিগ্ন হওয়াটাও অকারণ। স্মরণ তার মৃখাবয়ব থেকে বিষণ্ণতা এবং ঘাম দ্রুটোকেই একসঙ্গে মৃছে ফেলতে চেয়ে পকেটের রুমালটাকে টেনে আনে মৃঠোয়।

বাসটা এখন হাওয়া বিজ্ঞে। আকাশ অনেক দূরে। আকাশ এবং বিজ্ঞের মাঝখানে নদী, বজরা, হলুদ জল, চলমান স্টিমার আর জাহাজের জটিলতাময় রেখাচিত্র। ইতস্তত ভাসমান বয়া চোখে পড়ে কয়েকটা। বয়ার দিকে তাকিয়েই স্তনের ইমেজ মাথায় এসে যায় তার। জলস্রোতে ডুবে যাওয়া কোনো নারীর স্তন যেন।

স্মরণ অভিভূত হয়ে যায় অতি সাধারণ দৃশ্যের ভিতরে এমন মায়াবী ছবি খুঁজে পেয়ে। সব সময় ঘটে না। কদাচিৎ মানুষ্যের

চোখে অভ্রের সেই উজ্জ্বলতা, যা যেকোনো তুচ্ছ বস্তুতে উদ্ঘাটন করে সৌন্দর্যের সফল উপকরণ। সে একটা ঘোরের সময়। অলৌকিক কোনো শক্তি তখন ভর করে চেতনায়। আর চেতনা তখন এমনই ক্ষুধার্ত যে, অতি নগণ্য বস্তুকেও রূপান্তরিত করে নিতে পারে নিজের সুস্বাদু আহাৰ্যে।

স্মরণের চেতনার স্তরে কাঁপুনি জাগে। সে কাঁপুনি জলের তোড়ের নয়, যা এসে ধাক্কা মারে, ভাঙে, গলিয়ে দেয় ডাঙার মাটি। সে কাঁপুনি পটুয়ার হাতের, দেবীমূর্তির সাদা মূখের উপরে চোখের রেখার নিটোল টানের মূহুর্তে। অর্থাৎ কবিতায় একটি পঙ্ক্তি বা স্তবক নির্মাণের আকৃতি এখন তার ভিতরে। স্মরণকে এখন খুঁজতে হচ্ছে সেই সব শব্দ যা পাখির ঝাঁকের মতো উড়ে বেড়ানো অগোছালো অনবুজ্জিতমালাকে বাঁধতে পারে সুস্বাদের কোনো অবয়বে। জলের গভীর থেকে যে-ভাবে বদ্বদ্দ সেইভাবে শব্দের ইতস্তত উত্থান এখন স্মরণের চেতনায়।

প্রাচীন শতাব্দীর...

বাসটা বিজ্ঞ পার হয়ে ফ্লাইওভারে ওঠে। বাঁকের মূখে টাল খায় স্মরণের শরীর। প্রাচীন শতাব্দীকে মুছে দেয় সে।

শত শত শতাব্দীর

কার একটা কনুই গোঁড়া মারে স্মরণের ঘাড়ে। স্মরণ ঘুরে তাকায়। ঘুরে তাকানোর সময় পিছনের ভদ্রলোকের শরীরটা বেঁকে স্মরণের শরীরটাকে আচমকা ঠেলে দেয় সামনের সীটে বসে থাকা যাত্রীর প্রায় ঘাড়ের উপর।

—কি করছেন বলুন তো? চশমাটাই তো ভাঙতো এখন।

—কি করব বলুন। দেখুন-না, কী ভাবে পিছন থেকে ধাক্কা মারলেন।

—আমি মশাই আপনাকে ধাক্কা মারি নি। আমাকেই বরং ধাক্কা মেরে নামছেন গুঁরা।

পুনরায় কবিতায় ফিরে আসে স্মরণ, তালভঙ্গ অথবা  
ধ্যানভঙ্গের এক মুখ বিরক্তি দিয়ে ।

শত শত শতাব্দীর মৃত নারী

—আপনিই বা ওভাবে রাস্তা আগলে দাঁড়িয়ে আছেন কেন ?

—কোথায় দাঁড়ালে রাস্তাটা আগলানো হবে না বলতে পারেন ?  
বাসের তো সর্বাপেক্ষই রাস্তা মশাই ।

—আরে মশাই করছেন কি । পা-টা যে থেঁৎলে, ওঃ, হ্যেং

—আপনি ধাক্কা মারলেন যে ?

—বেশ করেছি । আবার মারব দরকার হলে । আমার পা-টার  
কী দশা করেছেন দেখুন তো ?

সামান্য ফাঁক পেয়ে স্মরণ সরে যায় তার বাঁয়ে । কান সরিয়ে  
নেয় চিৎকার থেকে ।

শত শত শতাব্দীর মৃত নারী মিশে গেছে

নক্ষত্র আঁধারে...

—আরে কি করছেন মশাই ? মারামারি করছেন কেন ?  
ছাড়ুন, ছাড়ুন, কি কাণ্ড !

—খুব গায়ের জোর দেখাচ্ছিলেন না ?

—তাই বলে আপনি একজন বয়স্ক, আপনার বাবার বয়সীকে...

—আপনি চুপ করুন, আমি আপনার সঙ্গে কথা বলি না ।

—ওহে ছোকরা, বেশি রোয়াব দেখালে তোমাকে...

মারামারি এবং উত্তেজিত বাক্-বিতণ্ডার দিকে এক ঝলক  
তাকিয়েই স্মরণ ফিরে যেতে চায় কবিতায় ।

শত শত শতাব্দীর মৃত নারী

এটা জমছে না, স্মরণ বৃদ্ধিতে পারে । আগাগোড়া ভেঙে  
সাজায় ।

বহুদূর শতাব্দীতে মরে গেছে যে-সব নারীরা

এখনো তাদের স্তন

—কি হলো ড্রাইভার দাদা, আপনি আবার থেমে গেলেন কেন ?

—রথ যে আর নড়ে না ।

—ড্রাইভার কি ঘুমিয়ে পড়েছে নাকি ?

—এইজন্যই লোকে ঠেঙায় ।

—চিৎকার করছেন কেন মশাই : দেখছেন না সামনে জ্যাম ।

—ওহে মৃত্যুঞ্জয়ো, নেমে পড়ো, এ যা জ্যাম রাত বারোটার আগেও কাটবে কিনা সন্দেহ ।

—কি হয়েছে দাদা, জ্যাম কেন ?

—ওহো, তাই তো, আজকে তো রাইটার্স দখলের অভিযান ।

—তা হলে তো হয়ে গেল ।

বাসটা একটু একটু করে খালি হতে থাকে । স্মরণ এখন স্বচ্ছন্দে বসতে পারে । বসার আগে হাতল ধরে ঝুঁকে বাইরের দিকে তাকায় । যতদূর চোখ যায় কেবল গাড়ি । গাড়িরই একটা থমকানো স্রোত । তাদের বাসটা থেমেছে চীনে বাজারের কাছে । স্মরণ অপেক্ষা করতে চায় । যারা নামছে নামুক । আরো ফাঁকা হয়ে যাক বাসটা । বাসে একটু অপেক্ষা করলে হয়তো উদ্গত স্তবকটা পেয়ে যাবে সম্পূর্ণ চেহারা । কবিতাগুচ্ছের যে-কোনো একটায়, যেটায় বেশি মানাবে, জুড়ে দেওয়া যাবে আপিসে গিয়ে ।

ক্রমে পুরো বাসটাই খালি । আরাম করে বসার, এমন-কি শূন্যে পড়ার, জায়গা এখন সর্বত্র । স্মরণ যেখানে দাঁড়িয়েছিল, সেখানেই বসে । সব কিছুই আজ তার কাছে শূন্য । এই কলকাতা শহরে, ব্যতিব্যস্ত আপিস টাইমে একটা জ্যান্ত বাসের মধ্যে সে একা, এমন ঘটনা প্রায় স্বপ্নাতীত । অর্থাৎ এও এক দৈব ইশারা ।

স্মরণ, এবারের কবিতাগুচ্ছই তোমাকে তুলে নিয়ে যাবে সার্থকতার শিখরে । নারী এবং প্রধানত নারীর শরীরকে মৃত্যু-

হীনতায় পৌঁছে দেওয়ার যে ব্যত নিয়েছ তুমি, তার জয় অবধারিত। তুমি লড়ে যাও।

নিজের ভিতরে এই দৈববাণী শোনে সে।

আমি সুখী, এই ভরাট উচ্চারণ মানুষের জীবনে বড় দুল্‌ভ। অথচ সে উচ্চারণ প্রতিদিনই গাছে ও ফুলে পরিপূর্ণ। নিরবচ্ছিন্ন চেষ্টা আজ স্বরণকে উপহার দিয়েছে সেই দুল্‌ভ। স্মরণ এখন অনায়াসে গোটা কলকাতা শহরের উপর ছুঁড়ে দিতে পারে এই ঘোষণা, একজন সুখী মানুষের মূখের আদল দেখে নিতে পারে তোমরা।

দৈববাণী ফুরিয়ে গেলেও তার রেশ লেগে থাকে স্মরণের মনে, মৃত্যু হয়ে গেলেও আরো কিছুক্ষণ যে ভাবে ডানা ঝাপটায়, মাছ অথবা পাখি। দৈববাণীর সঙ্গে আরও দুটি একটি কথা এই ফাঁকে বলে নিতে পারলে সুখ সম্বন্ধে প্রায় সুনিশ্চিত হওয়া যাবে ভেবে সে প্রশ্ন করে

—কিন্তু স্থায়িত্ব ?

—তোমার ক্ষেত্রে আজীবন।

—অর্থাৎ যতক্ষণ আছি। যখন শরীরে নেই অর্থাৎ মৃত ?

—আমি মৃত সম্পর্কে সম্পূর্ণ অনভিজ্ঞ। এর উত্তর দিতে পারে তোমার সমগ্র জীবনচর্চা।

—আর শত্রুতা ? মানে সমালোচনা ?

—সেটা নির্ভর করছে তোমার উন্মোচনের উপর।

—আমার পূর্ববর্তীরা কেউ কেউ বলে গেছেন ‘যা কিছু ব্যক্তিগত, তাই পবিত্র’। আমি এই স্লেগানকেই উত্তীর্ণ করে দিতে চাই আরো তান্ত্রিক গুঢ়তায়—‘যা কিছু নগ্ন, তাই-ই উন্মোচনযোগ্য।’ এ কি সমাজের পক্ষে ক্ষতিকারক ?

কোনো উত্তর আসে না। অর্থৎ দৈববাণী নিঃশেষিত।

স্মরণ রিস্টওয়াচ দেখে। না, আর দৌর করা উচিত নয়।

এ ক্ষেত্রে এক ইঞ্চিও নড়ে নি বাসটা। অতএব হেঁটেই পৌঁছেতে হবে আপিসে। আপিসে পৌঁছেই কী যেন একটা কাজ ভেবেছিলুম একটু আগে? কী কাজ যেন? সৃজনকে ফোন? না, তার চেয়েও অনেক দামী, জরুরি, আবেগপ্রধান কাজ। জামসেদপুরে কমলকে কবিতা পোস্ট করা? না, আরো অন্যরকম। ও, হ্যাঁ, ঐ স্তবকটা সম্পূর্ণ করা। কী যেন ছিল, এই তো একটু আগে গড়ে উঠেছিল, ভুলে গেলাম?

স্মরণ বাস থেকে নেমে হাঁটে। হাঁটতে গিয়ে ভিড়ের মানুষ থেকে স্বতন্ত্র হতে পারে না, যা তার আন্তরিক প্রয়োজন এখন। কারণ এই হাঁটার ফাঁকেই যদি স্তবকটাকে সম্পূর্ণ পেয়ে যায়, জুড়ে দেবে কবিতাগুচ্ছে। কিন্তু মানুষের শরীরের এত ঘষাঘষি, ধাক্কা, ঠেলাঠেলিতে স্মরণ কিছতেই হারিয়ে যাওয়া স্তবকটাকে মনে আনতে পারে না, স্মৃতি তছনছ করেও। যে-সব নারীরা মৃত? না। মৃত সব নারীদের স্তনরেখা? না। জলের গভীরে নারী ডুবে গেছে, শুধু তার স্তন?

এই সময়ে দূরে বজ্রপাতের শব্দ।

স্মরণ আকাশের দিকে তাকায়। আকাশ যেন উপবিষ্ট নগ্ন রমণীর মসৃণ পিঠ। মেঘের ছোটখাটো তিল-চিহ্নও নেই কোনোখানে। শব্দটা তা হলে আকাশের নয়, এই ভেবে সে চোখ নামায়। দূরে অজস্র পতাকা চোখে পড়ে তার। পতাকা-রাঙানো দিগন্ত। বাতাসের আন্দোলনে অস্থির। এই সময় রাইটার্স বিল্ডিং অভিযানের কথাটা মনে পড়ে যায়। সেও শুনেছিল বটে। কিন্তু দিনটা মনে ছিল না। বাসেই প্রথম শুনল।

আবার বজ্রধ্বনি। পর পর, একাধিক।

স্মরণের পায়ের মাটিতে কাঁপন। এবার এগুতে গিয়ে বাধা পায়। মানুষ দাঁড়িয়ে গেছে। মানুষে মানুষে এক দুর্ভেদ্য দেয়াল। রাইটার্স বিল্ডিং-এর লাল বাড়ি এখন তার সামনে। সে

লাল বাড়িটার দিকে তাকায়। ছাদের উপরে অনেক মানুষ। ঝড়কে আছে নিচের দিকে। কি দেখছে ওরা? তেরঙা পতাকার নাচ? নাকি অন্য কিছুর? হঠাৎ স্মরণ আছে পড়ে মাটিতে। তার সামনের কিছুর লোক দ্রুত পিছনে ছুটতে গিয়েই ধাক্কা মেরেছে তাকে। স্মরণের পায়ের উপর লাথি মেরেও চলে যায় কয়েকজন। খুব দ্রুত উঠে না দাঁড়ালে আরো এক লক্ষ পা তাকে মাড়িয়ে যাবে এখন, এক নিশ্বাসে এটা বন্ধে নিয়েই সে বাঁ হাতের তালুতে ভর দিয়ে, বেঁকে শরীরের সমস্ত শক্তিকে কোমরে এনে লাফ দিয়েই উঠে দাঁড়ায়। আরো দ্রুত গতিতে রাস্তা থেকে ফুটপাথের দিকে সরে যেতে চায়। যে মানুষগুলো সামনে এগোচ্ছিল তারাই এখন পিছনের দিকে দৌড়াচ্ছে। বাতাসে ক্রমাগত বিস্ফোরণের শব্দ। পলায়নমুখর মানুষের মুখ থেকেই শুনতে পায় ভয়ংকর কয়েকটি শব্দ :

—টিয়ার গ্যাস ছেড়েছে। পালান মশাই, পালান।

—দেখছেন কী রকম বোমাবাজির বহর?

—সরে পড়ুন, সরে পড়ুন। গুলি চলবে এখন।

—এরাই আবার ডেমোক্রেসি...দাঁড়াবেন না দাদা...

—কি হবে আবার? দেখছেন না পুলিস তাড়া করেছে। লাঠিচার্জ।

দ্রুত ঝাঁপ বন্ধ হচ্ছে দোকানের। ঝাঁপ বন্ধ, শার্টের টানার শব্দ, মানুষের এলোমেলো চিৎকার, মন্তব্য, বোমা, বন্দেমাতরম্, লাঠিচার্জ, যুগ যুগ জিও, দৌড়ানো মানুষের পায়ের শব্দ, পুলিসী মোটর বাইকের গর্জন ইত্যাদি মিলে মিশে শব্দের এক ভয়াবহ উত্থান এখন।

জ্বালা ঢুকে, চোখে জল আসে স্মরণের। মনের জ্বালা নয়, টিয়ার গ্যাসের জ্বালা।

—নামুন দাদা, নামুন। দোকান বন্ধ করব।



স্মরণ আশ্রয় নিয়েছিল একটা কাপড়ের দোকানে। সে এবং আরো কয়েকজন। স্মরণকে রাস্তায় নামতে হয়। রাস্তা জুড়ে এক হাড়ুডু খেলা। বিভিন্ন ঝাঁকে মানুষ ইতস্তত দৌড়ছে। দৌড়ে থেমে যাচ্ছে। থেমে আবার ফিরে আসছে। আবার দৌড়। কারা যেন ইট ছুঁড়ছে পদুলিসের কালো ভ্যানের উপর। সেই প্রকট শব্দের সঙ্গে লাঠিচার্জের খটখাট আওয়াজ।

রুমালে চোখ মোছে স্মরণ। চোখ বগড়াতে ইচ্ছে করে। কি করবে সে এখন? এগোবে না পিছোবে? ভয়াবহ মৃত্যু-শব্দটা এখন একটু বিমোহন। জনতার দৌড়-ঝাঁপ থিতুয়ে এসেছে একটু। এই ফাঁকে পা চালিয়ে এগিয়ে যাওয়াই ভালো। সোজা হাঁটাটা এ সময় নিরাপদ নয়। সে ঠিক করে ডান হাতি রাস্তা অর্থাৎ রাইটার্সের পিছন দিয়ে, রিজার্ভ ব্যাঙ্কের দিকে এগিয়ে যাবে।

সেইভাবে সে এগোয়। এ রাস্তাতেও ভিড়। মানুষের দ্রুত হাঁটা। লাল মোটর বাইকে সার্জেন। কালো ভ্যান। থমথমে চেহারা। বেশ জোরেই হাঁটে স্মরণ। যত এগোয়, ততই একটা গর্জনের ধ্বনি সুস্পষ্ট হয়। হঠাৎ, একটু আগে যেমন ঘটেছিল, আবার শব্দ হয় জনতার দৌড়, উল্টোদিকে। রিজার্ভ ব্যাঙ্কের দিক থেকে একটা তুমুল জনস্রোত ছুটে আসছে। গুলির শব্দ। বোমা, চিৎকার, আত্ননাদ। আবার মৃত্যুশব্দ। মৃত্যুর মতো তবুও এগোতে চায় স্মরণ। এবং হারিয়ে যায়।

সে ফুটপাথে উপড়। তার উপর দিয়ে জনস্রোত ছুটে গেছে। তার চশমা ভাঙা। তার হাত এবং পা ক্ষত-বিক্ষত। শার্ট ছেঁড়া। তার চারপাশে মানুষ উল্টোপাল্টা দৌড়ছে। কিন্তু কেউ তাকে সাহায্য করতে এগিয়ে আসে না। প্রত্যেকেই ভীত এবং যে-কোনো দিকে পালাবার জন্যে ব্যস্ত।

স্মরণ এখন স্মৃতিহারা। তার চেতনার জগতে একমাত্র শরীর

ছাড়া আর সর্বাকছদ্মনন্দপস্থিত। ফুটপাতে ছেড়ে উঠে দাঁড়াতে চায় সে। বাঁ হাতটা, যা ফুটপাতে ছড়ানো, গুলিটিয়ে আনে ভাঁজ করার জন্যে। ভাঁজ করার মূহুর্তে তার গোটা শরীর মূচড়ে ওঠে যন্ত্রণায়। যেন হাড় নেই। হাতের সবটাই থেঁৎলানো। বাঁ হাতকে বাদ দিয়েই সে ওঠার চেষ্টা করে। উপদ্ভ হওয়া শরীরটাকে উল্টো দিকে মোচড়ায়, কোমরে ভর দিয়ে বসা যায় যাতে। যন্ত্রণা বিদ্যুৎশিখার মতো যাতায়াত করে সারা শরীরের শিরা-উপশিরায়। ছিঁড়েও যেতে পারে যে-কোনো মূহুর্তে বৃষ্টি-বা। তার দীর্ঘ সময় লাগে কোমরে ভর দিয়ে বসতে। বাঁ হাতের পরিবর্তে এবার তাকে ভর দিতে হয় ডান হাতে। ডান হাতটা ভাঁজ করার সময় গোটা শরীরটা কঁকড়ে যায় যন্ত্রণায়। সে ডান হাতের দিকে তাকায়। কনুই-এর কাছটা রক্তাক্ত। ছ-সাত ইঞ্চি ছড়ে গেছে। তবু বাঁ হাতের চেয়ে ডান হাতেই বেশি জোর পায় বলে ডান হাতটাকে ফুটপাতে রেখে, ডান হাতের জোরে কোমরটাকে শূন্যে তোলার চেষ্টা করে। আর তৎক্ষণাৎ আবার এক যন্ত্রণার বিদ্যুৎ।

চোখে আলো লাগলেই কষ্ট। এখনো চোখের ভিতরে টিয়ার গ্যাসের প্রতিক্রিয়া। হাত ময়লা। পকেট থেকে রুমাল বের করে চোখ দুটো মূছতে এবং ঈষৎ রগড়ে নিতে ইচ্ছে করে। কিন্তু দুটো হাতের কোনোটাতেই রুমালের দিকে অর্থাৎ জামার পকেটের দিকে ঘোরাতে পারে না। শেষ পর্যন্ত জামার অংশ দিয়েই চোখ রগড়ে নেয়। তার পর তাকে বারংবার চেষ্টা করে যেতে হয়, কোমরটাকে শূন্যে তুলতে, যন্ত্রণায় কঁকড়ে যাওয়া সত্ত্বেও।

শরীরী সম্বন্ধে এখন এক অদ্ভুত জাগরণ তার চেতনায়। যেন অন্য একজনের আহত-শরীর, এইভাবে নিজের দিকে তাকায় সে। জীবনে এই প্রথম যেন একটি আহত অর্থাৎ ছিন্নভিন্ন মানুষের শরীরকে নির্বিড় কাছে পেয়েছে সে। সহানুভূতিতে তার চোখ দুটো, টিয়ার গ্যাসের জ্বলদ্বনি সত্ত্বেও, তাই উজ্জ্বল। আহত

মানুষটির রোগা রোগা শিরাবহুল হাত-পা, এমন-কি জামা-কাপড়, যা এখনো রক্তে ও ধুলো-ময়লা আবর্জনার ছোপে কদর্য, সেও মায়া-মমতার যোগ্য মনে হয় তার। বস্তুত এই মূহূর্তে তার চেতনায় নতুন এক সৌন্দর্যবোধের জন্ম হতে থাকে যেন। এমন-কি ষে-ভালোবাসা দিয়ে কবিতায়, বিশেষ করে এবারের কবিতাগদ্যে, সে রচনা করেছে নারীর নগ্নতার অভ্রদীপ্ত, সেই ভালোবাসা এবং মনোযোগও এই আহত মানুষটিকে উপগৌকন দিতে প্রস্তুত হয় সে, মনে মনে। মৃত্যু-আঘাত থেকে ধীরে ধীরে একটি আহত মানুষের শরীরে রক্তস্পন্দন ফিরে আসছে, একটি রক্তাক্ত হাত বাতাসে গাছের শাখাপ্রশাখার মতো, দুটি দৃশ্য চোখ সূর্যের আলোর তীব্রতাকে সহিতে পেরে আবার উন্মীলিত, এই বোধ অথবা অনুভব তাকে অবিকল নারীর শরীরের দিব্যতার মতোই মৃদু করে।

চতুর্থ বারের চেষ্টায় সে দাঁড়ায়। দাঁড়িয়ে জুতোর অর্থাৎ নিজস্ব স্যান্ডলের খোঁজ করে। ফুটপাতে ইতস্তত ছড়ানো কিছু জুতো চোখে পড়ে তার। নিজের কোনটা দেখতে এবং বন্ধতে পারে না। সেই মূহূর্তেই তার মনে পড়ে কাঁধের ব্যাগের কথা। সে ব্যাগ দেখতে পায় না। উন্মত্ত কোনো জন্তুর চিৎকার বেরিয়ে আসে তার গলা ছিঁড়ে।

—আমার ব্যাগ? আমার কবিতাগদ্য!

তার আতর্নাদ ডালহৌসীর গরম হাওয়ার, মানুষের দৌড়ের, বাসকন্টের, দূরের স্লেগানের, বোমার, লাঠির, অন্য অনেকের আতর্নাদের, মোটরবাইকের গর্জনের ভিতরে ক্রমাগত মিলিয়ে যেতে থাকে।

## প্লিজ স্টপ

- তুমি মিথ্যাক। তোমার সঙ্গে কথা বলবো না।
- কেন ?
- তুমি বলেছিলে রঙের বাক্সো কিনে দেবে ? দিয়েছো ?
- দেবো, সামনের মাসেই। মাইনে পেলেই আগে তোমারটা।
- তুমি দেবে না ছাই। তুমি অমন বলো।
- কেন, দিই নি তোমাকে কিছ্ ?
- ছাই দিয়েছো। টুক্কুলের বাবা টুক্কুলকে কেমন সাইকেল কিনে দিয়েছে। কি সুন্দর লাল।
- লালের ইংরেজি কি ?
- রেড।
- আর সুন্দরের ?
- বিউটিফুল।
- বাঃ, অনেক ইংরেজি শিখে গেছো তো।
- আর শিখবো না।
- কেন, শিখবে না কেন ? ও রকম বলতে নেই।
- তুমি কেন মিথ্যে কথা বলবে ?
- আবার কি মিথ্যে বললুম ?
- তুমি মাকে বলেছিলে ফ্রীজ কিনে দেবে। দিয়েছো ?
- দেবো তো।
- তুমি দেবে না।
- দেবো না ? তুমি একদম জেনে গেছো যে দেবো না ?
- আমার সব বন্ধুদের বাড়িতেই ফ্রীজ আছে। টি. ভি. আছে। আমার বন্ধুরা সবাই টি. ভি.-তে কত কি দেখে। আমিই

দেখি না। ওদের বাড়িতে কত ফানিস্ থাকে। তুমি কখনো  
কিনে দিলে না আমাকে, ফানিস্।

—ফানিস্ কি ?

—এ মা তুমি ফানিস্ জানো না ?

—কি বলতো ?

—তুমি টিনটিন পড়নি বরাবর ? টারজান, ম্যানভ্রেক পড়নি তুমি ?

—না, আমরা তোমার বয়সে ঠাকুমার ঝুলির গল্প শুনতাম।

—ঠাকুমার ঝুলি ? সে কিসের গল্প ?

—ব্যাঙ্গমা-ব্যাঙ্গমি, রাজপুত্র আর রাজকন্যার গল্প। তোমাকে তো কিনে দিয়েছিলুম একটা। পড়নি ?

—ওসব বই আমার ভালো লাগে না ।

—কি রকম ভালো লাগে ?

অনেক ছবি থাকবে, রঙ থাকবে, বন্দুক থাকবে, এরোপ্লেন থাকবে, যুদ্ধ হবে। খুব মারামারি থাকবে। ফায়ারিং হবে। দ্রুম্ দ্রুম্ দ্রুম্। জানো তো আমাদের ক্লাসে একটা ছেলে কি দ্রুস্টন্। ক্লাসে বন্দুক ছুঁড়েছিল। মিস দেখতে পেয়ে বকে দিয়েছিল খুব। ছেলেটা কিন্তু ভীষণ গোঁয়ার। ওর ব্যাগের মধ্যে রোজ বন্দুক থাকে। ও কি বলে জান তো ?

—কি ?

—মিসকে নাকি গাঢ়লি করবে একদিন। গাঢ়লি করলে মিস মরে যাবে। তারপর ওর জেল হবে। ও তখন সুপারম্যান হয়ে জেল থেকে পালাবে ডিনামাইট দিয়ে জেলটাকে ভেঙে। সত্যি কথা ?

—কোনটা ?

—ডিনামাইট দিয়ে জেলখানা ভাঙা যায় ?

—না । তোমাকে ভাবতে হবে না ওসব ।

—তাহলে বইয়ে ওসব লেখে কেন ?

—কোন বইয়ে ?

—ফানিসে ।

—ও সব তো পড়ার বই নয় । গল্পের বই । গল্পের বইয়ে যা লেখে সব সত্যি নয় । আর কথা বলতে হবে না । যাও, একটু হ্যান্ডরাইটিং করো । তোমার হ্যান্ডরাইটিং কিস্তু খুব খারাপ । ইমপ্রুভ করছে না একদম ।

—বাঃ রে, আজ আবার লিখতে বসবো কখন ? মা এলে আমি তো বেরোব ।

—কোথায় ?

—তুঁরির বার্থ ডে নয় আজ ? তুমি ভুলে গেছো । তুমি সব ভুলে যাও ।

—ও, বলোঁছিলে বটে একদিন ।

—আমি জানি, তুমি আমাকে কালার বক্স কিনে দিতেও ভুলে যাবে । টি. ভি. কিনতেও ভুলে যাবে । ক্রিমিকস্ কিনতেও ভুলে যাবে । মা তোমার চেয়ে অনেক ভালো ।

—মা বন্ধি তোমার বার্থ ডে প্রেজেন্টেশান কিনতে গেছে ?

—না । মা গেছে গার্গি মাসীমার বাড়ি । সেখান থেকে বি. ডি. মার্কেটে যাবে আমার জন্যে প্রেজেন্টেশান কিনতে ।

—নিশ্চয় একটা লম্বা লিস্ট ধরিয়ে দিয়েছো মাকে ? কিস্তু মায়ের কাছে যদি টাকা পয়সা না থাকে অত ?

—কেন, থাকবে না কেন ?

—টাকাপয়সা তো থাকে না সবসময় । তাছাড়া এটা মাসের শেষ । এ সময়ে টানাটানি থাকে সকলেরই ।

—তুমি বড্ড মিথ্যে কথা বলো । মোটেও টানাটানি থাকে না সকলের । তাহলে তুঁরির বাবা অত খরচ করে কি করে তুঁরির বার্থ ডে-তে ?

—তুঁরির বাবার ব্যবসা আছে, কারখানা আছে। বড়লোক।  
ওদের কথা বাদ দাও। আমরা মিডল ক্লাস পিপল। আমাদের  
হাতে সব সময় অত টাকা থাকে না।

—থাকে না যদি, তুঁমিও তাহলে কারখানা করলে না কেন?

—ভুল হয়ে গেছে।

—তুঁরির বাবার কটা গাড়ি বল তো?

—অনেক।

—অনেক নয়, তিনটে। একটা কালো, একটা নীল।  
তুঁরিকে তার বাবা সাইকেল কিনে দিয়েছে কবে। যখন এতটুকু।  
তুঁরির বাবা রোজ বিদেশে যায়। জানো তো তুঁরি যা পরে তার  
একটাও আমাদের দেশের নয়। সব ওর বাবা বিদেশ থেকে কিনে  
আনে। তুঁরি কিস্তি একটু বড় হয়ে আর এদেশে পড়বে না।  
আমেরিকায় চলে যাবে। আমি বড় হয়ে কোথায় পড়বো?

—তোমার কোথায় ইচ্ছে বলো।

—তুঁরি যেখানে পড়বে।

—তার মানে আমেরিকায়? বেশ তো, আগে বড় হও।

—আমেরিকা খুব ভালো দেশ।

—কি করে জানলে?

—দেখছো না সকলেই আমেরিকায় চলে যাচ্ছে।

—কারা?

—তুঁরির দাদা থাকে আমেরিকায়। তুঁরির দিদির বিয়ে হয়ে  
আমেরিকায়। সেদিন গার্গি মাসীমা বলছিলেন আমেরিকায়  
যাবেন। গার্গি মাসীমা আমেরিকায় চলে গেলে মায়ের খুব বিপদ  
হবে।

—কেন?

—তুঁমি জানো না বুঁঝি!

—কি বল তো?

—মা না গার্গি মাসীমার কাছ থেকে টাকা ধার নেয় ।

—তাই বন্ধি ! নিয়ে কি করে ?

—জানো না, একবার আমার স্কুলের ফিস্ দেবার টাকা ছিল না মায়ের কাছে । মা দৌড়ে গেছিল গার্গি মাসীমার কাছে । গার্গি মাসীমা বাড়িতে ছিল না । মা পাগলের মতো হয়ে গেছিল তখন ।

—তারপর ?

—তারপর বন্ধি করে ধার নিয়েছিল রাখাল স্টোর্স থেকে । মাকে প্রত্যেক মাসে ধার করতে হয় কেন গো ?

—তুমিই বল না, কেন ?

—আমি জানি ।

—কি ?

—আমরা বন্ধুদের মতো পড়ুর । পড়ুর মানে জানো তো ? গরীব ।

—বন্ধু কে ?

—বন্ধু আমার ক্লাস মেট । আমরা স্কুলবাসে যাই এক সঙ্গে । বন্ধুরা জানো তো, আমাদের চেয়েও পড়ুর । তুরির বার্থডে-তে ও আজ আসবে না । আমি ওকে কত করে বললুম, আয় না, খুব মজা হবে, ও বললো, না ভাই বাবা বারণ করেছে, বাবা কিছুটি কিনে দিতে পারবে না প্রেজেন্টেশনের জন্যে, প্রেজেন্টেশন না নিয়ে কি করে যাই বল, লজ্জা করবে । জানো তো, বন্ধুরা এত পড়ুর যে টিফিনে শুধু আলু সিদ্ধ আর রুটি নিয়ে যায় । আমি ওকে একেক দিন আমার কলা, মিষ্টি, ডিম খেতে দিই ।

—বাঃ, ইউ আর এ গুড গার্ল ।

—কেন গো, গুড গার্ল বললে কেন ?

—তুমি তোমার বন্ধুকে ভালোবাসো বলে ।

—ভালোবাসলে কি হয় ?



—ভালোবাসা উচিত । ইট্‌স্ এ ডিউটি অফ ম্যান ।

—তাহলে তোমরা আমাকে ভালোবাসো না কেন ? তুরির মা কখনো তুরিকে বকে না । তোমরা তো আমাকে রোজ বকো ।

—সে তুমি দ্ব্‌ষ্ট্‌মি করো বলে ।

—তাহলে তুমিও দ্ব্‌ষ্ট্‌মি করো ?

—আমি ! আমি দ্ব্‌ষ্ট্‌মি করবো কার সঙ্গে ?

—তাহলে মা তোমাকে বকে কেন ?

—ওকে বকা বলে না । ওটা হল কথা কাটাকাটি ।

—না, ওটাই বকা । মা তোমাকে খুব বকে । আমি জানি বকে । তারপর মা কাঁদে, মা কালও কেঁদেছে ।

—রুমা ! খুব বাচাল হয়ে উঠেছো তুমি । যাও, এখান থেকে । খুব খারাপ বদভ্যেস তৈরী হচ্ছে তোমার । ইংলিশ মিডিয়ামে পড়েও ম্যানাস্ শিখলে না এখনো ।

—মা কেন কাঁদে আমি জানি ।

—কেন ?

—তোমার উপর রাগ করে নয় । তোমাকে খুব ভালোবাসে বলে ।

—এসব খবরও তোমার জানা হয়ে গেছে ?

—মা আমাকে অনেক কথা বলে ।

—কি বলে ?

—মায়ের ইচ্ছে ছিল না আমাকে ইংলিশ মিডিয়ামে পড়ানোর । তুমিই নাকি জেদ করেছিলে ।

—ঠিকই বলেছে । এখন বৃদ্ধিতে পারছি ঠিকই বলেছিল তোমার মা । তোমার মায়ের কথাটাই শোনা উচিত ছিল আমার । তুমি যা হয়ে উঠছো দিনকে দিন !

—আমাকে বকছো কেন ? আমি তো আর বলিনি যে ইংলিশ স্কুলে পড়াও । তুমি কেন চাইলে, সে তুমি জানো ।

—তুমি মানুষ হবে বলে।

—মানুষ তো হবো।

—কোনও দিনও মানুষ হবে না তুমি।

—কেন, হবো না কেন?

—হলে, তোমার বন্ধু ঝুন্ডুর মতোই রিফিউজ করতে তুরির বার্থ ডে-তে যাওয়া। ঝুন্ডু যেমন তোমাকে বলেছে, তুমিও তেমনি তুরিকে বলতে পারতে—না ভাই, বাবা বারণ করেছে, বাবা কিছুটাট কিনি দিতে পারবে না প্রেজেনটেশনের জন্যে...

—বাঃ রে, ওরকম ভাবে বললে তো তুরি বন্ধু যেতো যে আমরা ঝুন্ডুদের মতো পদ্মের।

—ভাবলে ক্ষতি হতোটা কি?

—বাঃ রে, আমরা ঝুন্ডুদের মতো পদ্মের নাকি? দিদা-র ক্যানসার হয়েছে বলে তোমরা টাকায় কুলোতে পারছো না। দিদা মরে গেলে আমরা আবার...

—রুমা, প্লিজ স্টপ...

## লাগাতার স্ট্রাইকের সপ্তম দিন

মৃগেনবাবু আপিসে হঠাৎ স্ট্রাইক। লাগাতার। মৃগেনবাবু সাংবাদিক এবং সাহিত্যিক। সাহিত্যে স্দুপার-মার্কেটে তাঁর যথেষ্ট খ্যাতি। যতটা খ্যাতিমান হলে বা হয়েছে ভেবে কোন কোন লেখক সিনেকের ঢলঢলে পাঞ্জাবিতে সব সময় সেজে থাকেন ভাবগম্ভীর সভাপতি অথবা প্রধান অতিথি, তিনি ততটাই খ্যাতিমান। খ্যাতিমান বলেই মৃগেনবাবু দ্ব-রকম পোশাক। বাড়িতে লর্দাঙ্গ। কিন্তু আপিসে আগে যা বলা হল। খ্যাতিমান বলেই মৃগেনবাবু দ্ব-রকম কণ্ঠস্বর। বাড়িতে বাড়ির লাটসাহেবের মতো। তারশঙ্করের 'জলসাঘর' যাত্রায় অভিনীত হলে বিশ্বম্ভর রায়ের চরিত্র যে-ভাবে অভিনীত হত, অনেকটা সেই রকম। কিন্তু আপিসে, সভাসমিতিতে, টিভি-রেডিয়োয়, সাহিত্য সম্মেলনে তাঁর বিনীত, বিগলিত, বিলম্বিত, চিবোনো অথচ পুরোটা চিবোনো নয়, যেন তাঁর প্রতিটি বাক্য বাদামের মতো খোসাসম্পন্ন তাই কথা বলতে হয় সেগুলোকে ভেঙে, এই রকম বিশুদ্ধ ও সহজসুলভ। খ্যাতিমান হওয়ার পর থেকে অর্থাৎ নিজেকে খ্যাতিমান মনে হওয়ার পর থেকে মৃগেনবাবু শরীরটাও দ্ব-রকমের। বাড়িতে তিনি লাঠির মতো সোজা। কিন্তু আপিসে এবং অন্যত্র ছাতার বাঁটের মতো ঘাড় অথবা কোমর থেকে বাঁকানো। তিনি যখন নতমস্তকে চলা হাঁটা করেন, যথার্থ বুদ্ধিজীবীর বৈদুষ্যপ্রভার বিচ্ছুরণ ঘটে যায় যেন। এমন কি ঐ রকম অবস্থায় তিনি যদি মনে মনে 'মাছওয়ালী মাগীটা পচা মাছ দিয়ে বেশ ঠকাল তো আজ' জাতীয় ভাবনায় নিমগ্ন থাকেন, পথচারীর অথবা কর্মচারীর অথবা সভাসমিতির ব্যতচারীদের মনে হবে স্পিনোজার দর্শন কিংবা

আধুনিক য়রোপীয় সাহিত্যে স্ৰুফিজমের প্রভাব জাতীয় কোন মহান ভাবনায় ধ্যানের মতো আচ্ছন্ন। মৃগেনবাবদ্র ব্যবহারও দুই প্রকার। কার্যসিদ্ধির প্রয়োজনে তিনি দীর্ঘাতি-দীন। অপরে তাঁর কঙ্কেয় তামাক খেতে চাইছে অনদ্রমান করে নিতে পারলে, ফণা, বিষ ও ল্যাজের ঝাপটাসহ গোথ্রো।

আসলে মৃগেনবাবদ্র মোট দুটি মানদ্রষ, মদ্রলত যদিও এক। দীর্ঘ অধ্যবসায়েই একমাত্র এটা সম্ভবপর। যখন কলেজের ছাত্র, তখন থেকেই তাঁর চরিত্রের এই দ্বিমদ্রখী বিকাশ। মনে মনে নাৎসীরা যতখানি ইহুদীকে, কমদ্র্যনিস্টদের সম্পর্কে ততখানিই ছিল তাঁর ঘৃণা। কিন্তু তাদের সংগঠন-শক্তির দাপটে কখন কি ঘটে যায় এই আশঙ্কায় ছাত্র-ফেডারশনের বেশ কয়েকজন নেতৃস্থানীয়ের সঙ্গে স্ৰুকৌশলে পাতিয়ে রেখেছিলেন এক-গলা বন্ধদ্রত্ব। সাহিত্যিক হিসেবে খ্যাতিমান হওয়ার আগে, এবং সাংবাদিক হিসেবে কোঁচড়-ভর্তি মাইনে পাওয়ার রেওয়াজ শদ্রদ্রর পদ্র্ব যদ্রুগে মৃগেনবাবদ্র আর্থিক সমস্যার স্ৰুরাহায় বেছে নিয়ে-ছিলেন অনদ্রবাদের কাজ। যেহেতু তখনো 'নন অ্যালায়েন্স' নীতি নির্ধারিত হয়নি এবং পণ্ডিত নেহেরু রদ্রশ না আমেরিকা কোন ব্রকে ঝদ্রুকবেন তা ছিল প্রতিদিনের জদ্রলন্ত জিজ্ঞাসা, স্টেইনবেক শেষ করেই মৃগেনবাবদ্র হাত তদ্রুর্গেনিভে।

নিজের আপিসে লাগাতার স্ট্রাইকের খবর পান তিনি মাঝ-রাতে। টেলিফোনে। টেলিফোনে লাগাতার স্ট্রাইকের খবর পাওয়া মাত্রই তিনি কাগজের মালিক ও সম্পাদক দীপ্তেন্দ্র মজদ্রুমদারকে তাঁর বাড়িতে ফোন করার চেষ্টা করেন। ফোনে কিভাবে তিনি স্ট্রাইকের বিরদ্রুদ্ধ এবং ম্যানেজমেন্টের পক্ষে সমর্থন জানাবেন, তার একটা দ্রুত-খসড়াও ছকে নিয়েছিলেন মনে মনে। মৃগেনবাবদ্র এক সময় তাঁর কাগজের তিন নম্বর সম্পাদকীয়টি লিখতেন বেশ কয়েক বছর যাবৎ। কলের জলে সাপ, কেরোসিনের

আকাল, নিউজ প্রিন্টের মূল্যবৃদ্ধি, হাজারিবাগের পাগলা হাতি, জন্ম নিয়ন্ত্রণের গ্রিভুজ, শৌলমারীর সাধু কেন নেতাজী নয়, মহাকাশে মানব, রিকশার উপদ্রব, চিড়িয়াখানায় শীতের অতিথি পাখি, মাধ্যমিকের ফলাফল ইত্যাদি বিষয়ে ঝাটিতি বেগে আধ কলম লেখায় অভ্যস্ত হয়ে উঠেছিলেন যথেষ্ট কৃতিত্ব সহকারে। কার্লাইল শেকস্পীয়র, শেলী, কীটস, সোফোক্লিসের কোটেশন ব্যবহারের রেসিপি ছিল তাঁর করায়ত্ত। তা ছাড়া কলেজ জীবনে ডিবেটে ছিল তাঁর বিশেষ পারদর্শিতা। ফলে যে কোন বিষয়ের পক্ষে অথবা বিপক্ষে যুক্তি-সংযোজনে তিনি ছাত্রাবস্থা থেকেই সক্ষম। টেলিফোনে মালিক ও সম্পাদককে না পেয়ে কাগজের অন্যান্য উচ্চপদস্থদের সঙ্গে যোগাযোগের চেষ্টা করেন। কিন্তু প্রায় আড়াই তিন ঘণ্টার একনিষ্ঠ চেষ্টাতেও তিনি ব্যর্থ হন পদরোপদারি। এবং অনুমান করে নিতে পারেন, সমস্ত ফোনেরই রিসিভার নামানো।

ঘুম মৃগেনবাবুর উদ্যমের উপর ক্রমাগত ছোবল মারায় টেলিফোনের টেবিল থেকে উঠে তিনি নিজের বিছানায় শয়ে ঘুমিয়ে পড়েন অচিরে। ঘুমিয়ে পড়ার পক্ষে তাঁকে ক্যামপোজ-এর মতো সাহায্য করেছিল অকাট্য একাট যুক্তি। এত বড় একটা প্রতিষ্ঠান কি আর পারবে না সামান্য দুশো-চারশো অধস্তন কর্মচারীর লাগাতার স্ট্রাইক ভাঙার গোপন সাবমেরিন বানিয়ে নিতে? সিদ্ধান্তের এই সবলতা অথবা সিদ্ধান্তের প্রতি কংক্রীটে-গাঁথা আঙ্গাই তাঁকে পাড়িয়ে দেয় নিরুদ্দিন নিরাপত্তার ঘুম।

## ॥ প্রথম দিন ॥

যথারীতি নটার মধ্যে এসে যায় রমেশ। মৃগেনবাবুর ড্রাইভার। রমেশ গ্যারেজের চাবি চাইতে ওপরে উঠে আসে। অন্যদিন এ-রকম সময়ে মৃগেনবাবুর দাড়ি কামানো স্নান ইত্যাদি

হয়ে যায়। রমেশ এলে খেতে বসেন। রমেশ গাড়ি ধোয় মোছে। মৃগেনবাবুর খাওয়া হয়ে যায়। সাহেবের চেহারায় ছুটি গন্ধ পেয়ে রমেশ একটু ঘাবড়ে যায়। সে চাবি চাইবে কিনা বুঝতে পারে না। রমেশের সামনেই মৃগেনবাবু সিগারেটটা শেষ করেন। ভরাট অ্যাসট্রের মধ্যে সিগারেটের উদ্ভূত অংশটুকুকে দৃমড়ে-মুচড়ে ঢুকিয়ে তিনি রমেশের দিকে তাকান।

—তুমি তো এসে গেছ। আমাদের আঁপসের খবর শোন নি তার মানে।

—আজ্ঞে না, কি হয়েছে?

—লাগাতার স্ট্রাইক ডেকেছে এক নম্বর ইউনিয়ন।

কথাটা শেষ হতেই তলপেটের নিচের অংশ কুটকুট। লর্দস্টির উপর থেকেই চুলকোতে থাকেন তিনি।

বনশ্রী সামনে এসে দাঁড়ান। স্ত্রী। চুলকোনো থামে না।

—ওকে দাঁড় করিয়ে রেখেছ কেন? যা হোক একটা বলবে তো।

—রমেশ!

—আজ্ঞে...

—কি করবো বলতো...

রমেশ হাত কচলায়। সাহেবের মেজাজ-মজির টাইমটেবল্ তার মুখস্থ। ছুতো পেয়েছেন, গাড়িটা না বেরোলেই সাহেবের খুশি। তেল বাঁচবে। কোম্পানীর গাড়ি। তার উপরে তেল মানে পেট্রোল আর মেনটেনান্স বাবদ পাঁচশো। বাকি অতিরিক্ত খরচা নিজের। সেইটুকু বাঁচানোর জন্যে সাহেবের অষ্টপ্রহর হিসেব-নিকেশ।

—তাহলে আজ না হয় নাই বেরোলেন...

রমেশের শরীরে বাঁক নেওয়ার একটা ঝোঁক ফুটে ওঠার মদহুতেই বনশ্রীর গলা।

—তুমি বেরোবে না তো ডুম্‌ব যাবে কি করে ?

—ডুম্‌ব কোথায় যাবে ? ওর তো কলেজ ছুটি ।

—বাঃ তোমাকে চারদিন আগে বলে রেখেছে লেক গার্ডেনসে  
ওর এক বন্ধুর বার্থডে... ।

মৃগেনবাবুর খেঁচিয়ে উঠতে ইচ্ছে করে । কিংবা খিস্তির  
মতো কোনো খোঁচা মারা । বাপের পেটল পুড়িয়ে মেয়ের ফর্টি-  
নর্টি । তাঁর আধা পিউরিটান স্বভাবে গ্যাসটাইট্রিসের মতো  
জ্বালা । কিন্তু বনশ্রী শুনতে পান তাঁর অতিশয় সৌজন্য  
পারিপাট্য কণ্ঠস্বর ।

—তাহলে ওকে চারিটা দিয়ে দাও গ্যারাজের ।

রমেশ চারি নিয়ে নামবার সময় বলে—গোবিন্দ তো ডিউটিতে  
গেল ।

—গোবিন্দ ? ডিউটিতে গেল ?

নিজের গালে চড় মারতে ইচ্ছা করে মৃগেনবাবুর । কী  
আশ্চর্য, অনিমেষের কথা একবারও মনে পড়ল না সকাল থেকে ?  
গোবিন্দ অনিমেষের ড্রাইভার । রমেশ আর গোবিন্দ দুজনেই  
থাকে এক জায়গায় । সোদপুড়ে । রমেশ গোবিন্দের নামটা না  
করলে অনিমেষকে হয়তো সারা দিনেও মনে পড়ত না আমার !

অনিমেষ তাঁর সেরা দোস্ত । দুই বন্ধু, সেই কলেজ লাইফ  
থেকে বন্ধুত্ব । একসঙ্গে জয়েন করেছিলেন খবরের কাগজের  
চার্কিতে । তিনমাস পরে দুজনেরই রিটায়ার্ড হওয়ার কথা ।  
একস্টেনশন পাওয়ার ব্যাপারে দুজনেই অনিশ্চিত । কিভাবে  
একস্টেনশনটা বাগানো যায় সে-সলাপরামর্শে মৃগেনবাবু  
অনিমেষের উপর অনেকখানি নির্ভরশীল । স্ট্রাইকের ব্যাপারে  
অনিমেষ কি ভাবছে সেটা জানার জন্যে আরেক রকম চুলকোনি  
ছাড়িয়ে পড়ল তাঁর মনে ।

অনিমেষের বদলে ফোন ধরল টুর্লি ।

—বাবা তো ঘণ্টাখানেক আগে বেরিয়ে গেছেন ।

—কোথায় গেছে জানো নাকি ?

—না, একটা ফোন এল, বাবা তাড়াতাড়ি বেরিয়ে গেলেন খেয়ে দেয়ে ।

মৃগেনবাবুর শরীরে তৎক্ষণাৎ ভূমিকম্প । যথেষ্ট বাঁদরামি করেছি আমি । নিশ্চয় ওকে ম্যানেজমেন্টের কেউ ফোন করেছিল । নইলে এত তড়িঘড়ি বেরোবে কেন । স্ট্রাইকের সন্বাদে ম্যানেজমেন্টের কারো সঙ্গে গাঁটছড়া বাঁধার তালে আছে অথবা তাল খুঁজছে নিশ্চয়ই । খবরের কাগজের পলিটিকস্, আসল পলিটিকসের ঠাকুর্দা । পলকে পলকে তার রঙ বদল । সে যাই হোক, ম্যানেজমেন্টের লোহার বাসরে ও কোন্ ফাঁক দিয়ে ঢুকতে চাইছে, সেটার হৃদিস নেওয়াটা এখন এমার্জেন্সীর মতো জরুরী ।

ডুমুরকে রেডি হতে বলে আর একটা চারমিনার ধরিয়ে মৃগেনবাবু বাথরুমে ঢুকলেন । তাঁর স্নান খাওয়া, রেডি হওয়া, গাড়ি চাপা ইত্যাদি ঘটে যায় অ্যানিমেশন ফিল্মের মতো ঝট্কা বেগে । গাড়ি মিশন রো আর সেন্ট্রাল অ্যাভিনিউয়ের ক্রসিংয়ে পৌঁছলে তিনি ড্রাইভারকে নির্দেশ দেন বাঁ দিকে না বেঁকে সোজা এগোতে ।

—শোনো, বোর্ডিংক স্ট্রীট ধরে চলো । আমি কফি-হাউসে স্বাবো । তুমি আমাকে ভিকটোরিয়া হাউসের কাছে নামিয়ে দেবে ।

গাড়ি থেকে নামবার মূখে ডুমুরকে

—ডুমুর, এখানে কি পরিস্থিতি জানি না । গাড়িটার দরকারও হতে পারে হয়তো । তুমি নেমেই ছেড়ে দিও ওকে । তোমার বন্ধুরা কেউ পৌঁছে দিতে পারবে ?

—ফেরার সময় আমার কোনো অসুবিধে হবে না, বাবা । তুমি স্বাও । ওদের তিনটে গাড়ি ।



গাড়ি চলে যায়। অনিমেষকে পাকড়ানোর জন্যে তাঁর ভিতরে হাজার হস'পাওয়ারের টেনসান। কিন্তু নিজেকে সংহত করেন তিনি। একটু দাঁড়িয়ে কয়েকটা জরুরী হিসেব সেরে নিতে হয় তাঁকে। স্ট্রাইকের ব্যাপারে কোন্ পক্ষের কি মনোভাব তিনি জানেন না। এমনও তো হতে পারে জার্নালিস্ট গ্রুপের গোপন সমর্থন রয়েছে স্ট্রাইকে। আর কর্ফি-হাউস, না ঢুকেও তিনি বদ্ব্যভাৱে পারেন, এখন তাঁদের কাগজের সাংবাদিক শ্রেণীর সমাবেশে গম্-গম্। ষোলো বছর আগে আরো একবার এই কর্ফি হাউস হয়ে উঠেছিল স্ট্রাইক-বিরোধীদের শিবির।

তাহলে আমার মূখের অভিব্যক্তিটা কেমন হবে? ক্রুদ্ধ, বিরক্ত অথবা অ্যাজিটেটেড মনে হলে কেউ কেউ ভাববে আমি ম্যানেজ-মেন্টের পক্ষে। স্ট্রাইক-সমর্থকরা খচবে। বিষন্ন, বিপদাপন্ন হলেও তাই। আমার মূখশ্রী প্রশান্ত এবং উদ্বেগহীন হলে ম্যানেজমেন্ট পক্ষের চামচেরা রিটিয়ে দেবে আমি স্ট্রাইকের সমর্থক হয়তো বা। এখানে 'রাষ্ট্রপতির শাসন কি গণতান্ত্রিক ভারতবর্ষের পক্ষে অপরিহার্য?' এই রকম কোনো সেমিনারের অন্যতম বক্তার মতো থট্-ফুল একস্প্রেশনটাই হবে ঠিকমতো মানানসই।

সেই রকম মূখোশ পরেই মৃগেনবাবু কর্ফি হাউসে ঢোকেন। সিগারেটের ধোঁয়ায় হাউসের ভিতরে তখন শীতের কুয়াশা। কুয়াশাটাকে ভারী করে তুলেছে প্রত্যেক টেবিলের টগবগে কথা-তর্ক-চিৎকার মিলিয়ে অবয়বহীন একটা শব্দরোল। সে শব্দরোল যেন ধাক্কা মেরে সরিয়ে দিতে চায় মৃগেনবাবুকে। মৃগেনবাবুও বদ্ব্যভাৱে পারেন না এই কুয়াশা ও শব্দরোল ঠেলে কোথায় তাঁর পেঁছনোর জায়গা। শূরু-হয়ে-যাওয়া সিনেমা-থিয়েটারে ঢুকলেও এই রকম দিশেহারা লাগে। সেই নিরেট অন্ধকারকে চোখে সইয়ে নেওয়ার জন্যে দাঁড়িয়ে থাকতে হয় কিছুক্ষণ। মৃগেনবাবুও দাঁড়িয়ে থাকেন।

ক্রমে আঁধার সরতে থাকে। জাগে অনুধাবনযোগ্য চরাচর। প্রথম দফায় তাঁর মনে হয়েছিল সবই অপরিচিত বা অল্প-পরিচিতের ভিড়। একটু পরে চেনা পরিচিত অজস্র মুখ চোখে পড়ে চতুর্দিকে। কেউ কেউ তাঁকে চেঁচিয়ে উত্তেজনায ডাকও দেয়। মৃগেন হাত তুলে রেসপন্স জানান। কিন্তু এগোন না। এক পলকের জন্যে মনে হয় যেন তিনি গ্রহণ করছেন গার্ড অফ অনার। ধীরে তাঁর উত্তোলিত বাহুটি নামান। আর তখনই তিনি শূন্যে পান চেনা গলার ডাক। সে ডাকের উৎসের দিকে তিনি এগোতে থাকেন এঁকে বেঁকে, প্রায় হাঁটার অযোগ্য চেয়ারের ভিড় ঠেলে। একটা হাউসে তিনটে হাউসের লোক।

থামেন একেবারে শেষের দিকের কোণে। গোলাকার আড্ডা। মৃগেনবাবুকে বসবার জন্যে অতিরিক্ত জায়গা বের করে দিতে প্রত্যেকে নিজের চেয়ার সাঁরিয়ে নাড়িয়ে পিছিয়ে নেয়। জায়গা বেরোয়। কিন্তু বারংবারের অনুরোধ সত্ত্বেও কোন চেয়ার এসে পৌঁছয় না। ম্যানেজার জানান, আর চেয়ার দেওয়া অসম্ভব। অগত্যা সন্দীপ চট্টোপাধ্যায়ের সঙ্গে ভাগাভাগি করে এক চেয়ারে বসতে বাধ্য হন তিনি। সন্দীপ চট্টোপাধ্যায় হাল-আমলের একজন উল্লেখ্যলেখক। শীতের মরশুমের ফুলকপি মতো তাঁর লেখার চাহিদা। মৃগেনবাবুর গ্রুপ ন্যাসটি এবং অবনক্‌শাস বলে যতই ভুরু কঁচকোক, কোম্পানীর কাছে তার জামাই-আদর। মানসিক অস্থিতি সত্ত্বেও তাঁকে সন্দীপের গায়ে গা ঠেকিয়ে বসতে হয়। কারণ সেইই প্রথম আগ্রহ সহকারে আহ্বান জানিয়েছে। নিজের দীর্ঘ শরীরের ভারসাম্য রক্ষার খাতিরে তাঁকে হাত রাখতে হয় সন্দীপের পিঠে। না, অনিমেষ নেই এখানে। যদিও এ আড্ডাটা সহকর্মী সাহিত্যিকদের। অনিমেষ তাহলে কোন্ বৈঠকে, কোথায়?

আধঘণ্টায় আড্ডায় তাঁর জানা হয়ে যায় এক নম্বর ইউনিয়নের

হঠাৎ লাগাতার স্ট্রাইক ডাকার কার্যকারণ। আরো আধঘণ্টার আড্ডায় তিনি জানতে পারেন আজ সকাল থেকে মালিক পক্ষ নিখোঁজ। কমকর্তারা কেউ টেলিফোনে তাঁদের ধরতে পারছেন না। দেড় ঘণ্টার মাথায় তিনি টের পেয়ে যান সাংবাদিকরা, বিশেষ করে যারা বয়সে তরুণ, স্ট্রাইকের বিরুদ্ধে খড়াহস্ত। অপরিদাকৈ মালিকপক্ষের সঙ্গে কমিউনিকেশন গ্যাপ নিয়েও তারা সমপরিমাণ উত্তেজিত। দু' ঘণ্টার মাথায় কফি হাউসে ছাড়িয়ে পড়ে এক মারাত্মক স্কদুপ। মালিক পক্ষই নাকি ছক্ সাজিয়েছিল এমনভাবে যাতে স্ট্রাইক হয়ে ওঠে অবশ্যম্ভাবী। এই সময় একটা লম্বা স্ট্রাইক চললে নাকি একটা মোটা অঙ্কের ব্যাঙ্ক-পেমেন্টের সন্ধান হই। এইভাবে, ফ্রাইম-থ্রিলার যেন, যেন দৃশ্যে দৃশ্যে রক্ত-কাঁপানো সাসপেন্স, প্রতি আধঘণ্টায় নানা ঘোড়ার মূখ থেকে নানান টাটকা খবরে কফি হাউসের ভিতরটা পূজোর ছদ্মটির সেকেন্ড ক্লাস কমপার্টমেন্ট।

স্ট্রাইক মিটে যাবে দু'চার দিনের মধ্যেই। মন্ত্র্যমন্ত্রী রাজী হয়েছেন ইনটারভেনশনে। স্ট্রাইক চলছে, চলবে। ডেলি পেপার বন্ধ রেখে মালিক পক্ষ অন্যসব কিছু বের করবেন মাদ্রাজ থেকে। অলরেডি ম্যানেজমেন্টের টপ্পা পাড়ি দিয়েছেন বোম্বেয়। সেইখানে তৈরী হবে ভবিষ্যৎ অ্যাকশনের রু-প্রিন্ট। মন্ত্র্যমন্ত্রী যাই বলুন, পার্টি তাদের ডিশিসানে ফার্ম। কাল থেকে ওরা নামছে আন্দোলনকে মদত দিতে। রাজ্যপাল দিল্লীকে নোট পাঠিয়েছেন আজ সকালে। পরশুই হয়তো প্রেসিডেন্টস রুল। ম্যানেজমেন্ট আজ রাতে গোপন বৈঠকে বসছে কলকাতারই কোন এক জায়গায়। ম্যানেজমেন্ট আমাদের সামনে আসছে না কেন? আমরা কি রাস্তার ভিখারি? আনসার্টেন পিরিয়ড পর্যন্ত স্ট্রাইক চললে আমাদের মাইনে দেবে কে? হোয়াই স্কাড উই সাফার? লক্-আউট, লক্-আউট, কোম্পানী লক্-আউটের কথা ভাবছে। এ স্ট্রাইক, আমি

লিখে দিচ্ছি তিন মাসের আগে মিটবে না। প্রেসিডেন্ট জানতে চেয়েছেন স্ট্রাইকের ডিটেল। এটা আজ দুপুরের রেডিও নিউজ।

ঘাড়ের কাঁটায় যখন সাড়ে ছটা মৃগেনবাবু পারমাণবিক চুল্লীর ভিতর থেকে বেরিয়ে আসেন। গাড়িতে ওঠার মুখে রমেশ বলে—  
তেল নিতে হবে কিন্তু।

—তেল? কেন তেল নেই? সব শেষ করে এলে?

—লেক গার্ডেনসেই তো ঘুরেছি আধঘণ্টা। দিদিমাণি বাড়ি চিনতে পারেননি।

—যেমন তোমার দিদিমাণি, তেমনি তুমি। কাল থেকে আর গাড়ি বের করতে হবে না। তোমার ছুটি। বুদ্ধেছ। আমি খবর পাঠালে আসবে।

মৃগেনবাবুর দপ্ করে জ্বলে ওঠার পিছনের কারণটা শুধু পেট্রলের খরচা নয়। কফি হাউসে আড্ডা দিতে বসে তাঁকে পার্স খুলতে হয়েছে তিনবার। গাঁটগচা গেছে গোটা বাইশেক টাকা। মৃগেনবাবু অমিতব্যয়ে অনভ্যস্ত। তিরিষ্কি হতে বাধ্য।

॥ দ্বিতীয়, তৃতীয়, চতুর্থ, পঞ্চম ও ষষ্ঠ দিন ॥

হুকুম অনুযায়ী রমেশ পরের দিন থেকে অনুপস্থিত। মৃগেনবাবুও আপিস বেরনো না-বেরনো সম্পর্কে আপাদমস্তক উদ্বেগহীন। এ-কদিন নিজের বিবেককে তিনি যে-জাতীয় যুক্তি পরম্পরায় গড়ে-পিটে নিয়েছিলেন তা এই রকম—

কফি-হাউসের একদিনের আড্ডায় বুদ্ধে গেছি, এ স্ট্রাইক মেটার নয় এখনি। বিয়ে-বাড়ির ছ্যাঁচড়া। এক আঁচে চৌষটি রকম আনাজ-পাতি। তাছাড়া মালিকপক্ষই যখন আঁড়ার গ্রাউণ্ডে, তখন নিয়মিত হাজিরা উদ্দেশ্যহীন ও অবান্তর। আবার রোজ হাজিরা মানে তো পেট্রল প্লাস খাওয়ার টেবিলের গাঁটগচা মিলিয়ে

ডেলি ব্রিশ-প'য়ব্রিশ। কোম্পানীই যদি লাটে ওঠে, পেট্রলের খরচ যোগাবো কি গাঁটের কড়ি ঢেলে? এসব কথা বাদ দিয়েও যদি ভাবি, এ-স্ট্রাইক আমার কাছে তেমন কোন সাংঘাতিক সর্বনাশ নয়। রিটার্ড হতে আর তিন মাস। ম্যানেজমেন্টের যতটা গুড বুক থাকলে একস্টেনশন মেলে, দৈবক্রমে তা নই। যতই ছেনালীপনা করি, মূলত আমি একজন শিক্ষিত ভদ্রলোক। আমার মান-সম্মানবোধ প্রখর। আমাকে কেউ ফ্যালনা ভাবুক, বরদাস্তে নারাজ। সাপ্তাহিক 'ভাবনা'-র সম্পাদক রিটার্ড করলে সে চেয়ারে বসানো হবে আমাকে, উপরমহলের ফিসফাস থেকেই সারা আপিসে ছড়িয়ে পড়েছিল খবরটা। কিন্তু সেখানে বসানো হল আমার চেয়ে জুনিয়রকে। অপমানের আগুনে পুড়ে পুড়ে কালো হয়েছি রোজ। কাঠ-বাঙাল। প্রতিশোধ-স্পৃহা আমার নাড়ীতে নাড়ীতে পদ্মা-মেঘনার মতো ফুঁসতে থাকে ঐ সময়। এরই কিছুদিন পরে কানে আসে 'প্রাত্যহিক' পত্রিকাগোষ্ঠী পরিকল্পনা করছে একটা সাপ্তাহিকের। কোম্পানীর সঙ্গে আমার ব্যাড-রিলেশনের খবরটা তাঁদের কানে পৌঁছে দিই কৌশলে। ডাক আসে সেখানে। যোগাযোগ চলে গোপনে। কিন্তু এসব খবর গোপন রাখা মূর্শকিল। জনাজানিও হয়ে যায় গোপনে। সাপ্তাহিক-এর পরিকল্পনা অনেকদূর পর্যন্ত এগিয়ে বন্ধ হয়ে যায় হঠাৎ। আমি ম্যানেজমেন্টের বিষয়জরে পড়ি। আমাকে টাইট দেওয়া শুরু হয়। গত বছরই প্রথম শারদীয় উপন্যাস চাওয়া হল না আমার। এক কোপে ছ হাজার টাকা নিমূল। আমাকে রিভিউ লিখতে দেওয়া হয়। ছেপে বেরোলে দেখি, আসল আসল জায়গায়, যেখানেই একটু আধটু হুলের দাগ, কেটে ফাঁক। আগে কোম্পানীর যে-কোন পার্টিতে নিমন্ত্রণ-পত্র পৌঁছত টেবিলে। আজকাল ঝাড়াই-বাছাই সেখানেও। অর্থাৎ ঠারে-ঠোরে প্রতিদিনই জানিয়ে দেওয়া হচ্ছে আমি এখন বাতিলের খাতায়। \* অতএব

একস্টেনশন দুরাশা। অনিমেষ জাল ফেলছে। ফেলুক। তাতেই বা কি হবে? বড় জোর একবছর। যে-কাগজে আমি নিতান্তই পরগাছা, নাড়ীর টান গেছে ছিঁড়ে, সে-কাগজ মরল কি বাঁচল, ডুবল কি ভাসল আমার হেডেক থাকার কথা নয়। লেট ইট্ ডাই ইটস্ নর্মাল ডেথ্।

লাগাতার স্ট্রাইকের ছদিনের রাত্রি পর্যন্ত মৃগেনবাবু এইভাবে নিজের সজ্ঞান চেতনার গায়ে এঁটে রেখেছিলেন সবল যুক্তির বর্ম, সার্তদিনের সকাল থেকে সে-বর্মে উপযর্পির অম্ভাঘাত।

## ॥ সপ্তম দিন ॥

সকালে বিছানায় আধশোওয়া ভিজিতে, গরম চায়ের কাপে চুমুক দিতে না দিতেই দমকলের ঘণ্টার মতো টেলিফোনের বন্বনানি। তুলতেই অনিমেষের গলা।

—অনিমেষ? কোথায় ছিল তুই?

—আমি? আরে আমি তো বারো তারিখ থেকে জলপাই-গুড়িতে। উত্তরবঙ্গ সাহিত্য সম্মেলনের সভাপতি। স্ট্রাইকের খবর তো পেলাম ওখানেই। পরশু ফিরেছি। ইতিমধ্যে জল অনেকদূর গাড়িয়েছে। শোন, খুব জরুরী দরকার আছে। তোকে আজ বেরতে হবে। ঠিকানা বলে দিচ্ছি। আমরা ওখানে মিট করছি এগারোটার সময়।

—আমরা মানে কারা?

—আমরা মানে আমরা। তুই, আমি, সুধীর, পঙ্কজ, হরিসাধন, তরুণ এই রকম সব। মোটামুটি ধরে নে অ্যান্টি-ম্যানেজমেন্ট যারা। আমরা একটা কমিটি করেছি। ইউনাইটেড ফ্রন্ট। এই ফ্রন্টই এখন নেতৃত্ব দেবে। আন্দোলনের। সঙ্গে থাকছে নন-স্ট্রাইকাররা।

—আন্দোলনটা কার বিরুদ্ধে বা পক্ষে ?

—এসব কথা টেলিফোনে বোঝানো মদুশকিল। আমাদের আন্দোলনটা অ্যাপারেন্টলি মনে হবে দম্‌মদুখো। আমরা যেহেতু স্ট্রাইকারদের বিরুদ্ধে গড়ে তুলবো জনমত। আবার সেই সঙ্গে এক্সপোজ করবো এই স্ট্রাইকের পিছনের রাজনৈতিক সমর্থন। প্রমাণ করে দেবো স্ট্রাইকটা একটা পলিটিক্যাল গেম। এর সঙ্গে স্ট্রাইকারদের দাবী-দাওয়ার সম্পর্কটা বাইরে থেকে চাপানো। এটসেটরা, এটসেটরা। আসলে আমাদের আন্দোলনটা ত্রিমুখী। আমাদের আসল লড়াই ম্যানেজমেন্টের বিরুদ্ধে। ফ্রণ্টের নেতৃত্বে স্ট্রাইকটাকে ভাঙতে পারলে, ম্যানেজমেন্টকে আমরাই ডিকটেট করবো টার্মস। যে-ম্যানেজমেন্ট তোকে আর ঔপন্যাসিক মনে করে না, আমাকে লিখতে দেয়নি তিন বছর, শশাঙ্ককে দেয়নি পাওনা ইনস্ক্রিমেন্ট, সন্ধ্যীরকে সাজিয়ে রেখেছে ঢপের ঠাকুর, পঙ্কজকে ‘প্রাত্যহিক’ থেকে সরিয়ে এনে ইনভ্যালিড করে রেখেছে আড়াই বছর, হরিসাধনকে এখনো পর্যন্ত কোনো ডেজগনেশন দিল না, অথচ হঠাৎ হঠাৎ প্রেম চাগড়া দিয়ে উঠলে একে পাঠাচ্ছে লন্ডন, তাকে আমেরিকা, ওকে জাপান, ইয়েসম্যানদের ঝপাঝপ্ গাড়ি, সেকেল বাবদদের রাঁড় পোষা আর কি...বুঝতে পারছিঁস ?

—পার্টলি, তুই যা বলছিঁস তা যদি সত্যি হয়, তো তোদের, বা ধর আমাদের, এই আন্দোলনের গোপন মোটিভেশন ম্যানেজমেন্ট আঁচ করতে পারবে না ?

—ম্যানেজমেন্টের ব্যাপারটা একটু গোলমালে। তারা গা ঢাকা দিয়ে থাকার ফলে সকলের মনে একটা সন্দেহ দেখা দিয়েছে, নিশ্চয় লক্-আউট বা অন্য কিছ্ করার মতলব আঁটছে তলায় তলায়। স্ট্রাইকারদের সঙ্গে কোনো ভাবেই আলোচনায় বসতে রাজী নয়, সে কথাটাও বাজারে ছড়িয়েছে বেশ। তার মানে ম্যানেজমেন্ট চায় না ইমিডিয়েট কোনো সলিউশন। সেটাই হয়েছে আমাদের পক্ষে জোট

বাঁধার মোক্ষম সর্দবিধে । স্ট্রাইকার বাদে বাকী সব বয়সের কর্ম-চারীই এখন জমায়েত হতে চাইছে ফ্রণ্টের নেতৃত্বে । এ সন্যোগ কখনো ছাড়া যায় না, ছাড়বোও না ।

—কিন্তু আমি তো ড্রাইভারকে ছদ্মিটি দিয়ে দিয়েছি ।

—ট্যাক্স করে চলে আয় । ফেরার সময় গাড়ির ব্যবস্থা করা যাবে । ও, তোকে আরও একটা কথা বলা হয়নি । আজ বিকেল থেকে কলকাতার নানা জায়গায় আমরা মিছিল এবং মিটিং অর্গানাইজ করছি, স্ট্রাইকের বিরুদ্ধে । আমরা জনগণকে জানাব—মূলত এই স্ট্রাইক এক বিশেষ রাজনৈতিক দলের স্বার্থ প্রণোদিত । তোকে বলতে হবে ।

—মিটিং-এ, মানে পাবলিক মিটিং-এ ?

—অবভিয়াসলি ।

—সে কিরে ? পাবলিক মিটিং-এ কি বলবোঁ আমি ? তা ছাড়া রাজনীতি-টাজনীতির ব্যাপারে আমি কিন্তু, সিরিয়াসলি—

—ইয়ার্ক রাখ । আমিও কি প্রফেশনাল পলিটিক্যাল অ্যাজিটেটর নাকি ? জুর্লিয়াস সীজারে অ্যাণ্টনীও বস্তা ছিল না । ঘটনার চাপ তাকে ওরেটর বানিয়ে ছাড়ল । তাই না ?

টেলিফোন নামিয়ে রেখে মৃগেনবাবু দ্রুত একটা চারমিনার ধরান । আঠারো বছরের যুবকের মতো লাফিয়ে নামেন বিছানা থেকে । খেয়াল ছিল না, লুঙ্গির গিঁটটা খোলা । খাট থেকে নামার সঙ্গে সঙ্গেই তিনি উলঙ্গ । পুরনো খোলসের মতো লুঙ্গিটা খসে পড়ে পায়ের তলায় । ভাগ্যিস তখন ঘরে কেউ ছিল না । থাকার কথাও নয় । বনগ্রী বাথরুমে । ছেলেমেয়েরা ঘুমন্ত । হাজার হর্সপাওয়ারের টেনশন তাঁকে দাঁড়াতে দেয় না । উলঙ্গ তাঁকে কেউ যেন ড্রেসিং টেবিলের আয়না পর্যন্ত টেনে আনে । বুক থেকে পা পর্যন্ত নিজের লোমশ চেহারায় তিনি প্রত্যক্ষ করেন বৃহৎ



সম্ভাবনাময় এক সাহসী পুরুষকে । নগ্ন অবয়বের দিকে তাকিয়ে  
তিনি মনে মনে উচ্চারণ করেন

—আমাকে তেজস্বী হতে হবে । অকুতোভয় । আনডণ্টেড ।

আয়নার প্রতিফলিত মহামানবের মতো বিশাল মানদুর্ষটির  
পদধূলি নেওয়ার জন্যে মৃগেনবাবু নিজেকে দখানা করে ভাঙেন ।  
না, পদধূলি নয়, পায়ের তলা থেকে লুঙ্গিটাকে টেনে তোলেন  
তিনি । গিঁট বাঁধেন কোমরে । বিছানা থেকে বাঁ হাতের মুঠোয়  
খামচে তুলে নেন সিগারেটের প্যাকেট এবং দেশলাই । সঙ্গে সঙ্গে  
হাজার পাওয়ারের টেনশন তাঁকে ঠেলে নিয়ে যায় ছাদের দিকে ।  
ছাদের উপরে মহাকাশ । নিচে ডাইনে বাঁয়ে দূরে অদূরে ছড়ানো  
অট্টালিকামালার কলকাতা । ছাদটাকে একটা বৃহৎ মণ্ডের মতো  
মনে হয় তাঁর । আরও মনে হয়, যেন সমস্ত অট্টালিকার মূখ এই  
ছাদের দিকে । প্রত্যেকটি অট্টালিকার মূখে উৎকণ্ঠ প্রতীক্ষা ।  
রাজনৈতিক অপশাসনে তাদের প্রত্যেকের মূখে ক্ষয়িচ্ছ, ক্ষতিচ্ছ ।  
তাদের বিকাশ ব্যাহত । তাদের চোয়ালে চাপা প্রতিবাদ । তারা  
মিথ্যায় জর্জর । তারা সত্যের, ন্যায়ের, মহৎ আদর্শের দীক্ষা  
চায় । কিন্তু দীক্ষাদাতার অভাবে তাদের মূখমণ্ডল পাংশু, রক্ত  
হরিদ্রাভ ।

—প্রিয় বন্ধুগণ...

না, এটা মামূলি । মেটে মেটে । নৈর্ব্যক্তিক । আমার  
প্রথম জনসভার বক্তৃতা হবে মহাভারতের গীতার মতো এক মহা-  
উদ্ঘাটন ।

—সংগ্রামী বন্ধুগণ ও সহযোগী শ্রোতাবৃন্দ...

জনসভা, পথসভা, মিছিল । কদমে আমাদের জয়যাত্রা । স্বপ্ন  
সম্ভব হলে কমপক্ষে সাত বছরের একটেনশন । আবার ছ হাজারের  
উপন্যাস । গাড়ি টেলিফোন তো আছেই । আরও কিছু চাই ।  
চাই কতৃৎ । চাই অপমানের পাশ্চাৎ প্রতিশোধ ।

—আমি মার্কসবাদী নই। কিন্তু মার্কসবাদ আমার অঙ্গপস্বৰূপ  
পড়া আছে। ছাত্রজীবনে। ছাত্রজীবনে আমি ছিলাম বামপন্থী  
আন্দোলনের ঘনিষ্ঠ কর্মী...

হ্যাঁ, কলকাতা শুনছে। ক্রমশ চঞ্চল হয়ে উঠছে কলকাতা।  
খুলে যাচ্ছে কলকাতার বন্ধ দরজা-জানলা। কাতারে কাতারে  
মানুষ বেরিয়ে আসছে পথে। দীক্ষামন্ত্রের এক একটি শব্দ  
চমকে উঠছে তারা, মন্ত্রের ভিতরকার মঙ্গলদীপের আলো অগ্নি-  
রেখায় প্রতিটি মুখে এঁকে চলেছে নবজন্মের আকৃতি কিংবা  
আততি। আজ আমারও নবজন্ম। পুনর্জন্ম। সাতবছর  
আগে কোনো লিটেরারি সাপ্লিমেন্ট বেরোলে আমিই হতাম তার  
সর্বাধিনায়ক। সাতবছর পরে আবার ফিরে পাবো, ছিনিয়ে নেবো  
সেই কর্তৃত্বময় দাপট। আমি ফ্যালনা হওয়ার জন্যে জন্মাইনি।

—কিন্তু যে মার্কসবাদ সংবাদপত্রের, সাংবাদিকের স্বাধীনতার  
উপর হাঁকাতে চায় বদলডোজার...

কোটী কোটী হাতের করতালি ধ্বনি কানে আসে মৃগেন-  
বাবুর

নিজের প্রতিভার এই অভূতপূর্ব উন্মোচনে অভিভূত হয়ে  
পড়েন তিনি। অথচ এখন তো মাত্র রিহাসাল। মানসিক খসড়া।  
এতদিন কলকাতা জেনেছে আমি শুদ্ধই একজন সাহিত্যিক। আজ  
জানবে আমি একজন দক্ষ, বিচক্ষণ।

যাত্রার নায়কের মতো মণ্ডের অর্থাৎ ছাদের চতুর্দিক ঘুরে ঘুরে  
রিহাসাল দিয়ে চলেছিলেন তিনি, মনে মনে। হাজার হর্সপাওয়ারের  
টেনশন তাঁকে স্থির হতে দিচ্ছিল না একবারও। অতিরিক্ত  
আবেগমনস্ক। ফলে অন্যমনস্ক হয়ে পড়েছিলেন তিনি বাধ্যতাই।  
তার ফলেই ঘটে যায় আচার্য্যবত দৃষ্টিভঙ্গি। তাঁর পতনের শব্দ  
একতলার ভাড়াটে এবং দোতলার নিজের সংসারের লোকজন ছুটে  
আসে ছাদে। ছাদের এক প্রান্তে দাঁড় করিয়ে রাখা বাঁশের স্তূপের

তলদেশ থেকে তাঁকে টেনে বের করতে বেশ হিমসিম খেয়ে যায় সকলে ।

না, তিনি অজ্ঞান অথবা অচৈতন্য হননি এতটুকুও । হবেনই বা কেন ? তিনি এখন সংবাদপত্রের স্বাধীনতার সপক্ষে একজন অপরাজেয় যোদ্ধা ।

চশমাটাই যা ভেঙেছে শূন্য ।

বিকেলের বস্তুতায় তিনি শূন্য দেখতে পাবেন না কলকাতা তাঁকে কিভাবে দেখছে ।

## গান থেকে ফেরা

রবীন্দ্রসদন থেকে বেরিয়ে তেরো মিনিটের মাথায় দুজনে পাশাপাশি বসবার সীট-সহ বাড়ি-ফেরার প্রাইভেট বাস, টাটা-সেণ্টারের কাছে ময়দানের কুলপি-বরফ হাওয়া, বারংবার বন্ধের উপর নমিতার সিস্কের শাড়ির অঁচল, অনেকদিন পরে নমিতার গায়ে সিস্কের শাড়ি, নমিতার চুলে ফল্‌স দিয়ে বানানো ঘটির মাপের খোঁপা, নমিতার মুখে ভাঁজহীন প্রশান্তি, গান ভাঙার পর ব্যাক-স্টেজে সূচিগ্রা মিত্রের সঙ্গে নমিতার মিনিট কয়েকের মিষ্টি আলাপের অপ্রত্যাশিত ঘটনা, আলাপের সময় নমিতার হঠাৎ বিয়ের আগের নমিতা হয়ে-যাওয়া, বিয়ের বাইশ বছর পরেও যোগ্য পরিবেশে শরীর ও মনের পাথর খসিয়ে প্রবল-সংসারী নমিতার পক্ষে কুমারী নমিতায় প্রত্যাবর্তনের অপচয়হীন ক্ষমতার পরিচয়, আর সর্বোপরি নিজের মধ্যে ইন্টারভ্যালের আগে ও পরে মিলিয়ে বাইশটা গানের সুর, প্রায় আশ্চর্যের মতো তাদের অন্তর্ভেদ, রক্তের মধ্যে গানগুলোর ঢুকে পড়া, গান থেকে পাওয়া যন্ত্রণাদায়ক আরাম অথবা আরামদায়ক যন্ত্রণার অস্থির আবেগ, ইত্যাদি কার্যকারণের সমবেত প্রতিক্রিয়ায় বাসুদেব ক্রমশ অন্য বাসুদেব হয়ে যেতে থাকে যেন। টাটা সেণ্টার থেকে পার্ক স্ট্রিটের স্টপেজে বাসটা পেঁছানোর মধ্যেই বাসুদেব নিজের চেতনায় সংক্রামিত করে ফেলতে পারে অবিশ্বাস্য এবং আবছা এক বিশ্বাস। কোনো একটা বস্তুর নির্দিষ্ট চেহারা না পাওয়া পর্যন্ত কুমোরের চাকা যেভাবে ঘোরে, বাসুদেবের বিশ্বাসও সূ-নির্দিষ্ট অবয়ব না-পাওয়ায় একাধিক বিশ্বাসী-ভাবনার ভণ্ডাংশের মধ্যে ঘুরে চলেছিল তখনও। ভণ্ডাংশগুলো এই রকম—

১। এদিন আজি কোন ঘরে গো-র মতো হঠাৎ খুঁলে যেতেও তো পারে !

২। উচ্চমধ্যবিত্ত বা উচ্চবিত্তরা তো আকাশ থেকে পড়ে না। আমরাই হয়ে যাই, হয়ে যেত পারি অবস্থার অন্তর্কূলতার...

৩। না, উচ্চবিত্ত হওয়ার স্বপ্ন হিসেবে এটা ভাবা ভুল। ওভাবে ভাবছিও না। আসলে মধ্যবিত্ত পরিবারে এমন কিছু গ্লানি থাকে...

৪। মধ্যবিত্ত পরিবার ইচ্ছে করলে অতিক্রম করে যেতে পারে যে সব খুঁচরো সমস্যা, সেগুলোকে তারা পুষতে চায়...

৫। ইচ্ছে করলেই আমরা বদলাতে পারি আমাদের স্বভাব, মোড অফ একস্প্রেশন...

৬। সূচিগ্রা মিট্রের সঙ্গে কথা বলার সময়ে নমিতা আজ যা পারল, বাকি জীবনে কেন তা পারবে না ?

৭। আমি যদি মনে করি আখলা পয়সাতেও রাজাধিরাজ, কার কি ?

৮। খুব বদলানো যায় নমিতা, সংসারের সঙ্গে এন্টর্লির মতো নিজেকে এন্টে রেখেছ বলেই সব সময়ে এত অমাবস্যা...

৯। অসুবিধে, অন্যায়, উপদ্রব, উৎকণ্ঠা বিশৃঙ্খলা এসব আমাদের মতো পরিবারে থাকেই। তা বলে তুমি তোমার প্রতিভার, ক্ষমতার...

১০। পারা যায় নমিতা, পারা যায়। আমিই তোমাকে দিয়ে ঘটাবো। আজ প্রভাতে সূর্য ওঠা তোমার জীবনে সফল হয় কি না দেখো...

বাসটা পার্ক স্ট্রীট ছাড়াতেই বাসদেব মনে মনে পাকা করে নেয় তার সদিচ্ছার সংকল্প।

—তোমার গরম লাগছে ?

—না।

—লাগলে, তুমি এদিকে চলে এসো । জানলার দিকে ।

উত্তর না দিয়ে নমিতা মাথা নাড়ে । কি যেন ভাবছে নমিতা ।  
বহুকালের বন্ধ স্মৃতির স্মৃটিকেশটা খুলতে চাইছে হয়তো ।  
খুলুক । আমি চাই মৃত্যুর আগের মৃত্যুতের মতো ভয়ঙ্করভাবে  
ও তলিয়ে যাক স্মৃতিতে । ওর মনে পড়ুক সব । দরজা খুলতে  
খুলতে ও পেঁছে যাক সৃষ্টির শেষ প্রান্তে, মাকড়শার জাল  
সরিয়ে, ধুলো মূছে প্রকাণ্ড একটা ওভাল-শেপের আয়নায় ও  
দেখতে থাকুক ওর স্কটিশ, ওর কার্জন পার্কের অভিসারের রাত,  
ওর গীতিবিতান, ওর গানের সকাল-বিকেল, ওর গানের মেডেল,  
গায়ের যৌবনের চেয়ে গানের যৌবনের টানে ওর চারপাশে  
স্তাবকতা-মুখর মাছিদের ওড়াউড়ি, গানের মতোই ওর আঁচল-  
উড়িয়ে হাঁটা, গানের মীড়-এর মতো ওর যৌবনকালের হাসি, ওর  
গানের খাতা যা ছুঁতে দিতো না কাউকে, কফি হাউসে আন্ডার  
ফাঁকে ফাঁকে হঠাৎ হঠাৎ ওর গুনগুনিয়ে ওঠা, কলেজ সোস্যাল  
ওর গানের আগুনের লকলকে শিখায় আমাদের সর্বাস্ত্র বলসে  
যাওয়ার আনন্দ । সব মনে পড়ুক ওর ।

কিছুতেই বেরোতে চাইছিল না । সংসার যেন দশ দিকের  
শিকলে বেঁধেছে, এই রকম ভঙ্গিতে ওর আপত্তি । সে-সবের  
সপক্ষে যে যুক্তি বা দৃষ্টান্ত নেই, তা নয় । তবু বেরোনো যায় ।  
তিনশো পঁয়ষাট দিনের অখণ্ড কর্মব্যস্ততা থেকে অনায়াসেই  
খুবলে তুলে নেওয়া যায় ঘন্টা তিনেকের ছুটি । এই বাহান্ন-পাকের  
সংসার থেকেই তো তুমি যেতে পারো বিয়ে বাড়ির কি অন্নপ্রাশনের  
নেমন্ত্রণে, যেতে পারো কদাচিৎ-কদাচিৎ-এর সিনেমায়, পাশের  
বাড়ির টিভিকে দিতে পারো কয়েক ঘন্টা । তাহলে আজকের  
এমন দুর্লভ সুযোগকে দিতে পারবে না কেন খানিকটা সময় ?  
পঁচিশ টাকার টিকিট পয়সা দিয়ে কিনতে হয়নি । সুকোমল  
নিজে অগিসে এসে উপহারের মতো হাতে তুলে দিয়ে গেছে ।

সুকোমল আজকের এই গানের আসরের অন্যতম উদ্যোক্তা। কবেকার ছাত্র-জীবনের মেলামেশা আর তোমার গানের সম্পর্কে ওর সেই কবেকার মৃদুতা মনে রেখেই ছুটে এসেছিল সে। দশবার আউড়েছে টিকিট দুটো হাতে দেবার সময়, নমিতাকে সঙ্গে আনা চাইই কিন্তু। ওর বলার ভঙ্গিতে আমার সম্পর্কে ফুটে উঠেছিল একটা চোরা অভিযোগ। যেন আমি চাই না নমিতার জীবনের ব্যাপ্তি। যেন আমার সঙ্গে বিয়ে হয়েছে বলেই নমিতার জীবনের দিক-দিগন্তময় সম্ভাবনা আটকে গেল ভাতের হাঁড়ির সংকীর্ণ পরিধিতে।

নিজের মনে এসব ভাবতে-ভাবতেই বাসুদেব আবার ঘুরে তাকায় নমিতার দিকে। বাসটা তখন গ্র্যান্ড হোটেলের কাছাকাছি স্টপেজে। অনেক লোক নামছে। অনেক লোক উঠছে। শব্দের ঝড়-বৃষ্টি। বিরক্ত হয় না বাসুদেব। বরং শব্দটাকেই বানিয়ে নেয় নিভৃত হওয়ার চমৎকার এক আচ্ছাদন, রিকশার পর্দার মতো। যে কোনো ঘনিষ্ঠ কথা বলে নেওয়া যায় এখন। অন্যের কানে পেঁছবার আগে ভেঙে-চুরে হারিয়ে যাবে অন্যসব সাধারণ কথার হুটোপাটিতে।

—সুচিগ্রাদি আমাকে কি রকম টুক করে একটু খোঁচা মারলেন, দেখলে ?

—কখন ?

—তখন তুমি তোমার এক বন্ধুর সঙ্গে কথা বলছিলেন।

—কি বললেন ?

—আপনি ওর গানের ট্যালেন্টটাকে নষ্ট হতে দিলেন কেন ? ওর যে রকম গলা ছিল, সেটা ভেরী রেয়ার। তার মানে দাঁড়াল, আমিই হলাম যত নষ্টের মূল।

বাসুদেবের দিকে ঘুরে নমিতা হাসে, বিজ্ঞাপনের মডেলের

মতো মনের কথাকে চোখে ফুটিয়ে। বাসুদেব সে হাসিতে পড়ে  
নিল, তুমি দোষী হতে যাবে কেন ?

—আমাকে তো বললেন ?

—আমার সম্বন্ধে ?

—না, আমার না-গাওয়া নিয়ে।

—তুমি কি বললে ?

—কি আর বলবো। হাসলাম। ওঁরা তো আর আমাদের  
মতো সংসার-ধর্ম করেন না। ঝাড়া হাত-পা-র জীবন। ওঁদের  
পক্ষে যা-খুশি ভাবা সম্ভব।

—কিন্তু এত বছর পরেও তো তোমাকে চিনলেন ? তোমার  
গলার তারিফ করলেন। তোমার ট্যালেন্টকে রেকগনাইজ করলেন।  
না করলেও তো পারতেন।

বাস ছেড়ে দেয়। ওদের সীটের সামনে এক গদুচ্ছ যাত্রী।  
ছাতার মতো বেঁকে রয়েছে তাদের শরীর ওদের মাথার উপরে।  
বাসুদেবের হাতে সদ্যভেঁজির। সেটা দেখার ছল করে একজন  
ছোকরা নমিতার গায়ে হাঁটু লাগিয়ে ঝুঁকে রয়েছে তার ঘাড়ের  
উপর। বাসুদেব হঠাৎ চুপ। নমিতাকে বিশ্বাস নেই। হয়তো  
বাসের মধ্যেই কোনো কথার উত্তরে বাড়ির মতো ঝাঁঝে তুলল  
গলা। বাসুদেব সদৃশ্যের অপেক্ষায়। কথা বলার মতো ফাঁক  
পেলেই নিজের সদিচ্ছার প্রসঙ্গটা তুলবে। নিজের সপক্ষে  
যুক্তিগতলোকে সাজাতে থাকে সে এই ফাঁকে।

১। তোমার এই ধারণাটা খুব ভুল নমিতা। ঝাড়া-হাত-পা  
হলেই গান গাওয়া যায় শূন্য ? অর্থাৎ যারা গান গায় বা অভিনয়  
করে, তাদের সংসার নেই, সাংসারিক ঝামেলা নেই, কি-এর কামাই  
নেই, রাঁধুনির উপদ্রব নেই, তাদের বাড়িতে অসুখ-বিসুখ নেই,  
শোক-তাপ নেই, একেবারে মোজেইকের মেঝের মতো ঝকঝকে-  
তকতকে জীবন ?



২। তুমি বলবে ছেলেমেয়েরা অবাধ্য বলেই সংসার নিয়ে তোমার দিনরাতের ভাবনা। সংসারকে দিনরাত দুহাতে আগলে থাকা। কিন্তু আমি বলব অতটা না থাকলেই চলতো। এখনকার ছেলেমেয়েরা আমাদের সময়কার ছেলেমেয়ে নয়। ওরা অনেক বেশি স্বাধীনতা চায়। ওরা অনেক বেশি পরিমাণে আত্মসচেতন, ওরা ভুল করলেও, সে ভুলের কৈফিয়ৎ চাইলে আরো দুটো বেশি ভুল করার জেদ পুষতে থাকে মনে। সংসারের দোষে হোক, ভুল আবহাওয়ার প্রভাবে হোক, আধুনিক যুগের নিয়মেই হোক ওদের একটা ছাঁচ তৈরি হয়ে গেছে বাঁচার, বড় হওয়ার, জীবনযাপনের।

৩। তুমি অর্থভাবের কথা তুলবে। সংসারের এটা হয় না, ওটা হয় না, তিন মাসে ছেঁড়া বালিশের ওগাড় কেনা যায় না যেখানে, সেখানে গানের শুকনো গলাকে ঝালিয়ে নিতে মাসে মাসে পঞ্চাশটা টাকা খরচের ঝিল্লিটা সামলাবে কি করে শূনি? ঠিক। মাসে পঞ্চাশ টাকা অনেক, কিন্তু একটু ভেবে-চিন্তে খরচ করলে—

হঠাৎ দমকা বেক কষে থেমে যায় বাসটা। দাঁড়িয়ে-থাকা মানুষগুলো ছিটকে পড়ে দর্শদিকে, এ-ওর ঘাড়ের। মৃত্যু-কান্নার মতো আতর্নাদ করে ওঠে মহিলারা। পুরুষদের আতর্নাদ-সুলভ নানা-রকম শব্দ। মহিলা এবং পুরুষের সমবেত আতর্নাদে বিভীষিকাময়, বাসের ভিতরটা। বাসদেব খুব দ্রুত সামনের সীটটাকে ধরতে পেরেছিল বলেই বাঁচাতে পারে মাথাটাকে। চোখের চশমাটা ভেঙে চুরমার হওয়ার কথা। না-ভেঙে চোখ থেকে ছিটকে পড়াছিল নিচেয়ে। সেটাও জাপটে ধরে ডানহাতে অসম্ভব ক্ষিপ্ৰতায়। কলকাতা শহরের নিয়মিত বাসযাত্রীদের একজন বলেই বাসদেবের অবচেতন সব সময়েই থাকে, এবং ঐ সময়েও ছিল, আকস্মিক আত্মরক্ষার জন্য সতর্ক। কিন্তু নমিতা যেহেতু ইদানীং অনভ্যস্ত, তাই মরণাপনের গোঙানি তুলে সমস্ত শরীরটা

ছিটকে বেঁকে ধাক্কা খাওয়ার জন্য এগিয়ে গিয়েছিল সামনের সীটের দিকে। দৈবক্ৰমে সেও বেঁচে যায় আঘাত থেকে, যেহেতু দাঁড়ানো একজন ঐ সময়েই বেঁকে পাক খেয়ে ঝুলে পড়েছিল একেবারে নমিতার গায়ে।

—লেগেছে ?

নিজেকে সামলে বাসুদেব চশমা ধরা হাতটাকে নিয়েই নমিতাকে জড়িয়ে ধরে প্রায়।

—না।

বাসের মধ্যে বিকট হৈচৈ। সমস্ত যাত্রীর মুখ এবং মুখের অশ্রাব্য আশ্ফালন ঘুরে যায় ড্রাইভারের দিকে। ড্রাইভার কোনো জবাব দেয় না। জবাব দেওয়ার দরকারও হয় না। কারণ এই ফাঁকেই যাত্রীরা বুরুষে গেছে সামনে লম্বা ট্রাফিক জ্যাম। ট্রাফিক জ্যাম জেনেও বাসের কলরব-মুখর হট্টগোল থামে না। শুধু ড্রাইভারকে ছেড়ে সেটা বাঁক নেয় রাজনীতি, দেশ-শাসনের অক্ষমতা ইত্যাদির দিকে।

—চশমাটা বেঁচে গেছে খুব জোর।

নমিতাকে দেখিয়েই চশমাটা পাঞ্জাবির কাপড়ে মোছে বাসুদেব। চশমা মুছতে মুছতে নমিতাকে দেখে। বেশ ঘাবড়ে গেছে। দাঁড়িয়ে থাকা মহিলাদের বিষণ্ণতার শব্দের ঝাপটায় ও যেন বেশি বিচলিত। নমিতাকে সান্ত্বনা দেওয়ার জন্যে, নাকি নিজের প্রতি নমিতার সমবেদনা আকর্ষণের জন্যে বাসুদেব বলে—এ আর এমন কি, এক একদিন যা হয়, বেঁচে বাড়ি ফেরাটাই—

কথাটা শেষ হবার আগেই জানলার বাইরে থেকে একটা লম্বা হাড়সার হাত এগিয়ে আসে তার দিকে।

—সারাদিন কিছু খাইনি। বাবা গো, ও বাবা, দয়া করো বাবা...

—আগে আগে...

।—মা, ওমা, দয়াময়ী মা গো...

—আগে আগে...

হাতটা জানালার বাইরে সরে না-যাওয়া পর্যন্ত বাসুদেব ঐ একই কথা জপের মন্ত্রের মতো আউড়ে যায়। হাতটা সরে গেলে নমিতার উরুতে হাত রেখে নাড়া দেয় আলতো। নমিতা পায়ের দিকের শাড়ি গোছাচ্ছিল নিচু হয়ে।

—কি হল, ছিঁড়েছে ?

—না।

না-টা মুখে বলে না, বলে ভয় পাওয়া, শান্ত, ভিজে ভোরবেলার মতো চাউনিতে। অনেকদিন পরে নমিতার চোখে দাপটহীন, খর-উজ্জ্বলতাহীন স্নিগ্ধতার স্বাদ পেয়ে বাসুদেবের মনে পড়ে যায় নমিতার বিয়ের আগের চোখের মেঘমেদুরতা। বিয়ের পরে পুরী থেকে বোড়িয়ে আসার পর সমুদ্র নাচতো ওর চোখে। তীরের ফেনা-উগরোনো সমুদ্র নয়, দূরের সবুজ-নীল সমুদ্র, যা গাঢ়, যা তলহীন, মৃত্যুভয় বিছিয়েও যার নিরবচ্ছিন্ন হাতছানির অমোঘ টান। স্নকোমল কলেজ ম্যাগাজিনে কবিতা লিখেছিল একবার ওর চোখ নিয়ে। হয়তো এখনো আগাছার কাঁটায় কাপড় আটকানো পিছুটানের মতো ওর চোখের, সিন্দূর বারোয়াঁ কিংবা ভৈরবী কিংবা জয়জয়ন্তীর ভীষণ উদাস হাহাকার-জাগানো ওর গানের স্মৃতি বৃদ্ধের ভিতরের কোনো গোপন চোরাকুঠরীর আড়ালে বাঁচিয়ে রেখেছে স্নকোমল। রেখেছে, নইলে এত বছর পরেও পঁচিশ টাকা দামের দু-দুখানা টর্কিট যেচে হাতে গুঁজে দিতে আসে কেউ আজকাল, আজকালের কর্মপট্টটারে-কষা যোগ বিয়োগ গুণ ভাগের চুলচেরা এবং দ্রুতগতি হিসেব-নিকেশের সেয়ানা বাজারে ?

এখন কথা বলা যায়। কেননা গোটা বাসটা এখন বিতর্ক মন্ডর। বেসামাল বিধানসভার আর এক পথ-সংস্করণ যেন।

বাসুদেবের স্নেহ-ভালোবাসাময় হাতের পাঁচটা আঙুল নমিতার হাতের আঙুলের মধ্যে ঢুকে চুলের বিন্দুনী বুনতে চায় যেন ।

—সুকোমল কিছন্ন বলল ?

—কাকে ?

—তোমাকে ?

—কি বিষয়ে ?

—গান-টান বা অন্য কিছন্ন...

—গান-টান নিয়ে কি বলবে ? এমনি কথা বলছিল । বলছিল মেডিকেল রিপ্রেসেন্টেটিভ হিসেবে আমাদের পাড়ায় ডাঃ চ্যাটার্জীর ডিসপেনসারিতে নাকি প্রায় আসতে হয় ওকে । সময় হাতে থাকলে একদিন চলে আসবে ।

—সুকোমল এলেই জন্ম হবে তুমি ।

—কিসের জন্ম করবে ? আজবাজে কথা বলছ কেন ?

নমিতার মুখের আদলে, ভ্রুভঙ্গিতে, চোখের খর তাকানোয় এতক্ষণের স্নিগ্ধ প্রশান্তিটা শূন্যে চন্দনের মতো ফেটে পড়ার উপক্রম হচ্ছে দেখে বাসুদেব ঘাবড়ে যায় একটু ।

—কথার মানে না বুঝে রাগ করো কেন বলতো ?

বাসুদেব কোনো রকম রাগের ঝাঁক না এনে, মূখ-মাখার ক্রীমের মতো মোলায়েম করে নেয় নিজের গলার স্বর ।

—সুকোমল যদি আসে, তোমার গলার গান না শুনবে ও ছাড়বে ।

—তা তো বটেই । আমি যেন গ্রামোফোন আর কি !

সুকোমলের কথাটাকে বেমক্কা পেড়ে-ফেলা যে ট্যাকটিক্যালি ভুল হয়েছে এটা বুঝতে পেরে বাসুদেব নিজেকেই চোখ রাঙায় মনে মনে । নমিতার হালকা-বিরক্তিটাকে ওর মুখ থেকে মূছে তুলে ফেলার অভিপ্রায়ে টাগরায় জিভ ঘসে ঘসে বাসুদেব যখন তার মূখের কথাগুলোকে তুলতুলে তুলে বানাতে চাইছিল, বাসটা

চলতে শুরুর করে তখনই। নমিতার আঙুলে জড়ানো তার আঙুলগুলো কি রাখা উচিত নমিতার উরুর উপর? কেউ হয়তো ভাবতে পারে প্রেম করছি পরস্পরের সঙ্গে। বাসুদেব হাত সরিয়ে নেয়।

অনেকক্ষণ পরে খালি রাস্তা পেয়ে বাসটা দৌড়তে থাকে হঠাৎ। এত জোরে দৌড়ায় যে, একটু আগে কি যেন ভাবছিলো সেটা মনে করতে করতেই সেন্ট্রাল অ্যান্ড ভিনিউ আর বিবেকানন্দের মোড়ে পৌঁছে যায় বাসটা। বাসুদেব আবার খুঁজে পায় হারানো ভাবনার খেই।

১। পঞ্চাশ টাকা? হ্যাঁ, পঞ্চাশ টাকা আমাদের সংসারে যে অনেক টাকা, আমি স্বীকার করছি। কিন্তু ইচ্ছে করলে, একটু হিসেব-কষে খরচ করলেও টাকাটা বাঁচানো এমন কিছুর দৃশ্যমান নয়। ঐ যে ধরো, তোমার পিসতুতো ভায়ের ছেলের মৃত্যু-ভাতে আমরা দুধ খাওয়াবার ঝিনুক-বাটি প্রেজেন্ট করলাম ওটা না করলেও চলতো। ওদের অবস্থা এমন নয় যে, আমাদের কাছ থেকে ঐ উপহারটা না পেলে দুধের ছেলের মৃত্যু দুধ ঢুকবে না। আমার সাধের বাইরে খরচ করেছিলাম খানিকটা অভিভূত হয়ে। আমার চেয়ে আবেগে উথলে উঠেছিলো তোমারই বেশি। রাইটার্স বিল্ডিংয়ে বিরাট অফিসার হয়েছে। চোন্দ বছর কোনো সম্পর্ক না রেখেও হঠাৎ মেরুন রঙের গাড়ি হাঁকিয়ে যেই নেমন্তন্ন করতে এল তোমাকে, গলে গেলে। একদম না যাওয়াটা মোটেই ভালো নয়, ছেলেমেয়েরা বড় হচ্ছে, ওদের চাকরি-বাকরির ব্যাপারে কখন কি কাজে লাগে এই সব অকাটা যুক্তি যুগিয়ে ছিলে তুমিই। উপকার করবে না ছাই। আসলে তো নিজেদের নবাবীয়ানার লম্বা-চওড়া বহর দেখিয়ে আমাদের চোখকে কানা করার জন্যই নেমন্তন্নটা।

২। ওসব কথা যদি বাদও দিই, তবুও, মানে একটু কসাস্ হয়ে খরচ করলে মাসে পঞ্চাশ টাকা বাঁচানো যায়। আর তেমন

দরকারে বছরখানেক না হয় ছেড়েই দেবো সিগারেট খাওয়া।  
আমাদের অফিসের অনেকেই বিড়ি খায় এখন, আগে যারা ফিলটার  
টানতো।

৩। একবছর কেন বলছি? তুমি যদি নিয়ম মেনে, এক  
বছর ঠিক মতো রেওয়াজ করে রিভাইজ করে নিতে পারো তোমার  
গলা, তারপর দেখবে দশটা গানের ইনস্টিটিউশান থেকে ডাক  
আসছে তোমার, গান শেখানোর জন্যে। এমনকি তুমি নিজেও  
বাড়িতে শুরু করে দিতে পারো গানের টিউশনি। তখন নিশ্চয়ই  
আজকের মতো গুনে-গেঁথে, পাই-পয়সা মেপে খরচ করতে হবে  
না আমাদের। তুমি আমি দুজনে রোজগার করলে—পাঁচ বছর  
পরে নিজেদের একটা একতলা বাড়িও...

আবার একটা হৈ-হুল্লোড়। বাসুদেব জানলায় মুখ বাড়িয়েই  
বুঝে গেল, শ্যামবাজার। হুড়মুড়িয়ে অর্ধেক লোক নেমে  
যাচ্ছে। যত নামছে, বাসের দুর্দিকের দরজার সামনে তার দুগুণ  
লোকের ভিড়, ফলের দোকানের খেজুরের মতো গায়ে গায়ে ডেলা  
পাকানো। বাসটা এখানে কিছুক্ষণ দাঁড়াবে। ফলে হট্টগোল  
চলবেই। বাসুদেবের মনে হলো, আর চার-পাঁচটা স্টপেজ পরেই  
নামতে হবে যেহেতু, একটু-একটু করে আসল বক্তব্যের অর্থাৎ  
তার সদিচ্ছাময় সংকল্পের দিকে এগোনো উচিত এবার।

—এরা কত করে নেয় মাসে?

—কারা?

—নর্থ ক্যালকাটা সঙ্গীতায়ন।

—কিসের জন্যে?

—গান শেখানোর ফি?

—কে শিখবে?

—আরে, বাসুদা? ওমা, বৌদিও যে? আরে বদাবা, জোড়ে  
বেরিয়েছে দেখছি। কোথায়?

বাসুদেব ঘাড় তুলে ভিড়ের মধ্যে দেখতে পায় কেবল কমলেশের মুখ। তার বাকি দেহটা ভিড়ে আড়াল-করা। কমলেশ, তাদের গলির চেনা-জানা এক প্রতিবেশী।

—রবীন্দ্রসদনে গিয়েছিলাম।

—চীনের ব্যালে ছিল নাকি ?

—চীনের ব্যালে ? সেতো কবে হয়ে গেছে।

—তাহলে ?

—সুর্চিগ্রা মিগ্রর একক গানের আসর। তোমার বৌদি তো ঔরই কাছে গান শিখতেন আগে। ইনিভিটেশন।

ইনিভিটেশন শব্দটাকে অসম্ভব কৌশলে ব্যবহার করতে পেরে বাসুদেব খুঁশ হয়। এমনভাবে উচ্চারণ, যাতে কমলেশ ছাড়াও ভিড়ের কিছু লোকও বুঝে যায় যে তারা সরাসরি নিমন্ত্রণ-পত্র পেয়েছে সুর্চিগ্রা মিগ্রর কাছ থেকে। উত্তরটা শব্দে কমলেশ ভিড়ের ভিতর থেকেই গলা ছাড়ে।

—তাই নাকি ? মাই গড ! বৌদি গান জানে, এ কথাটা এ্যান্ডিন বেমালুম চেপে গিয়েছিলেন আমাদের কাছে ? সাত বছর এক পাড়ায় বাস করছি—অথচ...

বাসুদেব তার হাঁটুর নিচে চির্মিট-কাটার মতো মৃদু জ্বালা অনুভব করে নমিতার দিকে ঘুরে তাকায় এই সময়। নমিতা নাকের পাতা ফুলিয়ে কড়া শাসনের ভঙ্গিতে চোখ টেপে। বাসুদেব চুপ করে গিয়ে মনে মনে হিসেব কষে দেখে আর মাত্র দুটো স্টপেজ বাকি টালা পাকের পেঁছতে। বাসের মধ্যে তো মনে হচ্ছে আসল প্রস্তাবটা পাড়া যাবে না আর। বাস থেকে যেটুকু হাঁটার পথ, তখন বলা যাবে কি ? নিজের অক্ষমতার উপরেই রাগের চাবুক কষাতে ইচ্ছে করে বাসুদেবের। নিজের বিয়ে-করা বৌকেও ভালোবেসে বলতে পারে না সে যে, আমি তোমাকে গান শেখাতে চাই ?

বাস থেকে নেমেই নমিতা ব্যস্ত হয়ে ওঠে ।

—একি ! একটাও তো রিকশা নেই স্ট্যাণ্ডে ?

—রিকশা কি হবে ? চলো হেঁটেই যাই গল্প করতে করতে ।

—থাক, তোমাকে আর গল্প করতে হবে না । বাসের মধ্যে ঢেঁচিয়ে যা সব করছিলাম—অবাক হয়ে যাচ্ছিলাম ।

—খারাপ কথা তো বলি নি কিছু ।

—ঢেঁচিয়ে কথা বলাটাও তো খারাপ । তা ছাড়া গানের কথাটা হাজার গুণা মানুষের সামনে ঢেঁচিয়ে বলে কি লাভ হলো তোমার ?

—ও তুমি বুঝবে না । কিছু কিছু কথা ঐভাবে ছাড়তে হয় বাতাসে । ঐ কমলেশই দেখবে ঢাক বাজিয়ে রটিয়ে বেড়াবে কথাটাকে ।

—তাতে কার কি মহাভারত লাভ হবে শূনি ?

—এখন হবে না । গান শেখা আরম্ভ করলেই হবে !

—কে গান শিখবে ?

—তুমি ।

—তোমার মাথা-টাতা খারাপ হয়ে গেছে নাকি ?

—কেন, অন্যায়টা কি ? আমি তো ঠিকই করছি এক বছর গলাটাকে তৈরি করে নেওয়ার পর গানের একটা স্কুল খুলবো বাড়িতে ।

—এইটুকু সময়ের মধ্যে এত স্বপ্ন কখন দেখলে ?

—স্বপ্ন কেন হবে । সব দিক ভেবেই বলছি । সূচিগ্রাদি যখন বললেন, ওর অমন রেয়ার গলাটাকে নষ্ট হতে দিলেন, তখন থেকেই ভাবছি ।

—সূচিগ্রাদি বললেন, তুমিও অমনি নাচতে আরম্ভ করে দিলে ? গাই না বলেই খাতির । গাইলে দেখতে ভাব-ভঙ্গি অন্যরকম । তাছাড়া আমি হঠাৎ গান শেখা শুরুর করলে, তোমাদের



বাড়িতে কি কাণ্ড ঘটবে জানো ? সেটা অনুমান করার ক্ষমতা আছে তোমার ?

—যাই ঘটুক, আমি সামলাবো ।

—তাহলে এতদিন সামলাওনি কেন ? গোড়া থেকে সামলালে তোমার ছেলেমেয়ে বেপরোয়া হতে পারতো এমন ?

—তুমি জিনিসটাকে তর্কে টেনে নিয়ে যাচ্ছ কেন ? আমি তোমাকে ভালোবেসে একটা সিদ্ধান্ত নিয়েছি ...

—থাক, রাস্তার লোককে শুনিয়ে তোমাকে ভালোবাসা দেখাতে হবে না । সুমি যদি টাইমলি না ফেরে, রাধুনি এসে ফিরে যাবে । পই পই করে বলে দিয়েছি সাড়ে চারটের মধ্যে ফিরবি । কলেজ থেকে সোজা চলে আসবি বাড়িতে । কোথাও যাবি না ।

—হ্যাঁ বলেছে যখন নিশ্চয় ফিরবে । আগে থেকে উত্তেজিত হচ্ছে কেন ?

—হাচ্ছি এই জন্যে, রাধুনি না এলে, আমাকে গিয়ে এখন হাঁড়ি ঠেলতে হবে । তুমি তো কর না, আমাকেই করতে হয় । তাই ভাবতেও হয় আমাকে । কোথাও বেরিয়ে বাড়ি ফিরে হাত-পা ছড়িয়ে একটু বিশ্রাম করতে পারলুম না কোনদিন, এমনি বরাত আমার ।

বড় রাস্তা থেকে লম্বা গলিতে এসে পড়ে ওরা । এতক্ষণ ছিল দুধারে দোকানপাট । এখন দুধারে চেনা-পরিচিত বাড়ি । আর কথা বলা উচিত নয় । কোন্ কথা কার কানে পৌঁছে কি মানে দাঁড়াবে । যতই বাড়ির দিকে এগোবে, নমিতা তার অতীতকে মনে হয়ে উঠতে থাকবে বর্তমান । গানের নমিতার অভ্যন্তরকে ভেঙে-চুরে খসিয়ে ক্রমশই প্রখরতর হয়ে উঠবে গৃহিণীপনার নমিতা । সাপের শরীরের মতো বাঁক নেওয়া বাড়ি-ফেরার গলিটাকে বাসুদেবের কখনোই পছন্দ হয়নি তেমন । অন্যসব দিনের চেয়ে আজ অধিকতর সরু সড়ঙ্গের মতো মনে হলো এই গলিটাকে । মরণাপন্ন

রোগীর শেষ হেঁচকির টানে কন্ঠনালীর অসম ওঠানামার উপমাটাও চোখে ভেসে উঠেছিলো তার। বৃহৎ কোনো সদিচ্ছা সংকল্পকে মনের মধ্যে পুুষে হাঁটা যায় না এ গলিতে। হাঁটাটা বেমানান। হাঁটতে গেলে নিজেকেই মনে হবে নিজের স্বপ্নের দরজা ভেঙে ছিটকে আসা অলীক ছায়ামূর্তি। যতক্ষণ বাসের মধ্যে ছিল, চারপাশে অসংখ্য মানুষের থোকায় মধ্যে থেকেও সে ছিল একলা একটা মহা বিস্তীর্ণ পৃথিবীর মাঝখানে। অলৌকিক ক্ষমতাসম্পন্ন ম্যার্জিসিয়ান যেন, হাতের তালুর একটা বলকে দশটা করে করে যার লুফালুফি। এই গলিতে ঢুকলেই বাসদেব শূদ্ধ মাত্র বাসদেব চট্টোপাধ্যায়, ব্যাঙ্কের কেরানী।

সুন্নি যদি না ফেরে আমাদের বাড়িতে ঢোকা হবে না। সুন্নি কাছে বাড়ির চাবি। সুন্নি ঠিক সময়ে না ফিরলে রাঁধুনি ফিরে যাবে। ঠিকে-ঝি ফিরে যাবে না। তাকে বিকেলে আসতে বারণ করে দেওয়া। সুন্নি ঠিক সময়ে নাও ফিরতে পারে। ঠিক সময়ে না-ফেরার পক্ষে হয়তো-সত্যি হয়তো-সত্যি-নয় অকাট্য যুক্তিও দেখাতে পারে এক বা একাধিক। সুন্নির এখন বিশ্ব-ব্যাপ্তি জুড়ে নাচ দেখানোর বয়স। পৃথিবীর পক্ষে, যে পৃথিবীর ওর ভালোবাসা পাওয়ার যোগ্য যুবকদের সমাবেশে বিজ্ঞানাদিত্যের নবরত্নসভার মতো সমুদ্রজ্বল, ও এখন অপরিহার্য। ওর দ্রুত ঘরে ফেরা মানেই ঐ-সব পৃথিবীতে ঘনান্ধকার। আবার এমন হতে পারে সুন্নি ঠিক সময়েই ফিরেছে। এমনকি অভিও, তার খেলোয়াড়-বন্ধুদের সঙ্গে রাতভর আড্ডার নিয়মে ব্যতিক্রম ঘটিয়ে। কিন্তু রাঁধুনি আসেনি। ফলে নমিতার পক্ষে অবধারিত রান্নার উনোনের পেট থেকে কয়লার ধোঁয়া ফাঁপিয়ে তোলা। বাড়িতে ফিরেই সিলেক্টর শাড়িটা হ্যাঁচকা টানে খুলে আটপৌরে ময়লা একটা শাড়ির মধ্যে ঢুকে পড়বে সে। মাথার চুড়ো খোঁপাটা ভেঙে হাত খোঁপা। নমিতার চোখ, মূখ, চলা, হাঁটা বদলাতে থাকবে ক্রমশ।

আমাদের একতলার দুখানা শোবার ঘর, এক ফালি রান্নাঘর, এক চিলতে খাবার জায়গা, একফোঁটা এঁদো বাথরুম, আমাদের বহুদিনের চুনকামহীন দেয়াল, আমাদের ঘরের বর্ণহীন অসমতল ফাটল-ধরা স্যাঁতসেঁতে মেঝে, রোদের জন্যে আজীবন হাঁকরে-থাকা আমাদের উত্তর-দক্ষিণের জানলা, ভিন্নতর এক গানের উদার-মুদার-তারায় ওঠা-নামার মতো ঝঙ্কত হতে থাকবে নমিতার দুঃখের নালিশে, বেদনার তিরস্কারে, রাগের শাসনে, সন্নিহিত আক্রোশে অথবা অভিমানে, অভির উদাসীন নীরবতায়, আমার হঠাৎ-কোনো চিৎকারে, তেতো জিভের কটু মন্তব্যে, ক্ষিপ্ত অথবা রুদ্ধ আচরণে। আমাদের সংসারের নিচে মাঝে মাঝে ঘুমিয়ে-পড়া ভূমিকম্পটা গা ঝাঁকিয়ে জেগে উঠবে হয়তো আজ রাতে।

বাসুদেব নমিতার সঙ্গে পাল্লা দিয়ে হাঁটতে পারে না। নমিতা আর কোনোদিন গান গাইবে না এই বোধ ভয়ঙ্কররূপে পরাজিত বাসুদেবের ঘাড়টাকে তার হাঁটুর দিকে, খোয়া-ওঠা গলি-পথের বিপজ্জনক গর্ত-ফাটলের দিকে নুইয়ে দিতে থাকে ক্রমাগত।

## জল-কাদার ঘটনা

—ও দাদা, লেডিজটা ছেড়ে...আরে লেডিজ সীটটা ছাড়ুন না দাদা,...কানে কালা নাকি...ও নীল ফতুয়া দাদা...ও মশাই...

কনডাকটর ছাড়া আরও দু-একজন যাত্রীর উপযর্পরি ডাক। কি একটা বড় মাপের ভাবনায় প্রসাদ তলিয়ে গিয়েছিল আকাশে-বাতাসে। ফকিরের হাতের হ্যাঁচকা টানে আচমকা ঘুম ভাঙে তার। ঘুম-ভাঙার মতো ঝাপসা চোখে সামনেই এক পরমা সুন্দরী রাজকন্যে দেখতে পেয়ে কোলা ব্যাঙের এক লাফে উঠে দাঁড়ায় সে, উঠে দাঁড়ানোর সময় রাজকন্যার শরীরের পবিত্রতা রক্ষার তাগিদে ইচ্ছাকৃত-ভাবে ধাক্কা মারে অন্য যাত্রীর গায়ে। যাত্রীটি বিরক্ত হয়।

—মাতাল নাকি, সোকাল বেলাতেই টেনে-এ...

বাকি কথাটা হাতের ইশারায়। প্রসাদ সে কথা শুনতে পায় না। সে ফকিরের দিকে তাকিয়ে হাসে। ফকির তার পরিচিত একজন যাত্রী। নিত্য-যাতায়াতের পথেই পাতলা আলাপ।

—আকাশের রকম-সকম দেখতে দেখতে বেহুঁশ হয়ে গিছনু। চরাচর ভাসি দিবে ইবার। কিছু রাখবে নি।

হাসি প্রসাদের একটা চিরকলে মৃদ্বাদোষ। শব্দ করে হাসি নয়। মুখটাকে হাস্যোজ্জ্বল করে রাখার বদভ্যাস। যে কোনো ভয়ংকর বিষাদও তার মুখে উচ্চারিত হওয়ার আগে ধোয়া-মোছা হয়ে যায় হাসিতে। প্রসাদ এখুনি যা উচ্চারণ করল, সেটিও বিষাদের মাপে ভয়ংকর। এর মধ্যেও রয়ে গেছে সর্বনাশের প্রতি এক সটান ইশারা। যাত্রীদের মধ্যে যারা মেঘের রঙ চেনে, বাতাসের গতিবিধি মন্থস্থ, তাদের বদকে হয়তো ইতিমধ্যে গুরুগুরিয়ে

উঠেছে এই বাক্যের অন্তর্নিহিত অন্ধকার। প্রসাদের পরিচিত  
যাত্রীটি প্রসাদের মন্তব্যের জের টানে।

—ই বারও কি মা দৃগ্গা নৌকোয় আসছেন নাকি? তাহলে  
তো...

আবার একবার ষড়যন্ত্রময় আকাশের দিকে তাকাতে গিয়ে  
প্রসাদ ঈষৎ অবাক। প্রসাদের ছেড়ে দেওয়া সীটে রাজকন্যাটি  
বসে নি তখনো। তার স্বামী, নিজের রুমালে সীটের ভিজ্ঞে  
অংশটা মোছামুছি করছেন। রাজকন্যার মুখে কোথাও রৌদ্রকণা  
নেই। ভুরু ঠোঁট চিবুক এবং চোখে মেঘলা আকাশেরই ছাপ-  
ছোপ। অবশ্য পৃথিবীতেও রৌদ্রকণার বড় অভাব। কয়েকদিন  
যাবৎ পৃথিবীর দায়-দায়িত্ব মেঘ-বৃষ্টি-ঝড়-ঝঞ্ঝার হাতে। গতকাল  
রাত্রি পর্যন্ত যা বৃষ্টি হয়েছে তাতেই ফসলের মাঠ-ঘাটের বুদ্ধে  
হাঁটু জল। সকলের আশা ছিল আজ সকালে মেঘ ভেঙে আকাশ  
একটু হাসবে। কিন্তু মেঘ, অনেকটা ধূরন্ধর রাজনৈতিক নেতাদের  
চালচলনে, একবার গদির স্বাদ পেয়ে আমরণ আঁকড়ে থাকার  
লালসায়।

রাজকন্যাটি এতক্ষণে বসল। ভুরুতে প্রশ্নচিহ্ন। স্বামীর  
স্বভাবের প্রতি অবিশ্বাসটা যেন পাকাপোক্ত।

—সব দেখে শুনে তুলেছ তো? মোট পাঁচটা জিনিস, তোমার  
অ্যাটাচি নিয়ে?

—তুলেছি।

—ডালিম কোথায়? ডালিম ওদিকে একা কেন? ও আমার  
কাছে আসুক। আর শোনো, বেতের ব্যাগটা বরং আমার কাছে  
দাও। ডালিম, তুমি এদিকে এসো।

বুদ্ধের ভেতর থেকে গোলাপী রঙের ছোট্ট রুমাল বের করে  
রাজকন্যা মুখ মোছে। রুমাল, না সত্যিকারের গোলাপ? আঃ  
কি চমৎকার সুবাস!

প্রসাদের নাকে আর তার ঘামের গন্ধ নেই। বাস স্ট্যাণ্ডের সামনের কচুরীপানায় ভর্তি লম্বা গড়খাই থেকে উঠে আসা আঁশটে জলীয় গন্ধটাও এখন ঘায়েল। গন্ধ সম্পর্কে প্রসাদের চাষাড়ে মনে হঠাৎ নানারকম উটকো ভাবনার বৃদ্ধবৃদ্ধ কাটে।

হ্যাঁ, ইটে সত্যি কথা। গন্ধে কি যেন একটা আছে। উ-বছর যখন রেশনে পচা চাল দিচ্ছিল, তখন যে সব জিনিস পচা নয়, যেমন আলু-কুমড়ো-নুন-চিনি-কাঁচা লঙ্কা-কোদাল-কাঠারি-গেলাস-বার্টি-মানুষজনের কথাবাত্তা-বৌ-ছেলে-মেয়ের সংসারের সাত-সতেরো সাড়া-শব্দ, সব কিছুর গায়েই যেন কে লেপটে দিয়েছিল সেই পচা গন্ধোটা। আবার ধর, কাজ করতেছি, কাজ করতেছি, খিদে তিষ্টের বোধ নেই। হোটাৎ ভাঁট ফুলের গন্ধোটা নাকে ঢুকে এমন করে দিল, পেটের খিদে নাফিয়ে এগদম জিভে। গন্ধের খানিকটে ক্ষেমতা আছে বটে!

ডালিম তার মায়ের কাছে আসে। ডালিমের যাওয়ার জন্যে প্রসাদকে কোমর বাঁকাতে হয়। ডালিম যেন আট বছরের সত্যিই পাকা ডালিম একটি।

—জানলাটা খুলে দাওনা মা, বস্তু গরম লাগছে।

—না, জানলা খোলা যাবে না। বৃষ্টি পড়ছে।

—খুব তো জোরে পড়ছে না।

—তা হলেও ভিজ়ে যাবে তুমি। এমনিতেই যেটুকু ভিজ়েছো তাতেই ভয় করছে সর্দি-টর্দি না হয়ে যায়।

প্রসাদ কষ্ট পায় ডালিমের জন্যে। শহরের মেয়ে তো, পাড়া-গাঁয়ের বাসে চেপে এখন বেশ যাতনায়। বাসটা ছাড়ার পর বেচারীর দম বন্দো হয়ে যাবে। এখন তো শুদ্ধ গায়ে গায়ে ভিড়। ঠেলে-ঠুলে হাঁটা চলা যাচ্ছে। সাড়ে দশটার লুক্যল এসে পৌঁছুলে, বাসে এখন ষত জনা, আরো এত জনা লোক গেদে-গুচ্ছে উঠবে যখন, নিশ্বেস নেবার ফাঁক থাকবেনি কোথাও। মাথা হেঁট

তো মাথা হেঁট। পা শুন্যো তো পা ঐ শুন্যোই। তিভঙ্গ মদুরারী  
তো সারাক্ষণ তিভঙ্গ মদুরারী। কড়ে আঙুলটিও নড়াবার ক্ষেমতা  
রাখবেনি কারো।

ডালিমের লাল জামা, পদ্মতুল পদ্মতুল মদুখ, মদুখে ভ্যাপসা গরমে  
হাঁপিয়ে ওঠা বিরক্তি, চব্চবে ঘাম, প্রসাদের মনটাকে মায়াময় করে  
তুলেছিল এমন যে, আচমকা সে একটা হাঁক ছাড়ে মাতব্বরী চালে।

—আরে বাবু, বিস্টি-বাদলার দিনে আর কেউ এসবেনি।  
ছাড়ো তো। কতক্ষণ এই খড়্‌য়োড়ে দাঁড়ি দাঁড়ি পচবো?

প্রসাদের চিৎকারে একটা চুলও নড়ে না। নড়বার কথাও নয়।  
অন্য কেউ অমন চিৎকার করলে প্রসাদেরও নড়তো না। যে-বাস  
আধঘণ্টা পরে ছাড়বে, মোটামুটি পা রাখার একটু জায়গার জন্যে  
আধ ঘণ্টা আগে তার ভিতরে দাঁড়িয়ে থাকাটা ঘটনা হিসেবে নিত্য-  
নৈমিত্তিক, এতে আশ্চর্যের কিছুর নেই। প্রসাদের এখন এটাকে  
খোঁয়াড় মনে হওয়াটাই বরং আশ্চর্যের। ডালিমের প্রতি সহানু-  
ভূতি দেখাতে গিয়ে ডালিমের মনের কাতরতাকেই সে হয়তো মদুখর  
করতে চেয়েছিল তার চিৎকারে।

বাসের ভিতরটা বোবা নয়। যাত্রীদের মধ্যে বাক্যবিনিময়  
অনবরতই। নানাকথার হালকা, এবং জোরালো আওয়াজ  
হিলেমিশে একটা স্থায়ী গুঞ্জরণের সঙ্গে বাসের বাইরের বৃষ্টির  
ঝাপটার শব্দ, বাতাসের গোঙানি, দোকান বাজারের হাঁকডাকও  
মিশে রয়েছে। বাসের লোকজনের কথাবার্তা একটু ঢিলে হলেই  
বাইরের শব্দগুলো চেহারা পেয়ে যায়। বাসের জানলায় কাঠের  
পাল্লা। স্ক্রু দিয়ে আঁটা পাল্লা নয়। নিচের খোপ থেকে  
পাল্লাটাকে উপরে টেনে আটকাতে হয়। এখন সেই পাল্লাগুলো  
বাতাসের ধাক্কায় কেবলই খসে পড়ছে নিচে। তখন জলের ঝাপটাও  
বাসের ভিতরে। যাত্রীরা কেউ কেউ কনুয়ের ঠেলা দিয়ে সেটা  
আটকাবার চেষ্টা করতে গিয়ে হিমসিম।

—এই শুনছো ।

রাজকন্যের গলা । ঘুরে যায় প্রসাদের চোখ । রাজকন্যের স্বামী ভদ্রলোক বাসের অন্যপ্রান্তে । সেখানে তার ভূমিকাটা পাহারাদার । মালপত্র নিয়ে ওঠার সময় তারা উঠেছিল বাসের পিছনের দরজা দিয়ে । মালপত্র সেইদিকেই । পরে খালি লোডস সীট পেয়ে রাজকন্যে চলে এসেছে সামনের দরজার দিকে । এইভাবেই ব্যবধান । ভিড় ঠেলে আসতে সময় লাগে ভদ্রলোকের ।

স্বামী সামনে এলে রাজকন্যে

—একটা টাওয়েল বের করে দিতে পারবে ? এই দেখ না, এখান দিয়ে জল পড়ছে । শাড়িটা ভিজ়ে এ...

—দেখছি, কিন্তু পারবো কি ? কোথাও তো ফাঁক নেই এতটুকু । বেতের ব্যাগে নেই কিছ্ৰু ।

—না, টাওয়েল তো রাখি নি ওর মধ্যে ।

—দেখি, পারা যায় কিনা ।

স্বামী আবার ভিড়ে তলিয়ে যান । প্রসাদ জোরে স্বগতোক্তি করে,

—যাঃ শ্যালা, বিষ্টি তো বাড়লো আবার ?

হাওয়ার ঝাপটাটা উত্তর-পশ্চিম কোণ থেকে । রাজকন্যের সীটটা পূর্ব-দক্ষিণ বোণে । ফলে জানলার পাল্লাটা খুলে খুলে পড়ে যাওয়ার বদলে বাতাসের ঠেলায় বেশ আটকানোই । কিন্তু ছাদ বেয়ে গড়ানো জল জানলার উপরের কোন একটা ছিদ্র পথ দিয়ে টুপটাপ গড়িয়ে পড়ছে সীটের উপর । প্রসাদ যখন এখানে বসেছিল তখনও পড়ছে । প্রসাদ সেটাকে গ্রাহ্য করে নি । বৃষ্টির মাত্রাটা বাড়ার ফলেই জলের ফোঁটার মধ্যে এসে গেছে দ্রুততা । ফোঁটাগুলোর আকৃতিও এখন বেশ বড় । রাজকন্যে বিব্রত ।

—কি হল, পেলো ?



মানুষের ভিড় এবং বহুরকম শব্দ ঠেলে স্বামীর স্বাভাবিক উত্তরটা খানিক দমড়ে মূচড়ে রাজকন্যের কানে এসে পৌঁছয়।

—না, পারছি না।

বিব্রত রাজকন্যা পাশের বয়স্কা গৃহস্থ মহিলাটির দিকে তাকায়।

—একটু সরে বসবেন? দেখছেন তো, জলে ভিজে যাচ্ছি।

জড়োসড়ো গৃহস্থ মহিলাটি এমত গ্রস্ত হয়ে ওঠে যেন তাকে বলা হয়েছে বাস থেকে নেমে যেতে। নাকি সরে মহিলাটি মড়াকাস্তা কেঁদে ওঠার সুরেলা ভঙ্গিতে,

—আঃ কুনুদিকে সরবো? পড়ে যাবো নাকি? আবার সরে বসি কোথাকে? এইটুকুন তো জায়গা। সরিটা কোথায়? পড়ে যাবো নাকি?

প্রসাদের প্রাণে মমতার ঢেউ ওঠে। মূহুর্তে বৃষ্ণ খুঁস্টের জাতে উঠে যায় তার বেদনাবোধ। নিজেকে সংযত রাখা কঠিন হয় তার পক্ষে। সে ঐ মহিলাটির পাশেই। অতঃপর তার পেশীবহুল একটা হাত বয়স্কা মহিলাটির কাঁধ স্পর্শ করে।

—আগো, উনি ভিজতেছেন, দ-ইঞ্চি সরে বোসো না ইদিকে।

এই সময় রাজকন্যাটি সরাসরি প্রসাদের দিকে তাকায়। প্রসাদও সরাসরি রাজকন্যের মূখের দিকে। বাইরে সহসা ভয়াল সরীসৃপের ছুটে যাওয়ার মতো বিদ্যুৎ-রেখা কালশীটে রঙের মেঘ-ভারাতুর আকাশটাকে খানিক চিরে ফেলে। পরক্ষণেই পৃথিবী-ফাটানো জলভারাতুর মেঘগর্জন।

প্রসাদের সর্বাঙ্গে শিহরণ। অন্য সময় হলে শূদ্ধ বজ্র ধ্বনিতে সে এতখানি শিউরে উঠত না। কারণ এ জাতীয় ধ্বনির সঙ্গে তার আজীবনের পরিচয়। এই ধ্বনির অন্তর্গত সূখ এবং সর্বনাশ দুইই তার রক্ত-নাড়ীর অভিজ্ঞতা দিয়ে জামা। তার

অতিরিক্ত শিউরোনের কারণ রাজকন্যের মৃত্যু। প্রসাদের চোখে পলকে তার শৈশবের স্মৃতি।

ঠিক রাণীর মতো লাগে। সেই রকম মৃত্যু। চশমা পরা থাকলে হবে কি, চোখ তো চেনা। হরসুন্দর জেঠার মেয়ে রাণী। হরসুন্দর শতপথী প্রসাদের পাশের গাঁয়ের মোটামুটি অবস্থাপন্ন ব্যাক্ত। প্রসাদরা চাষী। প্রসাদের বাবার সঙ্গে হরসুন্দরের পরিবারের সম্পর্কটা ছিল চাষা বনাম ব্যাক্তগণের চেয়ে কিছুটা বেশি ঘনিষ্ঠ। সামান্য বিপদে-আপদে, গভীর সাংসারিক প্রয়োজনে কখনো কখনো দিনে দুবারও ডাক পড়েছে প্রসাদের বাবা পরমেশের।

—তাই নাকি? তামলদুক থেকে কুটুমরা এসতেছে মোদের রাণীকে দেখতে? জাল নিয়ে এসে মাছ ধরতে হবে? হাঁ গো, উ আর বলতে হবে নি। আমি ঠিক চলে এসবো! কি বললেন সেজো মা? নারকেল তেল? উ নিয়ে ভাববেন নি তো। পেসাদাকে পাঠি দুবো। বস্তায় বেঁধে নারকেল দিয়ে দেবেন। উ নস্করপদুর থিকে ভাজি এনে দিবেখন।

প্রসাদেরও তাই নানা ছুতোয় আসা যাওয়া ছিল হরসুন্দর-বাবুর বাড়িতে, ছেলেবেলা থেকেই। হরসুন্দরের বাড়িতে কোনো বিয়ে-থা বা শ্রাদ্ধ-শান্তি থাকলে পরমেশ আর পরমেশের বৌ-এর ডাক পড়তো তিন দিন আগে থেকে। সেই সুবাদে প্রসাদও মায়ের সঙ্গে। রাণীর বিয়ে হয়ে যাওয়ার পরও রাণীর সঙ্গে ঘরের লোকের মতো খেলাধুলো, স্বচ্ছ, স্বচ্ছন্দ, গায়ে গা লাগানো মেলা-মেশা ছিল প্রসাদের। পরমেশ মারা যাওয়ার পর, প্রসাদের ঘাড়ে যখন থেকে সংসার, মনে কেবল বেঁচে-থাকার হিসেব-নিকেশ, শরীরে রোদ-বৃষ্টির আঁকচারা, তখন থেকেই দূরত্ব, ধীরে ধীরে।

—কিছু মনে করবেন নি। আপনি রাণী তো?

রাণীর শরীরটা স্থাপত্যবৎ অনড় থাকে। কেবল ঘাড় থেকে মাথাটা চাঁবকের উৎক্ষেপে দ্রুত মোচড় নেয়।

—কেন বলুন তো ?

প্রসাদ রাণীর ঘাড়ের এই মোচড়টা দেখে দেখে মেলাবার চেষ্টা করে শৈশবের রাণীর সঙ্গে । মেলাবার পক্ষে অন্তরায়গুলোকে, অর্থাৎ রাণীর ছাঁটা চুল, রাণীর চোখের সোনালী ফ্রেমের চশমা, রাণীর কানের তিনপাতাওয়ালা দুল, রাণীর আতপ চালের মতো ফর্সা রঙ, ঠোঁটের লিপিস্টিক, ভুরুর বাঁক, নাকের তীক্ষ্ণতা ইত্যাদিকে, যেন সাময়িক, যেন নাকের স্ফীতির মতো যে কোনো সময়ে ঝেড়ে ফেলা যায়, এইভাবেই মছে দিয়ে সে আসল রাণীকে খোঁজে । খুঁজে পায়ও । পায় বলেই, অর্থাৎ সে যে রাণীই সে সম্বন্ধে সন্নিশ্চিত হয় বলেই, রাণীর প্রশ্নকে আদৌ কোনো অমল না দিয়ে অন্তরঙ্গ কথোপকথনে নেমে পড়ে ।

—চিনতে পারিতেছনি বুঝি ? তা চিনবেই বা কি করে ? বিয়ের পর থিকেন তো আর দেখা নেই, আমি পেসাদ গো ! ইবার মনে পড়তেছে ? তমাদের পাশের গাঁয়ে বাড়ি । আপনার বাবাকে জেঠা ডাকতুন আমি ।...

আপনি তুমি দূরকম সম্বোধনেই প্রসাদ কথা বলে যায় । হাসি তার তামাটে মৃদুখমুণ্ডলকে পিঁতল করে রাখে । যদিও তার মৃদু-বয়ব আখহার মানুষের মতোই উল্লেখযোগ্যতাহীন, তবুও সারল্যে সে যেন ঈষৎ স্বতন্ত্র । তার গলায় কণ্ঠ, না-কামানো গোঁফ-দাড়ির কিছু অংশ পাকা । ডান হাতে লাল সূতোয় বাঁধা বেশ বড় একটি তামার মাদুলি । মাদুলির দুপাশে দুটি রুদ্রাক্ষ । তাদের সঙ্গে জড়িয়ে আছে তার কেশবরের লাল-সাদা তাগা । এসব হয়তো বা তার ঈশ্বর বিশ্বাসের বিজ্ঞাপন । কিন্তু তার হাসিতে ঈশ্বর অন্দুপস্থিত, অর্থাৎ অবনত নয় তার ভঙ্গি । বরং আত্মবিশ্বাসে খুঁটিত মতোই সোজা । কথা বলার সময় তার মৃদু নানান যাত্রীর দিকে ঘোরে । যেন বাসের যাত্রীদের সঙ্গে রাণীর পরিচয় করিয়ে দেওয়াটাও তার দায়-দায়িত্বের অন্তর্গত এখন ।

প্রসাদের সব কথা রাণীর কানে যায় না। তাছাড়া দমকা  
 বাতাসে প্রসাদের কিছু কিছু কথা উড়ে যায় যত্নতর। রাণীর চোখ  
 জানালার বাইরে। বাইরে দুর্যোগের পৃথিবী। ভয়াবহ কোনো  
 বিয়োগান্ত নাটকের মহড়া চলেছে যেন। জলের ফোঁটা আগের  
 মতোই গড়িয়ে পড়ছে। জানলার কাঠে লেগে চূর্ণবিচূর্ণ হয়ে  
 যাওয়ার মূহুর্তে তার কণাগুলো রাণীর গালে, কানের লতিতে,  
 চুলে, চশমার কাঁচে। চশমার কাঁচটা বার বার মুছতে হয় রাণীকে।  
 ঘাড়ের অনাবৃত অংশটা কনকনে বাতাসে বরফ। ভিজ়ে গেছে  
 ডান দিকের ব্লাউজ। এখন জল গড়িয়ে পড়ছে তার সীটে।  
 এবার কোমরের নিচের অংশটা ভিজেবে। ভিতরে ভিতরে কান্না  
 পাচ্ছে রাণীর, তার রাণীসুলভ আভিজাত্য, সাজসজ্জা, ব্যক্তিত্ব  
 সবকিছুই এই সব গ্রাম্যমানুষের সামনে তাদেরই সঙ্গে একাকার  
 হয়ে যাচ্ছে বলে। তার সিলেকের শাড়ি, তার হেয়ার-ডু, তার  
 নেলপালিশ, তার সেন্ট, তার অ্যানা ফ্রেণ্ডও বাসের ভিতরকার এই  
 আবদ্ধ গোয়ালঘরে তাকে স্বতন্ত্র করে রাখতে পারছে না বলেই  
 নিজের উপর তার বিরক্তিকর অভিমান। ভিতরে অহংকার চুরমার  
 হলেও, বাইরে অবশ্য রাণী নিজের গ্রীবাকে রাজহংসীর মতো  
 গর্বিত করে রাখতে জানে। আবার একবার চশমা মোছার প্রয়োজন  
 হয় তার, চোখ এবং কাঁচ দুটোই ঝাপসা যেহেতু। সিলেকের শাড়ি  
 পেলে বাতাসের ইয়াকিঁ ইতর হয়ে ওঠে জেনেই আঁচলটাকে সে  
 কোমরে গুঁজে রেখেছিল শক্ত করে। কোমর থেকে আঁচল খুলে  
 চশমা মোছে। মূঠোয় রাখা রুমালে মুছতে পারে না। রুমালটা  
 ইতিমধ্যেই ভিজ়ে গেছে গাল গলা ঘাড় এদিক-সেদিক মুছতে  
 গিয়ে। তার চশমা মোছার সময়েই ডালিম কাঁদো কাঁদো ভঙ্গিতে  
 বলে

—মা, শীত করছে।

রাণী চশমাটা পরে ডালিমকে দেখে। ডালিম বদকে দহাত জড়িয়ে জড়োসড়ো। তার গোলাপী আভার মুখটা এখন নীলচে। নিজের অসহায়তা গোপন রেখেই রাণীর উচ্চারণ দূঢ়।

—কি করি বল তো ? কি দিই ? সব তো স্দটকেশে। আর স্দটকেশটা তো বলছে খোলা যাচ্ছে না।

—তুমি বাবাকে ডাকো না।

স্বামীর খোঁজে রাণী ঘাড় বাঁকায়।

প্রসাদ, যেহেতু রাণীর উপরে তার দৃষ্টিটা সর্বক্ষণই বাজ-পাখীর মতো সজাগ, পড়ে নেয় রাণীর মুখের অক্ষর। যেন তাকে প্রশ্ন করা হয়েছিল, এখন উত্তর দিচ্ছে, এইভাবে বলে,

—স্দটকেশটা নিয়ে এসতে পারবেন কি ইদিকে ? ইদিকটায় এলে না হয় খুলো যেতো।

রাণীর অস্বস্তি লাগে বাসভর্তি মানুষের সামনে একটা চাষাড়ে মানুষের এই গায়ে পড়া অন্তরঙ্গতায়। অপমানই মনে হয় এক ধরনের, প্রসাদ নামটা আবছা মনে পড়লেই বা কী এসে যায় ? ছেলেবেলায় অনেক চাষাভুষোর ছেলের সঙ্গেই তাদের বা তার মেলামেশা ছিল। তার মানে এই নয় যে তারা আর আমরা গোত্রে এক। মানমর্ষাদায় এক উচ্চতার গাছ। তাল আর শাল সমান সমান যেন।

বাস বোঝাই ভিড়ের মধ্যে লোকটা এমনভাবে কথা বলছে যেন, আমি ওর আত্মীয়। পরম পরিচিত। লোকটা নিশ্চয় তাই ভাবছে। অর্থাৎ আমার এই সাজগোছটা যাই হোক না যেন, আসলে আমি গাঁইয়া।

চাপা রাগটা ঠিক বাইরের বাতাসের মতোয় ফুঁসছিল রাণীর ভিতরে। কেননা প্রসাদের অযাচিত অন্তরঙ্গতায় শহুরেপনার সমস্ত তীক্ষ্ণতা সত্ত্বেও সে যেন দহমড়ে যাচ্ছে মোমের পুতুলের

মতো । রাণীর ভিতরে যখন এই বিস্ফোভ, প্রসাদ তখন ইশারায় ইশারায় ‘দাদা, ঐ যে লাল কালো ডোরা ডোরা হাফ শার্ট’ পরা বাবু, ডেকে দিন না’, এই ভাবে রাণীর স্বামীকে পেয়ে যায় চোখা-চুখি । প্রসাদের ইশারায় ভিড় ঠেলে বাসের অন্য প্রান্ত থেকে ভদ্রলোক অনেক মেহনত করে রাণীর সামনে আসে । রাণী কিছু বলার আগেই প্রসাদ বলে,

—খুকীর ঠাণ্ডা লাগতেছে । আপনাকে খুঁজতেছেন ইনি ।

স্বামী ডালিমকে জিজ্ঞেস করে,

—ডালু, শীত লাগছে তোমার ?

—হ্যাঁ ।

স্বামী নিজের বিপন্নতা মেলে দেয় স্ত্রীর দিকে ।

—সুটকেশটা খুলতে না পারলে...ইস্ তুমি তো বেশ ভিজে গেছো ।

—আমি একটা কথা বলবো, যদি কিছু মনে না করেন, এনাকে তো আমি চিনি, আপনি আমাকে চিনবেন নি, আপনারা যে গাঁয়ে যাবেন তার পাশের গাঁয়ে বাড়ি আমার, এনাদের পরিবারের সকলেই চিনি আমি, আপনারা তো যাবেন বাঁশুদুল্লির শতপতিদের বাড়ি, তাই তো ? আপনি বরং ইথেনেই দাঁড়ান, আমি সুটকেশটা বয়ে এনে দিচ্ছি । মাথায় করে না নিলে, আনতে পারবেন নি । ইথেনটায় একটু ফাঁকা আছে, এনারা সব সবে দাঁড়িয়ে জায়গা দিবেন খন...

একটানা গড়গড় করে কথাগুলো বলে যায় প্রসাদ । যে কোনো বুদ্ধিমান অথবা বিচক্ষণ ব্যক্তির কাছেই অন্যের গায়ে পড়া পরোপকারের আগ্রহ সন্দেহজনক । স্বামী ভদ্রলোকের প্রতিক্রিয়া স্বভাবতই তার বিপরীত নয়, কারণ তিনি যথেষ্ট শিক্ষিত । নিজের ভুরুরূতে সন্দেহের ভাঁজ তুলেই তিনি তাঁর স্ত্রীর কোঁচকানো ভুরুর দিকে তাকান ।

—তুমি কি বলছিলে ?

—আমি কিছু বলিনি ।

—তাহলে ডাকলে যে ?

—আমি তো ডাকিনি ! উনিই গায়ে পড়ে কত রকম কথা বলে চলেছেন । হোয়াট্‌স হিজ মোর্টভ ?

—তাহলে ওর কি হবে, ডালদু ? শীত করছে বলছে যে ?

—আমার আঁচল গায়ে দিক্ ।

স্বামী ভদ্রলোক চলে যাবার জন্যে পা বাড়িয়ে একটু থেমে প্রসাদকে একবার দেখে নেন । ভদ্রলোকের চেহারা প্রসাদের চেয়ে অধিকতর সুন্দর তো বটেই, বলিষ্ঠও । চলতি কথায় দশাসই । দশাসই এবং আপাদমস্তকঅভিজাত একটি মানুষ যখন নিজের দাপট দেখানোর প্রয়োজনে কারো দিকে তাকান, সে তাকানোয় অগ্নিচক্লুর শিখা লক্লকিয়ে ওঠে । নিজের চোখের আগুনে প্রসাদের মুখ ও মনের চরিত্রটা পড়ে নিয়ে স্বামী ঘুরে তাকান রাণীর দিকে ।

—সিমপ্লি স্টুপিড । ডোণ্ড ওরি সো মাচ্ ।

স্বামী ভদ্রলোক চলে যান নিজের জায়গায় । প্রসাদ পাশের অচেনা যাত্রীর দিকে তাকিয়ে চওড়া মাপে হাসে ।

—উনি ভাবলেন, আমি বুঝি কুন্স মতলবে আছি । ওঁবিশ্য ওনার কি দোষ । যা দিনকালের চেয়ারা হয়েছে, মানুষকে মুখের কথায় বিশ্বাস করাটা উচিতও নয় । কি বলেন ?

প্রসাদের কথা শেষ হওয়ার সঙ্গে সঙ্গে বাসটা কেঁপে ওঠে । দুর্দিকের দুটো গেট দিয়ে, ভিজে ছাতা, ভিজে ব্যাগ, স্নুটকেশ পুঁটলি-পাঁটলা নিয়ে ভেজা আধ-ভেজা একদল যাত্রীর হুড়মুড় । নবাগত যাত্রীদের ধাক্কায় এবং প্রতিরোধহীন চাপে প্রসাদ চলে যায় বাসের মাঝামাঝি ।

বাস ছাড়ে মিনিট দুয়েক পরেই । গতি আসার সঙ্গে সঙ্গেই

খড়াং, খটাং, খটাস জাতীয় শব্দে এক এক করে খসে পড়তে থাকে বাসের তোলা জানলা । আর তখনই স্দুস্পর্শ হয়ে ওঠে বাইরের প্রলয় । পৃথিবী কোনদিন স্দুখে ছিল, মনে হয় না আর । পৃথিবী আবার স্দুখে ফিরে আসবে এমন ঐকান্তিক এবং স্বাভাবিক প্রত্যাশাকেও মনে হবে অলীক স্বপ্ন, বাসের খোলা জানলার ফ্রেমে দিগ্দিগন্তের ছবিতে এমনই সর্বনাশের রঙ ।

খোলা জানলা বন্ধ করা, আবার খসে পড়া, আবার বন্ধের সন্মিলিত ধ্বনিটা বাইরের মেঘগর্জন, বৃষ্টির টানা শব্দ আর বাতাসের মার-খাওয়া পশুর হিংস্র গোঙানির সঙ্গে মিশে গিয়ে, ভয়ঙ্কর কোনো পতনের আবহাওয়া গড়ে তোলে । যাত্রীদের সাধারণ উদ্বেগ অস্বিহৃতার সংলাপকে মনে হয় যেন ভয়াবহ আতর্জনাদ । প্রসাদ এখন নিজের সমস্যায় বোবা ।

যুদ্ধ দাঙ্গার মতো এই ঝড়ে তার গোয়ালঘর আর রান্নাঘরের চালটা এতক্ষণে কুঁদহাটার মাঠে উড়ে যায়নি তো ?

॥ ২ ॥

স্টেশন থেকে কাঁকুড়ের বাজারে আসতে অন্য সময় বাসের লাগে পঁয়ত্রিশ মিনিট । আজ লাগল পঁয়তাল্লিশ । তাও পাকা ড্রাইভার বলে । কেননা বাসটা যখন মাঝামাঝি রাস্তায়, তখন থেকেই প্রবল বৃষ্টি । কোন্টা রাস্তা, কোন্টা মাঠ, কোন্টা আকাশ আলাদা করে চিনবার উপায় নেই, সমস্তটাই বৃষ্টির সাদা আবরণে একাকার ।

বাসটা স্টপেজে থামা মাত্রই প্রসাদ লাফিয়ে নেমে স্দুজয় ঘোষের মিষ্টির দোকানে ঢুকে পড়ে । এই টুকুতেই সে ভিজে যায় ষথেষ্ট । বাসে দেখা যায় নি, কিন্তু তার নীল ফতুয়ার তলায়, কোমরে, বাঁধা ছিল একটা গামছা । প্রসাদ সেই গামছায় মাথা মোছে । স্দুজয় প্রশ্ন করে,



—এই দৃশ্যোগে তুই আবার কোথাকে গেছলু রে ?

প্রসাদ বেগে বসে গামছাটা ভিজ়ে নীল ফতুয়ার উপরও বুলিয়ে  
নেয় আলতোভাবে ।

—আর বোলো নি । উল্বেড়ে যেতে হয়েছিল ভায়রা ভায়ের  
এই-ষায় সেই-যাই অবোস্তার খবর শুন়ে । ই শালার ঝড়-বৃষ্টি  
তো বাড়ল আরো গো ! সাইকুলোন মনে হয় যে ! হ্যাঁ গো, উনুন  
নিবি দিয়েছ নাকি ? এক কাপ খেতে পারলে হতো ।

চা খাওয়া শেষ করেই প্রসাদ উঠে দাঁড়ায় । যেন পরামর্শ  
চাইছে এমনিভাবে সৃজয়কে বলে,

—বসে থেকে লাভ হবে কি কিছুর ? এখনই যাই আর তখনই  
যাই, ভিজ়তে তো হবেই, কি বলো ? বেরি পড়াই ভাল, কি  
বলো ?

গামছাকে মাথায় পাগড়ির মতো বেঁধে প্রসাদ বৃষ্টির ভিতরে  
নেমে যায় । কিন্তু দুপা গিয়েই সে টের পায় বাতাসের তোড় ।  
ঠেলে এগোনা অসম্ভব । তাড়াতাড়ি ঢুকে পড়ে পাশের ওষুধের  
দোকানে । দোকানে পা দিয়েই শুনতে পায় মহসিনের গলা ।

—এই তো, আপনাদের দিকে যাবার লোক একজন ।

স্বরে তাকিয়েই প্রসাদ দেখতে পায় রাণীদের ।

—তুই বাড়ি যাবি তো প্রসাদ, নাকি রে !

—তা তো যাবোই । না গ্যালে কি তুমি খেতে দিবে ? খেতে  
দাও তো থেকে যাই ।

মাথার ভিজ়ে গামছাটা নিংড়োতে নিংড়োতে প্রসাদ বলে এক  
গাল হাসিতে । মহসিনও কম রসিক নয় ।

—কি খাবি খা না । এত ওষুধপত্র, খাবার আবার অভাব ?  
আরে এনারা তো খুব বিপদে পড়েছেন । যাবেন সেই...

—আগো তমাকে বলতে হবে নি । ওনাদের আমি চিনি ।  
যাবেন কি করে সেটা তো খুব ভাবনার কথা গো ।

এবার সরাসরি রাণীর স্বামীর দিকে

—ই যা বিষ্টি আর বাতাসের তোড়, এখন তো রাস্তায় পা রাখতেই পারবেন নি। তারপর বড় রাস্তায় তো যাওয়া যাবে নি এগদম। যেতে হবে আপনাদের খালপাড়ের ঘুর রাস্তা ধরে।

দোকানের বেণের উপরে খোলা হয়েছে ভি. আই. পি. স্ট্রটকেশটা তোয়ালে বার করে মোছামুছির জন্যে। মাথা মদুছতে মদুছতেই রাণীর স্বামী,

—কেন, বড় রাস্তায় কি?

—এক হাঁটু দ। মোদের ওভোস হয়ে গেছে। ঠেলে-ঠুলে যাই। কিন্তু আপনারা এক পা যেতে পারবেন নি। তার উপর এই দুষ্যোগে। কি বলো? পারবেন কখনো?

মহসিনও সমর্থন জানায়। মহসিন প্রসাদকে চেনে, এবং মহসিনের কথায় প্রসাদ সম্পর্কে কোনোরকম বাঁকা-ঢ়ায়া ইঙ্গিত না পেয়ে কিছুটা আশ্বাস ভাব ফিরে আসে সৌমেনের অর্থাৎ রাণীর স্বামীর ভিতরে।

—খাল পাড়ের রাস্তাটা কেমন?

—রাস্তা খুঁম ভালো নয়। কিন্তু যাবা যাবে। ইও খারাপ, উও খারাপ। তবে ওর মধ্যে খালপাড়টাই ভালো।

এই সময়ে ডালিম পরপর তিনবার হাঁচে। হলদুদ তোয়ালেটাকে ঘাড়ের পিছনে চুলে জড়িয়ে চুল মদুছতে মদুছতে রাণী বলে,

—দেখেছো, যে ভয় করেছিলাম। কিছু একটা খাওয়াও ওকে।

সৌমেন সিগারেট ধরায়। লাইটার নির্ভয়ে ধোঁয়া ছেড়ে মহসিনকে

—সর্দির প্রিভেনটিভ কিছু আছে-টাছে আপনার এখানে?

—তা আছে। কি নেবেন বলুন। ফ্লোসিন, কোল্ডারিন!

—ফ্লোসিনই দিন।

সৌমেন রাণীর দিকে ঘুরে

—একটা গোটা স্ট্রিপ নিয়ে রাখি, আমাদেরও তো লাগবে মনে হচ্ছে ।

রাণী তখন সদুটকেশ এবং নিজেকে নিয়ে বিব্রত । নানারকম ইচ্ছে-অনিচ্ছে, হ্যাঁ-না, তাকে দোলাচ্ছে একই সঙ্গে । নাবালকের হাঁটা এবং আছাড় খাওয়া, আছাড় খাওয়া আবার হাঁটার মতোই তার ভাববার ভঙ্গি । যেমন যে ব্লাউজটা ঈজেকে গেছে সেটা ছেড়ে অন্য একটা ব্লাউজ পরার ইচ্ছেয়, সাদাসিধের মধ্যে কোন ব্লাউজটা এই পরা শাড়ির সঙ্গে মানাবে তা ঘেঁটেঘেঁটে বেছে নিয়েও পরক্ষণে তার দমে যাওয়া । কেন পালটাচ্ছি মিছেমিছি ? যেটা পরবো সেটাই তো ভিজবে ।

রাণীর কাছ থেকে শূন্য মাথা নাড়া পেয়ে সৌমেন মহসিনকে,

—হ্যাঁ, একটা স্ট্রিপই দিন । ভালো ন্যাজাল ড্রপ আছে ?

আবার রাণীর দিকে ঘুরে

—একটা ন্যাজাল ড্রপও নিয়ে রাখা ভালো, কি বলো ?

রাণী পুনরায় ঘাড় নেড়ে হ্যাঁ জানায় ।

কি যেন খুঁজে চলেছে সে, পাচ্ছে না । রাণীর মুখের যে কোনো অভিব্যক্তিরই গৃঢ় অর্থ সৌমেনের জানা । কিন্তু এখন এই ভীষণ বৃষ্টিপাত আর ঝোড়ো হাওয়ার বিপন্নতার ভিতরে সদুটকেশটাকে খুলে রেখে রাণীর অবিরল ঘাঁটাঘাঁটির কোনো অর্থ খুঁজে পায় না সে ।

—কি খুঁজছেন ?

—নাইটিটা দেখতে পাচ্ছি না কেন বলতো ? যেটা প্যারিসে কেনা ।

—এনেছিলে তো ? ভেবে দ্যাখো ।

—বেশ মনে আছে তলার দিকে রেখেছিলুম ।

—এখন অত ঘাঁটাঘাঁটি করো না । ওখানে গিয়ে ধীরে সদুস্বেদে দেখো নিশ্চয় আছে । এনেছি যখন, যাবে কোথায় ?

ডালিম এই সময়—মা ! আমার সেই ম্যাক্সিটা—

এইটুকু বলেই আবার সে পর পর তিনবার হাঁচে । প্লাস-টিকের খাপে অনেকগুলো রঙীন রুমাল । প্রসাদের মনে হয় যেন এক গুচ্ছ রঙীন প্রজাপতি । তারই একটা বের করে রাণী ডালিমকে—এটা রাখো । নাকটা মুছে নাও ।

ডালিম নাক মুছতে মুছতে—আমার সেই ম্যাক্সিটা ? সুনীল আংকল যেটা পঠিয়েছিল ন্যুইয়র্ক থেকে ?

—এনেছি ।

প্রয়োজনের চেয়ে বেশি সময়ই সে সন্টকেশটা খুলে রাখে, যাতে প্রসাদ এবং মহসীন দেখতে পায় তার ঐশ্বর্য । দেখে বদ্বতে পারে, তারা কোন্ শ্রেণীর । বিপদে পড়ে ভিড়ের বাসে রসুনগন্ধে ম-ম-করা একজন গেঁয়ো মেয়ের গা ঘেঁষে এসেছে বলেই সে ঐ স্তরের মেয়ে হয়ে যায় নি । প্যারিস বা ন্যুইয়র্কের নাম দুটো শব্দেও যে প্রসাদ বা মহসীনের চোখের রঙে এতটুকু পরিবর্তন ঘটে না, তাতে অবশ্য খানিকটা বিমর্ষ বোধ করে রাণী । কী মূর্খ এরা সত্যিই । তবুও প্রসাদ যাতে তাকে সমীহ করে, সমীহ করার জনেই, প্রসাদকে ভালো করে দেখিয়ে দেওয়া দরকার তার আসবাব পত্র ।

—আমরা যাকে পুটুঁর মা বলে ডাকতুম, আপনি কি তাঁর ছেলে ?

প্রসাদ তাকিয়েছিল আকাশে, মেঘের রঙ বদলের দিকে । মনে হচ্ছে মেঘটা কাটবে কাটবে । কেননা হাওয়া আছে দুরন্ত । তবে কাটতে কাটতে গাড়িয়ে যাবে বিকেল । মেঘ-বৃষ্টির গতিবিধির হিসেব-নিকেশটা চাষী-ভূষি মানুষের প্রায় রক্তের মধ্যেই । জোয়ারের সময় এলে মেঘ-বৃষ্টির দাপটটা বাড়বে । আজকের জোয়ারের সময়টা কখন সেটাই মনে মনে হিসেব করছিল প্রসাদ আকাশের দিকে তাকিয়ে । রাণীর প্রশ্ন ঘুরে তাকায় ।

—পর্দাটি ছিল মোর ছোটবোন। এতক্ষণে তাহলে চিনতে পেরেছ দেখতেছি। ত আমাকে আবার আপনি বলা কেন? ছেলে বেলায় কত খেলা-ধুলো করেছি, সোনালী-পোকা ধরেছি একসঙ্গে, সাঁতার কেটেছি তমাদের পুকুরে, সে সব কি আর মনে আছে এখন? থাকার কথাও নয়। বয়স তো কম হল নি। তিন ছেলেমেয়ের বাপ হয়ে গেছি। তা তোমার কি এই একটিই মেয়ে না আরো ছেলে পুতে আছে?

প্রসাদের শেষ প্রশ্নে যেন জ্বলন্ত লোহার ছেঁকা। হাপর থেকে তোলা লাল লোহা জলে ডোবাতে যেমন মৃদুত্ব কালো, তেমনি কালো হয়ে যায় রাণীর মনের ভিতরটা। এতক্ষণ ধরে ভি, আই পি স্লটকেশটা খুলে রেখে নিজের ঐশ্বর্য-আড়ম্বরের বিজ্ঞাপন দেখিয়ে মনের মধ্যে যেটুকু গর্বিত অহংকারের স্বাদ ফিরে পেয়েছিল সে, ধসে যায় মৃদুত্ব। রাণীর মনে হয়, লেক টেম্পলের তিনতলা বাড়ির সিংহাসন থেকে তাকে ছেলে-বিয়েনে-চাষীর ঘরের বৌ-এর পর্যায়ে টেনে আনার জন্যেই প্রসাদের ঐ প্রশ্ন। সঙ্গে নাইট থাকলে, নাইট তার অ্যালার্শিয়ান, এখন চিৎকার করে ‘চাজ’ বলে উঠতে পারলে হাড়-মাংসের জ্বালা জ্বড়োতো রাণীর।

লম্বা সীট থেকে ডালিমের জন্যে একটা ট্যাবলেট ছিঁড়ে নিয়ে সোমেন মহসীনের দিকে ঘোরে।

—একটু জল পেলো...

বিবদ্রত বোধটাই মহসীনের মুখে এঁকে দেয় সলজ্জ হাসি।

—জল আছে। কিন্তু...এ গেলাসে খেতে পারবেন কি?

—ভাঙা?

—ভাঙা নয়, তবে-এ-এ...৬

সোমেন ভেবেছিল কাঁচের গ্লাস। ময়লা মনে হলে ধুয়ে নেবে। কিন্তু মহসীন যে গ্লাসে জল দেয়, সেটা অ্যালুমিনিয়ামের,

তোবড়ানো এবং ভাঁজে ভাঁজে শ্যাওলার মতো এঁটে থাকা ময়লা।  
সৌজন্যবশত সৌমেন সেটা হাতে নিয়ে এগিয়ে দেয় ডালিমের  
দিকে।

—খেতে পারবে ?

ডালিমের মুখে বমি করার মতো আওয়াজ।

—না, এ জল আমি খাবো না।

ডালিমের হাতের ঝট্কা লাগে গেলাসে। খানিকটা জল  
উছলে পড়ে রাণীর খোলা সদুটকেশে একটা জাপানি জর্জটের  
উপর। রাণী শাসনের ভঙ্গিতে

—ও রকম করছো কেন ? খাবে না তো খাবে না। ফেলছো  
কেন ?

মহসীন প্রসাদকে ডাকে।

—দ্যাখ না ভাই, মিষ্টির দোকান থেকে একটা গ্লাস পাও কিনা।

এর পর সৌমেনের দিকে হাত বাড়িয়ে

—দিন, ওটা খেতে হবে না।

সমবেদনায় প্রসাদ ডালিমের পক্ষ নেয়।

—তোমাকেও বলিহারী। এবড় দুকান ফেঁদে বসেছ।  
একটা ভালো গেলাস রাখতে পারনি ? ওঁদের কখনো উ রকম  
গেলাসে খাবার ওভেস আছে যে খাবে ? মোরই তো গা ঘিনঘিন  
করতছিল তমার গেলাসের বাহার দেখে।

পর পর ডালিম, রাণী, সৌমেন এবং মহসীনের উপর তার  
বক্তব্য এবং হাসিটাকে সমান ভাগ করে দিয়ে প্রসাদ একহাতে  
দোকানের ছিটেবেড়ার দেওয়ালকে ধরে শরীরটাকে খানিকটা বাইরে  
হেলিয়ে হাঁক দেয়—ও সদুজয়দা, হাত বাড়িয়ে এক গেলাস জল  
দাও দিক্‌নি।

জলের গ্লাস চাওয়া এবং সদুজয়ের হাত থেকে সেটা নেয়ার ফাঁকে  
আকাশ এবং বৃষ্টির দিকে তাকিয়ে নেয় সে।

—নাগো, বিষ্ঠাদেবতার খানিকটে কৃপা হয়েছে মনে হচ্ছে।  
ধরবার মূখে।

ডালিমের ওষুধ খাওয়া হয়ে গেলে প্রসাদ গ্লাসটা ফিরিয়ে দেয়।  
প্রসাদের আগের কথার সূত্র ধরেই সৌমেন প্রশ্ন করে—ধরবে মনে  
হচ্ছে?

প্রসাদ আকাশের দিকে তাকিয়ে

—ধরবে মনে হচ্ছে। তবে একবার ধরবে নি। বাতাসের  
মতি-গতি তো যেই কে সেই। মা দৃগু-মা মোদের পশ্চিম বাংলার  
উপর খুব চটে আছেন মনে হচ্ছে। গত বছরেও পূজোর আগে  
এমনি ঝড় হল। আবার ইবারও।

নিজের মন্তব্যে সে নিজে হেসে নেয় এক ঝলক।

বৃষ্টিটা থেমে আসে। একেবারে থামে না। ঝিরঝির।  
বৃষ্টি থামার সঙ্গে সঙ্গেই বিভিন্ন দোকানপাটে আশ্রয় নেওয়া  
মানুষজন বেরিয়ে আসে বাজারের রাস্তায়। জমা জলের উপর  
অজস্র পায়ের ছবাক্ ছবাক্ আর মানুষের নানান রকম সাড়ায়,  
একটু আগের মরা পরিবেশটা জ্যান্ত হয়ে ওঠে হঠাৎ। প্রসাদ  
ঘুরে তাকায় সৌমেনের দিকে,

—আর দেরী করবেন নি। আপনারা বেরি পড়ুন এই ফাঁকে।  
তবে-এ-এ...

প্রসাদ থেমে গিয়ে ওদের স্নটকেশ ইত্যাদি জিনিসপত্রের দিকে  
তাকায়। যেন এসব তারই সম্পত্তি, এবং তাকেই সামলাতে হবে  
এই সব লটবহরের দায়, এই রকমই নিবিষ্ট তার তাকানো।

প্রসাদের মূখে সহানুভূতির ফির্নাফির্নে আভাষ সৌমেন কিছুটা  
সাহস পায়

—আপনি তো যাবেন বাড়ির দিকে?

—যাবো নিতো কি? এই ঝড়ে ঘর-দুয়োরের কী দশা হয়েছে  
কে জানে।

—তা আমাদের যদি একটু সাহায্য করেন, এভাবে জড়িয়ে পড়বো বৃষ্ণতে পারিনি তো !

মহসীন আসল বক্তব্যটা স্পষ্ট করে দেয় তৎক্ষণাৎ ।

—যাচ্ছে যখন ঔনাদের সঙ্গেই যাও না । স্ফুটকেশটুদু নিলেও উপকার করা হবে । টাকা পয়সা নিবেখন বরং ।

প্রসাদ এক মৃদু হাসি ছুঁড়ে দেয় মহসীনের দিকে ।

—টাকাপয়সার কথাটা তুললে যখন তখন তো যেতেই হয় ।

ঐ একই ভরাট হাসিতে সৌমেনের দিকে ঘুরে,

—তো দর-দস্তুরটা করে নিই আগে ।

—তুমি কি চাও বলো ?

—একজন লোকে হবে নি বাবু । অন্য একজনকে জোগাড় করে আনতেছি । ইবার বলুন আপনি কি দিবেন ?

—টাকা কুড়ি নিও, দুজনে !

—কুড়ি টাকা ?

—তাহলে কত ?

—আর একটু বেশি দিবেন নি ? আর পাঁচটাকা বাড়ি দিন । থোক পঁচিশ ।

সৌমেন রাজী হলে প্রসাদ চলে যায় দ্বিতীয় জনের সন্ধানে ।

রাণীর মুখে অশ্রুর ধার যেন ।

—ভীষণ মতলববাজ । আমি প্রথম থেকেই বুঝেছি । এখন বৃষ্ণতে পারছো ?

জলে নামার জন্যে প্যাণ্টের তলাটা গোটাচ্ছিল সৌমেন । সেই কুঁজো অবস্থাতেই রাণীর দিকে তাকায় ।

—টাকার লোভেই ভালমানুষটি সেজে এঁটে ছিল আমাদের সঙ্গে ।

—ঠিক আছে, ও নিয়ে ভেবো না । সব গুঁছিয়ে নাও ।



জুতো-টুতো সব খুঁলে কাগজে মদুড়ে বেতের ব্যাগে ভরে নিতে হবে। ডাল, মা, জুতো মোজা খুঁলে ফ্যালো।

মহসীনের দিকে ঘুরে

—ভাই, আপনার কাছে ওয়েস্ট কাগজপত্র হবে কিছু ?  
পদ্রনো খবরের কাগজটাগজ ?

মহসীন খবরের কাগজ রাখে না। তবে ওষুধের প্যাকেজ হিসেবে নানারকম কাগজ থাকে। তার থেকেই জুতো মোড়ার যোগ্য লম্বা-চওড়া কাগজ খুঁজতে থাকে সে।

—টাওয়েলটা বাইরে রাখলে কেন ?

—ডালিমের মাথায় তো কিছু একটা দিতে হবে। ডালিমকে জুতো খুঁলতে বলছ কেন ? নাক দিয়ে এখুনি জল পড়ছে। ও হাঁটবে কি করে ?

—ও হ্যাঁ। তবে থাক, খোলার দরকার নেই।

॥ ৩ ॥

লোক পাওয়া সত্ত্বেও সমস্যা মেটাতে সময় লাগে বেশ। শেষপর্যন্ত মনোনীত হয় প্রসাদের যুক্তিটাই। বেঁচু নামের যে অল্পবয়সী ছেলেটিকে জোগাড় করে এনেছে প্রসাদ, সে ভি আই, পি স্কেটকেশ আর বেতের ব্যাগটা নিয়ে আগে এগিয়ে যাবে। আগে পৌঁছে সে রাণীর বাড়িতে খবর দেবে, যাতে কয়েকটা ছাতা ইত্যাদি নিয়ে বাড়ির লোকজন চলে আসতে পারে। প্রসাদ ডালিমকে মাথায় নেবে এবং মাঝারী স্কেটকেশটা হাতে। বাকী দুটো হালকা ধরনের ব্যাগ সৌমেন। রাণী চেয়েছিল একটা কিছু নিতে, প্রসাদ বারণ করে। মেয়েমানুষের পক্ষে হাতে কিছু নিয়ে ঐ রাস্তায় যাওয়া সম্ভব নয়।

বেঁচুর মাথায় স্কেটকেশ তুলে দেওয়ার পরও রাণীর ভুরুতে একটা প্রশ্নিচিহ্ন এঁটে থাকে।

—ঠিক রাস্তায় যাবে তো ? দুনিয়ার দামী জিনিস ওর মধ্যে ।  
প্রশ্নটা সৌমেনকে । কিন্তু শুনতে পেয়ে উত্তর দেয় প্রসাদ ।

—উসব নিয়ে ভয় পাবার কুন্দ কারণ নেই । বেগড়বাঁই  
করলে মেরে হাড় গন্ডো হয়ে যাবে নি ! তা ছাড়া উ সে রকম  
ছেলে নয় । মোদের গ্রামের ছেলে ।

ডালিম কিছতেই প্রসাদের কাঁধে উঠতে রাজী হয় না ।  
মানুষের কাঁধে চাপার অভ্যেস বা অভিজ্ঞতা না থাকাটাই তার বড়  
কারণ । দ্বিতীয় কারণ যদি কাঁধ থেকে ফসকে পড়ে যায় । তৃতীয়  
কারণ এই রকম একটা চাষাড়ে লোকের কাঁধে চেপে তার শরীরকে  
ছন্থে থাকার অনীহা ।

সৌমেন এবং রাণী দুজনে অনেক বোঝাবার পর ডালিম কাঁদতে  
কাঁদতে রাজী হয় ।

ঝিরঝিরে বৃষ্টির মধ্যে দিয়েই যাত্রা শুরুর ।

বাতাসের ধাক্কার কষ্টটা বাদ দিলে মিনিট দশেক বেশ ভালোই,  
কেননা পিচের রাস্তা । তার পরেই ডানহাতি বাঁক । এবং খালের  
পাড় । প্রসাদ আগে আগে । সে বাঁকের মূখে দাঁড়িয়ে পড়ে ।

—ইবার ডাইনে ।

সৌমেন ও রাণী বাঁকের মূখে এসে থমকে দাঁড়ায় ।

—এই রাস্তা নাকি ?

—আজ্ঞে হ্যাঁ । একটু সাবধানে যেতে হবে । এ ছাড়া তো  
আর কোনো রাস্তা নেই ।

—সর্বনাশ ! এতো বাবলা বন । গাছপালার ভিতর দিয়ে  
যাবো কি করে ?

—দূর থেকে দেখতেছেন বলে বন মনে হচ্ছে । গাছের ফাঁক  
দিয়ে দিয়ে যাওয়া যাবে । তবে সাবধানে যেতে হবে আর কি !

—এর চেয়ে তো কাদা রাস্তাই ভালো ছিল । সেটা রাস্তা ।  
এটা তো রাস্তাই নয় ।

প্রসাদ হাসে ।

—এ তবু যেতে পারবেন । সে রাস্তার অবস্থা তো চোখে দেখেন নি । এক হাঁটু দ ।

সৌমেন ও রাণী পরস্পরের দিকে তাকায় । একজন অপরের মুখে দেখতে চায় সাহসী প্রতিফ্রিয়া । কিন্তু দুজনেই ভয়াতঁ এবং বিহবল । দুজনের চোখেই আকাশের ঘোলাটে শূন্যতা । মনোবলের জোগান দেয় প্রসাদ ।

—আপনারা যদি বলেন থালে উ রাস্তাতেই চলুন । কিন্তু দেখবেন আবার ফিরে আসতে হবে । দশ পা এগোতে পারবেন নি । ইথেনে তো সুবিধে, গাছ ধরে পা সামলাতে পারবেন । তা ছাড়া খালের নিচের ঢাল দিয়েও যাওয়া যাবে, ঘাসে ঘাসে ।

পিছোবার রাস্তা নেই বুদ্ধিতে পেরে ওরা এগোতে বাধ্য হয় ।

প্রসাদ যায় আগে আগে । যেন একটা ঢেউ । মাথাটা উঠছে, নামছে, কখনো কোমর থেকে নুইয়ে অর্ধেক করে নিচ্ছে শরীরটাকে । ডালিম পা ছোঁড়ে পড়ে যাওয়ার কিংবা গাছের ডালে গা-হাত চিরে যাওয়ার ভয়ে । প্রসাদ সান্ত্বনা দেয়,

—এই তো এতটা এনু । নেগেছে কোথাও ? থালে ভয় পাচ্ছ কেন ?

ডালিমের ভয় ঘোচে না তবু । সে বারে বারেই পিছন ফিরে তাকায় । এবং মা বাবাকে ডাকে । দশহাত হেঁটেই ঘেমে উঠছে রাণী । কাদার চেয়ে বাতাসেই বেশী বিব্রত । বাবলার নুয়েপড়া সরু ডালগুলো বাতাসের ঝাপটায় যখন-তখন কাঁটা ফুটিয়ে চলছে তার হাতে পিঠে ঘাড়ে । চলতে চলতেই নানা রকম অভিযোগ তার ।

—এই, আমি পা রাখতে পারছি না যে ।

—এই, একটু দাঁড়াও । আমার শাড়ি আটকে গেছে । কি করে ছাড়াবো ? বাঃবাঃ । এই দেখ, শাড়িটা ছিঁড়ে যাচ্ছে । একটু এসো না ।

—না সত্যিই পারবো না আমি । এভাবে মানুষ যেতে পারে ?  
আমি পড়ে যাচ্ছি ই-ই ।

রাণীর অববেচনায়, বাস্তবকে না-বোঝার অক্ষমতায়, সৌমেন  
বিরক্ত । হাতের আটাচি মাটিতে নামিয়ে রেখে রাণীর শাড়ি থেকে,  
কখনো মাথার চুল থেকে আটকে যাওয়া বাবলার কাঁটা-বহুল ডাল  
সরাতে হয় তাকে । রাণীর মুখে দুর্যোগের জল-ছাপ । সে  
অধৈর্য ।

—আমার কিন্তু ভয় করছে ।

—কিসের ভয় ?

—লোকটা ঠিকিয়ে আমাদের ভুল রাস্তায় নিয়ে যাচ্ছে । তুমি  
দেখ যে-ছেলেটা সূটকেশ নিল, তার চিহ্ন নেই কোথাও ।

—সে তো এ-রাস্তায় যাচ্ছে না । তাকে তো বড় রাস্তাতেই  
যেতে বলেছে, তাড়াতাড়ি পেঁছবার জন্যে ।

—সে যাই হোক, লোকটার কিছ্ একটা মতলব আছে ।

—চুপ করো । বিপদে পড়েছি আমরাই । ওকে বিশ্বাস না  
করে উপায়ই বা কি ?

ডালিমকে ভোলাবার জন্যে প্রসাদ গল্প জুড়ে দেয় । ডালিম  
তব্দুও অন্তরঙ্গ হতে পারে না । কারণ তার শিক্ষা অন্য রকম ।  
তাদের বাড়িতে প্রসাদের মতো তিন চারটে চাকর । সেই চাকরেরা  
ডালিমকে পর্যন্ত ভয়-সমীহ এবং শ্রদ্ধা নিয়ে কথা বলে । ডালিমও  
আরেক গৃহকর্ত্রী তাদের কাছে ।

—অমন নোড়ো না, তুমি নড়লে আমি পড়ে যাবো ।

—তোমার কথা শুনবো না ।

—কেন শুনবে না ।

—তুমি বাজে লোক । তুমি মাথায় এত তেল মাখো কেন ?  
তোমার জামায় বিচ্ছরী গন্ধ ।

বাঁখের রাস্তা থেকে এবার নিচে নামতে হবে । কারণ নিচে

অনেকখানি সমতল জায়গা, ঘাস আর সাধারণ গাছ-গাছড়ার জঙ্গলে  
ছাওয়া। নামার আগে প্রসাদ সৌমেনদের দিকে হাঁক দেয়।

—এইথেনে, ডানহাতি নামবেন।

বাতাসের তোড়ে প্রসাদের হাঁক ধানক্ষেতের উপর দিয়ে উড়ে  
যায় দূর-দূরান্তে। বৃষ্টিতে না পেরে সৌমেনের পাগটা হাঁক,

—কি বলছো, বৃষ্টিতে পারছি না।

প্রসাদ আবার চেঁচায়। সৌমেনেরও পাগটা চিৎকার। শেষপর্যন্ত  
প্রসাদের অঙ্গভঙ্গি থেকে বৃষ্টি নেয় ব্যাপারটা। ওরা নিচে নামে।  
বাঁধ থেকে ঢালু হয়ে বেশ খানিকটা ঘাস ও ছোট গাছের জঙ্গলে  
ভরা সমতল। বাঁধ থেকে নিচে নেমে খানিকটা ভরসা পায় রাণী।  
কারণ বাতাসের ঠেলাটা অপেক্ষাকৃত কম। বাঁধের উপরে বাতাসের  
সাইসাই শব্দ আর বাবলা বনের মাতাল লুটোপাটির ভঙ্গিতে  
আতঙ্কের উপকরণ ছিল অনেক বেশী। অনেকক্ষণ নিব্বদম হয়ে  
থাকার পর রাণী আবার ফুসফুসে জোর পায় কথা বলার মতো।

—কার মুখ দেখে উঠেছিলাম কে জানে।

সৌমেন নিজের কণ্ঠকে হালুকা করার জন্যেই রসিকতা করে।

—কার আর দেখবে? তুমি আমার মুখ। আমি তোমার  
মুখ। এই তো!

—তুমি হাসছো? আমার শাড়িটার কি দশা হয়েছে দেখছো?

—আর একটু তুলে নাও।

—কত তুলবো আর? কোমরে তো তোলা যায় না!

পড়ে যাওয়ার ভয় কাটলেও ডালিম এখনো বিচলিত।

—মা কই? বাবা কই? দেখতে পাচ্ছি না কেন?

প্রসাদও থমকে দাঁড়িয়ে ঘোরে। সেও দেখতে পায় না  
রাণীদের। তবু বলে

—আছে আছে। ঐ তো আসতেছে!

—কই? না আমি দেখতে পাচ্ছি না কেন?

ঢাকে যেভাবে কাঠি বাজে, সেই ভাবেই ডালিমের জুতো শূন্য পা দুটো প্রসাদের বকে আছড়ায়। প্রায় কাতরিয়ে ওঠার মতো যন্ত্রণায় প্রসাদ ডালিমকে ঘাড় থেকে নামাতে বাধ্য হয়।

—উঃ, কি করলে বলতো? ওরকম করে পাঁ ছুঁড়লে পাঁজরা ভেঙে যাবে যে আমার।

—শাক্। আমার মা কই! বাবা কই?

ডালিমের শিশুকণ্ঠের আতর্নাদ এই মূহুর্তে ছোরার মতো ধারালো। তবে এই জাতীয় আতর্নাদের মর্মান্তিকতা মণ্ডের পক্ষেই যথোপযুক্ত। কারণ সেখানে তিনদিক ঘেরা। ফলে সরাসরি দর্শকের বকে বিন্দু হওয়ার পক্ষে সে আতর্নাদ পেয়ে যায় একমুখো পথ। কিন্তু এখানে, এই প্রান্তরে, যার উর্ধ্বে দৃশ্যবস্তু মতো আকাশ, মাঝখানে প্রতিহিংসাপরায়ণ যুদ্ধযাত্রীর মতো বাতাস আর নিচে অস্প্রাঘাতে অর্ধমৃতের মতো মাটি আর শস্যক্ষেত্র, যেখানে চারদিক উন্মুক্ত, বৃক্ষরাজিও আপন আপন অস্তিত্ব রক্ষায় বিপন্ন, সেখানে এই আতর্নাদ বন্যাস্রোতে স্থিরমাণ বদ্বদ্বদ্ব। তবে এই আতর্নাদে চিড় ধরে প্রসাদের অভ্যন্তরে।

—তুমি ইথেনে একটু দাঁড়াও। আমি দেখে আসি।

ডালিম ডুকরে ওঠে সে প্রসাবে। প্রসাদ এক অশুভ দোটানায় মাথার গামছাকে নিংড়ে গা-হাত মদ্র মদ্রছে আবার নিংড়িয়ে বাতাসে ভট্ ভাট্ ঝেড়ে সেটা মাথায় বাঁধে। ডালিমের হলদুদ তোয়ালেটাও নিংড়ে দেয়। এই সময়ে আকাশকে দেখে নেয় তার চোখ। আকাশের ষড়ষন্দ তার কাছে নতুন কোনো দৃশ্য বা ঘটনা নয়। সে কাতর এই শহুরে তিনটি প্রাণীর জন্য। দর্শাদিক জুড়ে বিদ্যুৎ ঝিলিক। মেঘগর্জন অসম্ভব ভারী, জলের ভিতরে কামান দাগার মতো। প্রসাদ এই ফাঁকে আলাগা হওয়া মালকোচাটা আরো খাটো করে নেয়।

—তুমি ডালিমকে দেখতে পাচ্ছ?

—ওরা এগিয়ে গেছে ।

—কত দূরে এগোবে যে দেখতে পাবো না । আমার ভীষণ ভয় করছে, সত্যি বলছি । কিছ্ একটা ঘটে গেলে তুমি তখনই না বললে পারতে, এই লোকটাকে অমন আমল দিতে গেলে কেন ? আমি তো গোড়া থেকেই...

—তুমি মাঝে মাঝে 'রিজন' হারিয়ে ফেলো, এই তোমার এক দোষ ।

—আমার যে কী কষ্ট হচ্ছে সে তুমি বুঝবে না ।

—এ তো কেউ ইচ্ছে করে করি নি । ঘটনাচক্রে...

—কি করে হাঁটি বলতে পারো ? সিলেকের শাড়ি, ভিজ়ে গিয়ে পায়ে এঁটে যাচ্ছে ।

—আরেকটু তুলে নাও ।

—আর কত তুলবো ? তাহলে তো 'নেকেড' হয়ে যেতে হয় ।

—কেউ তো দেখছে না ।

রাণী সত্যিই এখন এক বেচপ আকৃতি । বৃষ্টির জলে ভিজ়ে তার সাদা পাদুটো, যা হাঁটুর উপরেও অনেকখানি নগ্ন, আরও সাদা । কোমর এবং হাঁটুর মাঝামাঝি একটা জায়গায় দ্বহাতের বাঁধনে জমানো তলার শাড়ি । যেন ঐখান থেকে তার শরীরের শূর, পদতুলনাচের পদতুলের মতো । পা দ্বটো পদতুল-ধরার লাঠি । ভিজ়ে চুল লেপটে গেছে মাথায়, কানের দ্বপাশে, পিঠে ঘাড়ে । তার চশমা এখন সৌমেনের পকেটে । তাই আগের চেয়ে অনেক শীর্ণ ও লম্বা লাগছে তাকে । পালক ছাড়িয়ে নিলে যেমন দেখতে হয় হাঁস-মুরগী ।

—ঐ তো তোমার বাবা আর মা

—কই, দেখতে পাচ্ছি না কেন ?

প্রসাদ বগলে দ্বটো হাত দিয়ে শূন্যে তুলে ধরে ডালিমকে ।

ডালিম দেখতে পায়। প্রসাদ এগোতে চায় এবার। ডালিম রাজী হয় না।

ডালিমকে দেখতে পেয়ে রাণীর শরীরে ফিরে আসে কিছুটা শান্তি এবং শক্তি। ওরা কাছাকাছি পৌঁছলে প্রসাদ বলে—একটু জোরে পা চালাতে হবে ইবার। জোর পশলা নামবে এখুনি। জুয়োরের সময় এগি আসতেছে তো।

—এর চেয়ে জোরে ?

রাণীর উচ্চারণে হাঁপ। ডালিমের গলায় অভিযোগ,

—তোমরা এত পিছিয়ে থাকো কেন ?

রাণী তার ঠাণ্ডা ঠোঁটে ডালিমের ঠাণ্ডা গালে চুমু খায়।

—কি করব মা, আমাদের কি ‘হ্যাঁবিট’ আছে এই রকম রাস্তায় হাঁটার ?

—রাস্তা এ রকম কেন।

—এটা গ্রাম তো। গ্রামে এ রকম হয়।

—তুমি এমন ‘ন্যাসটি’ গ্রামে জন্মাতে গেলে কেন ?

গ্রাম এবং রাণী দুজনের পক্ষেই ওকালতি করে প্রসাদ।

—আর বছর এসে দেখবে, কী রকম রাস্তা। নতুন রাস্তা তৈরী শুরুর হয়ে গেছে। তখন আর হেঁটে যেতে হবে নি। সাইকেল রিকশায় একদম দরজা গোড়া পর্যন্ত।

রাণীর মূখে এই প্রথম হাসি দেখতে পায় প্রসাদ। রাণী সত্যিই সুন্দরী। তার হাসির মিষ্টতায় পিছনের সমগ্র অন্ধকার ও আক্রমণকারী নিসর্গ আরো বীভৎস হয়ে ওঠে। হাসির সঙ্গে সঙ্গে রাণীর মূখে জলের বিন্দুগুলো মস্কোদানা হয়ে যায়।

তারা হাঁটার জন্যে প্রস্তুত হয় আবার। ডালিমকে কাঁধে তোলে প্রসাদ। কিছুটা এগোবার পরই বাঁধের নিচের ঢালু জায়গাটা শেষ। বাঁধে উঠতে হবে আবার। প্রসাদ উঠে যায়। রাণী ও সৌমেন উঠতে পারে না। পা রাখলেই পা পিছলে যায়। একবার



গাড়িয়ে পড়ার অবস্থাও হয় রাণীর। সৌমেন জাপটে ধরে বাঁচায়। প্রসাদ নির্দেশ দেয়, কিছুটা পিছিয়ে গিয়ে, ঘাসের চাপড়া-ওলা মাটির ডাঁই যেখানে, সেখানে দিয়ে উঠতে।

বাঁধে ওঠার একটু পরেই প্রবল বর্ষণ। বাতাস সহসা ঘুরে ওদের সামনে আসে, প্রতিপক্ষের মতো মূখোমুখি। এতক্ষণ ছিল পাশে। বাতাসে এখন ভিন্নরকম শব্দ, যেন চাকা ঘুরছে প্রকাণ্ড কোনো এঞ্জিনের। বৃষ্টির তীব্র ঝড়মানির সঙ্গে মিশে গেছে বলেই বাতাসে এমন যান্ত্রিক ধ্বনি।

—এই, আমি দাঁড়াতে পারছি না।

বৃষ্টিতে মাত্র চার হাত দূরের সৌমেন এখন আবছা। বাতাসের তোড়ে রাণীর এই বিলাপ উল্টো দিকে ভেসে যায়। সৌমেন শূন্যতে পায় ক্ষণিকের আভাস শুধু।

—কি বলছো?

—আমি যে দাঁড়াতে পারছি না একেবারে।

—বুঝতে পারছি না, কি বলছো?

—তুমি কি বলছো, শূন্যতে পাচ্ছি না।

রাণী মাটিতে বসে পড়ে। এখন তাকে এগোতে হয় অনেকটা চতুষ্পদের ভঙ্গিতে। সৌমেনের ভঙ্গিটাও সেই রকমই। আর এই সময়ে ঠিক তাদের মাথার উপরেই বজ্রধ্বনি। রাণীর সর্বাঙ্গ মৃত্যুভয়ে কাঁটা। নেল-পালিশের লাল নখ দিয়ে, বন্য জন্তুর খাবার মতো, মাটি আঁকড়ে ধরে সে। বজ্রধ্বনির বিকটতায় কেঁদে ওঠে ডালিম। প্রসাদ তাকে কাঁধ থেকে নামিয়ে, দহাতের মাঝখানে, কোলে নেয়। প্রসাদের ভঙ্গিতে অতি পুরনো পৌরাণিক বাসুদেব ও শ্রীকৃষ্ণের আদল ফুটে ওঠে। বাতাসের ঠেলায় প্রসাদের তাগড়াই শরীরটাও কঁজো। আরো কিছুটা এগোবার পর প্রসাদের গলা চিরে এক ভীষণ উচ্চারণ।

—হায় আল্লা! বাঁধ কাটল কবে?

ক্ষেতের ধান বাঁচাতে, ক্ষেতের জল খালে পাঠানোর জন্যে দু-একদিনের মধ্যেই বাঁধটা কাটা হয়েছে। তারপর বৃষ্টি থামে নি। ক্ষেতের জল বেড়েই চলেছে। সেইজল এখন প্রবল টানে খালের দিকে। ডালিমকে না হয় পার করিয়ে দিতে পারবে সে, বাঁধ থেকে ধানের ক্ষেতে নেমে, ক্ষেতের জল ভেঙে। কিন্তু বাকী দুজন ?

ডালিম সমস্যাটা বদ্বাতে না পেরে প্রশ্ন করে

—এবার কি নৌকায় চাপতে হবে নাকি ?

—না মা। তুমি দাঁড়াও।

বৃষ্টিটা ঈষৎ পাতলা হয়ে আসছিল ক্রমশ। ডালিম এবং হাতের ব্যাগ নামিয়ে ডালিমের হলুদ তোয়ালেটা নিংড়ে মৃদু, মাথা ও হাত-পা মর্দাচ্ছে দেয়। ইতিমধ্যে প্রসাদ সম্পর্কে তার মনের বিরূপতা কেটে গেছে অনেকটা। মৃদু মাথা মোছার পর আবার তোয়ালেটা নিংড়ে মাথায় চাপিয়ে দেবার মৃদুহৃতেই সৌমেনের আর্ত হাঁক শুনতে পায় সে। প্রসাদ ঘুরে দেখতে পায় অনেকটা দূরে রাণী মাটিতে উপড়। ডালিম কেঁদে ওঠে

—মা পড়ে গেছে এ-এ।

প্রসাদ দ্রুত এগিয়ে যায় সৌমেনের কাছে। সৌমেন উঠে দাঁড়িয়েছে। হাতদুটো ছড়ানো এবং কাদায় লিপ্ত। হাতের অ্যাটাচি ও অন্য একটা ব্যাগ মাটিতে। সেসবও কাদাময়। সৌমেন বলে,

—ওকে একটু ধরো ভাই। ও আর পারছে না।

প্রসাদ রাণীর দিকে এগিয়ে যায়।

—আমি বদ্বাতে পারতোঁছি খুব কষ্ট হতোঁছে। কার্পিটে পা দিয়ে হাঁটা ওভোস তমাদের। ই ধরনের কষ্ট সহ্য হয় কখনো ? খুব শক্ত করে ধরো দিকনি মোর হাতদুটো। হ্যাঁ, ভয় নেই। আর কিছুর হবে নি। শব্দ পায়ের আঙুল দিয়ে মাটিটা কামড়ে ধরতে হবে। . আলগা হলেই পিছলোবে। ই সময়টায় আসা উচিত হয়

নি। জেঠিমাদের উচিত ছিল, চিঠি দিয়ে বারণ করা। ওঁবিশ্য তেনারাই বা বদ্বাবেন কি করে, দুয্যোগটা দিনকে দিন বেড়ে যাবে এত।

রাণী কোনো কথা বলে না। যতই উপকারী হোক, একজন গ্রাম্য চাষার কাছে এই পরাভবের লজ্জা তার মধ্যে ভিন্ন প্রতিক্রিয়া ফাঁপিয়ে তোলে। যেন রাণীর অহঙ্কার চোঁচির করার জন্যেই প্রসাদ ভুল রাস্তায় নিয়ে এসেছে তাদের, এই ধারণা থেকেই প্রসাদের বিরুদ্ধে তার মন-মেজাজ ক্ষিপ্ত।

—কাটা বাঁধের কাছে এসে সৌমেনের গলায় বন্দুকের মতো আওয়াজ।

—একি কান্ড!

রাণীকে ধরে প্রসাদ কাছে এসে সান্ধনা দেয়।

—বেশী জল নেই। আমি পার করে দুবো। ভাববেন নি।

ডালিমকে বন্ধুর কাছে নিয়ে ধান ক্ষেতের ভিতরে নেমে অর্ধবৃত্তাকারে ঘুরে সে যখন ওপারে গিয়ে ডালিমকে নামায়, বন্ধুকে একটু সাহস পায় সৌমেন। সৌমেনকে সে পার করায় হাত ধরে হাঁটিয়ে। সৌমেন আর প্যান্ট গোটায় না। জল তার কোমর পর্যন্ত। সমস্যা বাধে রাণীকে নিয়ে। রাণীর মধ্যে নানান ভয় ও উদ্বেগ। জলে যদি সাপ থাকে? যদি পড়ে গিয়ে জলে ডুবে যায়? জলের শামুক পা কাটে যদি? প্রসাদ হেসে সাহস জোগায়।

—ঐ তো উনি পার হয়ে গেলেন গো। ওনার কি কিছু হয়েছে?

প্রসাদের হাত ধরে অনেক কষ্টে বাঁধের নিচে ধানক্ষেতের পাড় পর্যন্ত এসে রাণীর মূখটা ফ্যাকাসে। বিস্তীর্ণ জলরাশির দিকে তাকিয়েই সে আধ-মরা।

—তাহলে ? তাহলে তো আমার কাঁধে উঠতে হয় । পারবে ? শক্ত করে আমার গলাটা আর কোমরটা জড়িয়ে ধরতে হবে । পারবে নি । খুব পারবে ।

সৌমেন বাঁধের ওপার থেকে রাজী হতে বলে । রাণীর শেষ গদমোরটুকুও এইভাবে চূর্ণবিচূর্ণ ।

রাণীকে পিঠে নিয়ে জলে নামে প্রসাদ । এগোতে এগোতে জল বাড়ে । প্রসাদের কোমর ডুবে যায় । ডুবে যায় প্রসাদের কোমর জড়ানো রাণীর পা-দুটোও । জলে পা ডুবে যাওয়ার সঙ্গে সঙ্গেই রাণী কেঁপে ওঠে । ভয়ে আলাগা হয়ে যায় তার পা দুটো । প্রসাদ টাল সামলাতে পারে না । রাণীর শরীরটা তখন প্রসাদের পিঠে ঝুলে প্রসাদকেই টেনে নিতে চাইছে জলের ভিতরে । ভয়ঙ্কর শাসন গর্জে ওঠে প্রসাদের চাষাড়ে কণ্ঠস্বরে ।

—অমন করলে তলি যাবে দৃজনেই জলে টান আছে ।

বাঁধের ওপরে থেকে সৌমেনের চিৎকার, ডালিমের কান্না ।

রাণী তবুও নিজেকে সামলাতে পারে না । প্রসাদের পিঠ বেয়ে ঝুলে পড়ে তার শরীরটা । এবং জলের টানে তার পা দুটো বাঁকতে থাকে । সাংঘাতিক বিপদের মূখোমুখি পেঁছে প্রসাদ ভেবে নেয় তার কর্তব্য । সাঁ করে এক ঝটকায় নিজের শরীরটাকে ঝুরিয়ে নেয় উল্টো দিকে । ঝুরিয়ে নিয়েই কঁজো হয়ে ঝুঁকে পড়ে জলের উপর । আচমকা ধাক্কায় রাণীর হাতদুটো খসে পড়েছে তার কাঁধ থেকে । রাণীর সম্পূর্ণ শরীর জলে । রাণীর গলায় মৃত্যুআর্তনাদ । আর তখনই জলের তলা থেকে প্রসাদের দুটো হাত রাণীর হাঁটু এবং ঘাড়টাকে তুলে ধরে জলের উপর । বাঁচার আকাঙ্ক্ষায় রাণীর ব্যাকুলতা এখন এমন তীব্র যে, প্রসাদকে আর অস্পৃশ্য চাষার ছেলে মনে হয় না তার, মনে হয় না সে অচেনা এবং ষড়যন্ত্রকারী । প্রসাদ বাল্যকালের বন্ধু, প্রসাদ সাহসী, প্রসাদ পরোপকারী, প্রসাদ পরিগ্ৰহাতা এই জাতীয় শৃঙ্খল থেকেই সে

প্রসাদের গলাটাকে জড়িয়ে ধরে দহাতে, নিজের ভেঙে পড়া মূর্তিটাকে সামলাতে। প্রসাদের চিবুকের নিচে তার মাথা। তার স্তন প্রসাদের বুকে পিষ্ট। তার জংঘা ধাক্কা খায় প্রসাদের হাঁটুর ওঠা নামায়। প্রসাদের মাথার, মূখের গড়ানো জল রাণীর মাথায়, মূখে, চোখের পল্লবে, ঠোঁটে, চিবুকে, সর্বত্র। শক্ত গাছের গায়ে স্বর্ণলতিকার বেড়ের মতোই রাণী এখন প্রসাদকে সর্বাঙ্গ দিয়ে জড়িয়ে। আত্মসমর্পণে।

প্রসাদ জল থেকে স্থলের দিকে।

॥ ৪ ॥

—জৈঠমা, তাহলে তমাদের মেয়ে-জামাইকে পেঁছে দিন। কী যে কষ্ট হয়েছে এনাদের, সে ঈশ্বর জানেন। আমার মেয়েতো পেথমে মোকে চিনতেই পারে নি। ভেবেছে কোথাকার কে। সে বেঁচু ছোঁড়াটা বড় স্মটকেশটা নিয়ে পেঁছেছে তো? সে কি? এখনো পেঁছলনি? জানো জৈঠমা তমার জামাই আবার মোকে টাকা দেখাচ্ছিল। আমিও মস্করা করে দর বাড়চ্ছিন্দু...।

জৈঠমাকে চোখে দেখা যায় না, মেয়ে জামাই নাতনীকে পেয়ে তিনি ভিতরে। তবে ঘরের ভিতর থেকেই ভেসে আসে তাঁর স্নেহপরায়ণ কণ্ঠস্বর।

—তুই যেন চলে যাসনি পেসাদ। এখানে খেয়ে দেয়ে তবে যাবি।

বৃষ্টির ধারার মতোই হাসি গড়ায় প্রসাদের মূখে।

—খেয়ে তো যাবোই গো। মেয়ে-জামাইয়ের জন্যে ভালো-মন্দো রান্না একটু তো চাখবোই।

প্রসাদ উঠোন থেকে ঘাটে চলে আসে। হাত-পায়ের কাদা সে নিজে ধোয়। আর রাণী এবং ডালিমের পা থেকে যে কাদা লেগেছে তার জামা-কাপড়ে, সেসব ধোয়াতে থাকে দুর্যোগের আকাশ থেকে নামা নিঝর।